















# ସୁଖ ଗନ୍ଧର୍ବୀ


ଶ୍ରୀମୁରେନ୍ଦ୍ରନାଥ ରାୟ

ଶ୍ରୀରାମ ଚନ୍ଦ୍ରୋପାଧ୍ୟାୟ ଏଓ ସନ୍ସ  
୨୦୭/୧୧, କର୍ମଘୋଷିକା ଛାଟ, କଲିକତା

ଅଗ୍ରହାୟଣ—୧୯୨୯

ସୁଖ ଗନ୍ଧର୍ବୀ






ଦ୍ଵାଦଶ ସଂସ୍କରଣ

ପ୍ରିଣ୍ଟର—ଶ୍ରୀନରେନ୍ଦ୍ର  
ଭାରତବର୍ଷ ପ୍ରିଣ୍ଟି  
୧୦୦୧୧୧, କର୍ମଓପାଳିକା

All rights reserved to the Publishers.



অগাধা ভগ্নীদয়ের

পুন্যস্মৃতিতে

এই গ্রন্থ

উৎসর্গ

করিলাম

## নিবেদন

নব-বিবাহিতা বঙ্গ-ললনাগণ স্বস্তর-গৃহে আসিয়া যাহাতে শীঘ্রই সকলের প্রিয়পাত্রী হইতে পারেন, সেই উদ্দেশ্যে এই ক্ষুদ্র গ্রন্থখানি লিখিত হইল। কুলদেবী পাঠে যদি একজন বঙ্গ-ললনাও প্রকৃত কুলদেবী হইতে পারেন, তবেই প্রকৃত সার্থক জ্ঞান করিব, ইতি। ১লা আশ্বিন, ১৩১৭ সাল।

ঐশ্বর্যকাম

# সূচীপত্র

উপাত্তমণিকা

জীবিকার প্রয়োজনীয়তা

জীলোকের গুণ

সৌন্দর্য্যবাহি

সজ্জা

বিনয়

গাভীরা

সরলতা

আত্ম-সন্তোষ

প্রমথীলতা

স্নেহ-বশতা

অতিথি-সেবা

দেবসেবা

সেবা-সুপ্রভা

সৌজন্ত

কর্তব্য-জ্ঞান

সতীষ

জীলোকের দোষ

অলসতা

বিলাসিতা

স্বৈচ্ছাচারিতা

উচ্ছৃঙ্খলতা

কলহ

পরনিন্দা হিংসা-দ্বেষ


অভিমান ও অহঙ্কার

বাহ্যের প্রতি অমনোযোগিতা

রসিকতা ও বাচালতা

সহিকূতা

অপব্যয় বা অদ্বিতব্যয়



## পরিজ্ঞানের প্রতি কর্তব্য

পতির প্রতি কর্তব্য	...	...	১৩
বন্ধু-খাণ্ডীর প্রতি কর্তব্য	...	...	১১১
পরিবারের অন্যান্যের প্রতি কর্তব্য			
ভাষুর	...	...	১১৯
দেবর	...	...	২২১
দেবরপত্নী, ভাষুরপত্নী ও ননন্দ প্রভৃতি	...	...	১২২
দাসদাসী প্রভৃতির প্রতি কর্তব্য	...	...	১২৩

## দৈনিক গৃহকার্য

স্ত্রীলোকের দায়িত্ব	...	...	১২৬
প্রাতঃকৃত্য	...	...	১২৬
রন্ধন	...	...	১২৬
তাড়ুল-সজ্জা	...	...	১২৮
পরিষ্কার পরিচ্ছন্নতা ও শৃঙ্খলারক্ষা	...	...	১২৮
লেখাপড়া ও শিল্পচর্চা	...	...	১২৮
দৈনিক হিসাব রক্ষা	...	...	১২৯
পরিবারের সেবা-শুশ্রূষা	...	...	১২৯
ব্রত-উপবাসাদি	...	...	১২৯
পাঠ্যপুস্তক	...	...	১৩০
হস্তাকর	...	...	১৩০
মিতব্যয়	...	...	১৩০

## পৌরাণিক মীতি-কথা


অশ্বী-রুদ্রী সংবাদ	...	...	১৩১
হুমনা-শাঙিলী-সংবাদ	...	...	১৩৪
পার্বতীর ত্রীধর্ম বর্ণন	...	...	১৩৭
দ্রৌপদী-সত্যভামা-সংবাদ	...	...	১৩৯

## চিত্র স্মৃতি

১। শিব পূজা (রঙিন)	৩। কুলদেবী (রঙিন)
২। গৃহদেবী (রঙিন)	৪। হর-পার্বতী (রঙিন)







## জ্ঞানশিক্ষার প্রয়োজনীয়তা

নানারূপ বাস্তবতা ও আমোদ প্রমোদের মধ্যে নববধূ যখন প্রথম স্বস্তর-গৃহে আসিয়া উপনীত হয়, তখন সকলেরই চিত্ত বধূকে আদর করিবার জ্ঞাত ব্যাপ্ত হইয়া উঠে। স্বাস্থ্যদী মনে করেন, বধূকে লইয়া কত সুখে ঘরকন্না করিবেন; স্বস্তর আশা করেন, কত সুখে, কত আনন্দে পুত্রবধূর সেবা-শুশ্রূষা গ্রহণ করিবেন; স্বামী কত কল্পনার মনোরম রাজ্যে নববধূকে বরণ করিয়া লয়। নন্দ, দেবর, ভাস্কর, ভাস্কর-পত্নী প্রভৃতি কতজনে নব-বধূকে লইয়া নব-সংসারের কত সুখের চিত্র অঙ্কিত করে। কিন্তু হায়, ছ'দিন পরে সেই সুখের স্বপ্নগুলি দেখিতে দেখিতে কোথায় মিলাইয়া যায়! প্রভাতের রাঙা রবির ক্ষণিক শোভার মত, সায়াহ্নের অন্তাচলগামী ডুবন্ত রবির হৈমকান্তির মত, জ্যোৎস্নারাত্রির টলটলায়মান ছলছলায়মান পদ্মপত্রের স্বচ্ছ জলটুকুর মত, মেঘের কোলে বিদ্যাতের চমকিত আভার মত



## কুললক্ষ্মী

সে আশার মোহিনী ছবিখানি, অধিকাংশ স্থলেই, কোন্‌ অভিসম্পাতের প্রভাবে জানি না, দেখিতে না দেখিতে, বিকশিত হইতে না হইতে, কোন্‌ অজ্ঞাত দেশে সরিয়া পড়ে! কেন এরূপ হয়? কোন্‌ অভিসম্পাতে এরূপ হয়?—কেহ ভাবিয়া দেখিয়াছেন কি?

আমাদের মনে হয়, ক্রীশিক্ষার অভাবই বঙ্গললনাগণের এই দুর্ভাগ্যের প্রকৃত কারণ। আমাদের কুললক্ষ্মীগণ যদি পিতৃগৃহ হইতে উপযুক্তরূপে শিক্ষিতা হইয়া আসেন, অথবা স্বামিগৃহে আসিয়াও অবিলম্বে সেই শিক্ষা গ্রহণ করেন, তাহা হইলে এই অবস্থা অনেকটা দূরীভূত হইতে পারে। কিন্তু এ সম্বন্ধে একটা সংশয় আছে।

অনেকে বলিতে পারেন, আমাদের দেশে শিক্ষিতা নারী যে একেবারেই নাই, তাহা তো নয়। তবে তাঁহাদের মধ্যেও অনেকে স্বস্তুরালয়ে গিয়া সকলের প্রীতিভাজন হইতে পারেন না কেন? এ সম্বন্ধে আমাদের বক্তব্য একটুকু জটিল। একটুকু মনোযোগপূর্বক অবধান করিলে, সকলেই বুঝিতে পারিবেন। ক্রীশিক্ষার অর্থ শুধু লেখাপড়া শিক্ষাই নহে। হুঁথানা চিঠি লিখিতে শিখিলাম, হুঁদশথানা বই পড়িতে জানিলাম, ধর না হয় হুঁচারিটা বড় বড় পরীক্ষারও উত্তীর্ণ হইলাম—ইহাই সম্পূর্ণ ক্রীশিক্ষা নহে। ক্রীশিক্ষার অর্থ ক্রীলোকের বাহা কর্তব্য,

## শ্রীশিক্ষার প্রয়োজনীয়তা

শ্রীলোকের যাহা ধর্ম, শ্রীলোকের যাহা আচরণ, সেই ধর্ম, কর্ম ও আচরণ শিক্ষা। সেই শিক্ষা আয়ত্ত না করিয়া শুধু বড় বড় বই পড়িলে, বড় বড় প্রবন্ধ লিখিতে জানিলে বা বড় বড় পরীক্ষা পাশ করিলে কি হইবে? যাহারা গ্রন্থ-অধ্যয়ন, গ্রন্থ-লিখন বা পরীক্ষা-পাশ দ্বারাই সুশিক্ষিতা বলিয়া পরিচিত হইতে চাহেন, তাঁহাদিগকে আমরা প্রকৃত সুশিক্ষিতা বলি না, তাঁহাদিগকে প্রকৃত কুললক্ষ্মী দেখিতে আমরা কখনও আশা করিতে পারি না। যে কোন প্রকার শিক্ষা লাভ করিলেই যে শ্রীলোকেরা সুশিক্ষিতা হইলেন—এ ধারণা সম্পূর্ণ ভুল। বরং শিক্ষা-বিভ্রাটে অনেক সময় ফল সম্পূর্ণ বিপরীতই ফলে। আজকাল অনেক স্থলেই এরূপ দেখা যায় যে, যাহারা পুরুষদিগের অনুকরণে বৈদেশিক ভাবাদি শিক্ষা করিয়া এবং নানারূপ পরীক্ষাদি পাশ করিয়া একটু শিক্ষাভিমানিনী, তাঁহারাই পরিবারের চক্ষুশূল! প্রকৃত হিন্দু-আদর্শের হিন্দু-বধূ শিক্ষা না করিয়া তাঁহারা কতকগুলি বাজে, অনাবশ্যক ও ভিন্ন-আদর্শপূর্ণ শিক্ষা গ্রহণ করেন; ফলে দিন দিন হিন্দু-শ্রীর মনোরম আদর্শ হইতে দূরে সরিয়া পড়েন। কাজেই স্বত্তর-ষাণ্ডী প্রভৃতি পরিজনবর্গের, এমন কি অনেক সময়ে স্বামীর পর্যন্তও মনোরঞ্জন করিয়া উঠিতে পারেন না। এমতাবস্থায় নামে সুশিক্ষিতা হইয়াও পরিবারের বা সমাজের নিন্দনীয় হওয়া তাঁহাদিগের পক্ষে বড়

## কুললক্ষ্মী

অসম্ভব ব্যাপার নহে। বাঁহারা এমন শিক্ষায় শিক্ষিতা, তাঁহা-  
দিগকে আমরা প্রকৃত শিক্ষিতা বলিয়া কেন ধরিতে যাই ?

মনে কর, তুমি ইংরেজী পড়িয়া এণ্ট্রেন্স পাশ করিয়াছ, ইতিহাস শিখিয়াছ, ভূগোল শিখিয়াছ, জলকে, হুনকে ইংরেজীতে কি বলে, তাহা জান, স্বামীর নিকটে কি বলে, তাহা জান, স্বামীর নিকটে কি করিয়া ইংরেজীতে মাই ডিয়ার ( my dear ) অমুক বলিয়া, নাম ধরিয়া, মস্ত মস্ত লম্বা লম্বা প্রেমপূর্ণ চিঠি লিখিতে হয়, তাহাও বলিতে পার—এ অবস্থায় তুমি যদি আসিয়াষ্ট এক হিন্দুপরিবারে প্রবেশপূর্ব্বক সেই বিজ্ঞা যথেষ্ট ফলাইতে আরম্ভ কর, তবে কোন্ স্বপ্ন-স্বাভুতী স্থির থাকিতে পারিবেন ? হিন্দুবধু স্বামীকে কি ভাবে দেখে, স্বপ্ন স্বাভুতীকে কি ভাবে দেখে, নিজেকে কি ভাবে চালিত করে—তাহা তুমি শিখ নাই। তুমি যদি আসিয়াই ভোরের বেলা টেবিল-চেয়ারে বসিয়া চা খাইতে আরম্ভ কর, ঘোমটা খুলিয়া, স্বপ্ন-স্বাভুতী বা পরপুরুষ কাহাকেও গণ্য না করিয়াই, সকলের সঙ্গে হাত-পরিহাসে রত হও, হুনকে বল সন্ট, আর জলকে বল ওয়াটার, রাত্রিভোজনকে বল ডিনার, প্রাতঃকালকে বল মর্নিং, সন্ধ্যাকে বল ইভনিং, স্বামীকে বল হজব্যাণ্ড—বাক্, অত না কর—যদি অন্ততঃ গৃহ-কর্ম্মাদি ফেলিয়া, শুধু সাজিয়া-গুজিয়াই বসিয়া থাক, আর নানা ইংরেজী, বাঙ্গালা কেতাব-পত্র লইয়া কেবলি

## জীশিক্ষার প্রয়োজনীয়তা

নানা দেশীয়, নানা ঐতিহাসিক, ভৌগোলিক, সামাজিক, রাজনৈতিক ও অর্থনৈতিক আলাপে ব্যস্ত হও, তবে তোমার সে ভয়ঙ্করী বিথায় সেই বেচারী খণ্ডরকুলের কি আতঙ্কই না উপস্থিত হইতে পারে? তাই বলি, শুধু লেখাপড়া শিখিলেই বিত্তা হয় না, শুধু বালিকা-বিদ্যালয়ের পরীক্ষা পাশ করিলেই সুশিক্ষিতা হওয়া যায় না। প্রকৃত জীশিক্ষা লাভ করিতে হইলে, তোমাদিগকে লেখা-পড়ার সঙ্গে সঙ্গে প্রকৃত জীধর্ম্য কি, গৃহস্থালী কি, এবং মানসিক অত্যাশ্র জীজননশূলত গুণগ্রাম কি—তাহাও সম্যক শিক্ষা করিতে হইবে। তবেই প্রকৃত কুললক্ষ্মী হইয়া খণ্ডর-কুলের মনোরঞ্জন করিতে পারিবে, নতুবা সে আশা বিড়ম্বনা মাত্র। এইরূপে প্রকৃত সুশিক্ষিতা কুললক্ষ্মী-দিগকেও কখনো কখনো অকারণ লালিত হইতে দেখা যায় বটে, কিন্তু সে অতি বিরল। সৃষ্টিছাড়া আইনকানুনছাড়া একরূপ বিরল ঘটনা সকল বিষয়েই আছে। সুতরাং সে অল্প চিন্তিত হইলে চলিবে না। যাহাদের খণ্ডর-খাণ্ডড়ী একান্ত খল, স্বামী একান্ত পাষণ্ড, তাঁহারা হইতে সেই অবস্থায় পতিত হইতে পারেন। কিন্তু মনে রাখিবেন, খণ্ডর-খাণ্ডড়ী বা স্বামী একান্ত খলস্বভাব বা নির্ভর হইলেও, তাঁহারা জীলোকের নিকট সর্বদা দেবতা—তাঁহাদিগকে প্রাণান্তেও অবজ্ঞা করিতে নাই। খণ্ডর-খাণ্ডড়ী বা স্বামী তোমার উপর অসদ্যাবহার করিয়া

## কুলনক্ষত্রী

যদিই বা অধর্ম করেন, তুমি কেন তাঁহাদিগকে অমাত্য করিয়া সঙ্গে সঙ্গে অধর্ম ক্রয় করিবে? তুমি যদি বুদ্ধিমতী হও, তুমি যদি সুশিক্ষিতা হও, তবে তাঁহারা চিরদিন কখনও তোমার উপর বিরূপ হইয়া থাকিতে পারিবেন না। যদি বা থাকেন, তবে উহা তোমার পূর্বকৃত পাপের প্রতিফল বলিয়াই মনে করিও। মনে করিও, তোমার সেই পাপের প্রায়শ্চিত্ত হইতেছে। প্রায়শ্চিত্ত হইয়া পাপ যত শীঘ্র খণ্ডন হয়, ততই মঙ্গল। অধৈর্য্য বা অসহিষ্ণু হইয়া গুরুজনকে অবজ্ঞাপূর্বক ইহার উপর আর নূতন পাপ অর্জন করিও না। একদিন না একদিন ঈশ্বর অবশ্যই মুখ তুলিয়া চাহিবেন—ধৈর্য্য ধরিয়া সেই দিনের জন্ত অপেক্ষা করিয়া থাক। সেই দিন আসিলে আবার তোমার সংসার সুখের হইবে।

স্ত্রীশিক্ষার উপকারিতা ও প্রকারের কথা বলা হইল। এখন সেই শিক্ষা কি প্রকারে লাভ করা যাইতে পারে, সে সম্বন্ধে হ' একটা কথা বলা কর্তব্য। কেহ যেন মনে না করেন যে, আমার এই ক্ষুদ্র গ্রন্থখানি পড়িলেই স্ত্রীশিক্ষার চূড়ান্ত হইবে। আমি ততবড় স্পর্দ্ধা লইয়া আজ আপনাদের সমীপে উপস্থিত হই নাই। স্ত্রীশিক্ষা পুরুষদিগের শিক্ষা অপেক্ষা সম্পূর্ণ ভিন্ন প্রকৃতির হইলেও, সম্পূর্ণ সহজ নহে। পুরুষদিগের শিক্ষাক্ষেত্র যেমন অনেক জটিল বিষয়ে পূর্ণ, স্ত্রীলোকের শিক্ষাক্ষেত্রও তেমন। দারিদ্র

## ঐশিক্ষার প্রয়োজনীয়তা

কাহারো কম নহে। পুরুষগণ বাহিরের শ্রীবৃদ্ধিসাধনপূর্বক অর্থোপার্জন করিয়া পরিবার রক্ষার্থ দায়ী—স্ত্রীগণ ভিতরের শ্রীবৃদ্ধিসাধনপূর্বক গৃহস্থালী করিয়া, পুত্রজনের সুখশাস্তি বিধান করিতে বাধ্য। সংসারে কাহার প্রয়োজনীয়তা কম? পুরুষে যেমন অর্থোপার্জন করিয়া না দিলে বা শাসন-সংরক্ষণ করিয়া না রাখিলে পরিবার টেকে না, স্ত্রীলোকেও তেমনি গৃহের শৃঙ্খলা রক্ষা না করিলে, আপনার কোমলতাগ, ভালবাসায় ও মাধুর্য্যে, পুরুষদিগের জীবনীশক্তি উত্তেজিত ও সরস করিয়া না রাখিলে, পরিবার রক্ষিত হয় না। বলিতে গেলে, তাহাদের এই স্নিগ্ধ-মধুর অবস্থিতিই পরিবারের প্রধান ভিত্তি। আমি কত পরিবার দেখিয়াছি, যেখানে কেবল এই স্নিগ্ধ-মধুর অবস্থিতির অভাবই কত কত মহাশ্মশানের সৃষ্টি করিয়াছে। যাহাদের কর্তব্য এত বড়—তাহাদের শিক্ষা যে নেহাতই সহজ নহে, তাহা কে না বুঝিবে? স্ত্রীলোকদিগকে এই শিক্ষার জন্ত দস্তুর মত শাস্ত্রজ্ঞান লাভ করিতে হয়। হিন্দু-শাস্ত্রে স্ত্রীলোকদিগের কর্তব্য সম্বন্ধে অনেক মনোরম কথা লিখিত আছে। সতীধর্ম্মের গুঢ় রহস্য, পাতিব্রত্যের অপূর্ব্ব মাহাত্ম্য ও ব্রত-পূজাদির প্রকৃত মর্ম্ম প্রভৃতি নানা জটিল কথার মীমাংসা তথায় দেখিতে পাওয়া যায়। সে সকল জানা থাকিলে, হিন্দুনারীগণের যে কত উপকার হয়, তাহা বলা সুকঠিন। কিন্তু কোমলমতি বঙ্গ-ললনাগণের নিকট

## কুললক্ষ্মী

হইতে সেই সকল গূঢ়তত্ত্বজ্ঞান আমরা কিরূপে আশা করিতে পারি? যে দেশের পুরুষগণের শাস্ত্রজ্ঞানই ঋজুপাঠের তৃতীয় ভাগ পর্য্যন্ত, সে দেশের স্ত্রীলোকদিগকে একেবারেই নীলাবতী, খনা বা গার্গী প্রভৃতির ত্রায় বিদ্বষী দেখিবার আশা কি বিড়ম্বনা মাত্র নহে?

তবে উপায়? আমার মনে হয়, উপায় একেবারে দুস্ত্রাপ্য বহে। সৎপথাবলম্বনের এমনি একটা চমৎকার গুণ যে, না বুঝিয়া শুনিয়াও সেই পথে কয়েকদিন যাতায়াত করিলে উহার প্রতি কেমন একটা আন্তরিক মায়া ও শ্রদ্ধা জন্মিয়া যায়। পরে আর শত চেষ্টা করিয়াও কেহ সেই পথাবলম্বীকে সেই পথ হইতে প্রতিনিবৃত্ত করিতে পারে না। আমার বোধ হয়, আমা-দিগকেও এখন সেই পথই অবলম্বন করিতে হইবে। আমাদের শাস্ত্রের ও সমাজের নীতি-কথাগুলিও যদি আমরা এইরূপ (তাহাদের তাৎপর্য্য ও গূঢ় রহস্ত বাদ দিয়াও) সরল ভাবে ও সরল ভাষায় বঙ্গরমণীদিগকে উপহার দেই, তাহাতেও বিশেষ কাজ হইতে পারে। বঙ্গরমণীগণ যদি সেই সকল নীতি-কথা-গুলিকে শাস্ত্র ও সমাজের অকাট্য আদেশস্বরূপ গ্রহণ করিয়া কোন মতে একবার পালন করিতে আরম্ভ করেন, তবে দেখিবেন, কিয়দিন পরে তাহাদের প্রকৃত অর্থ, প্রকৃত তাৎপর্য্য, প্রকৃত রহস্ত, একটু একটু করিয়া তাহাদের হৃদয়ে আপনি

## জীশিক্ষার প্রয়োজনীয়তা

জাগিয়া উঠিতেছে। এখন শত চেষ্টা, শত উপদেশ দিয়াও যে কথা আমরা তাঁহাদিগকে বুঝাইতে অক্ষম হইতেছি, তাহা যে তাঁহারা কিয়দিন পরে আপনা হইতেই একরূপে বুঝিতে পারিবেন, সে বিষয়ে সন্দেহ মাত্র নাই। একবার নীতিগুলি অন্ধভাবে পালন করিতে আরম্ভ করিলেও দেখিবেন, সেই অন্ধত্বের আবরণ ভেদ করিয়া কোথা হইতে এক উজ্জ্বল জ্যোতিঃ আসিয়া ক্রমে ক্রমে হৃদয় অধিকার করিয়া বসিতেছে। তখন আর, না বুঝিয়া এক অজ্ঞাত পথ অনুসরণ করিয়াছেন—এ ক্ষোভ থাকিবে না। এই সকল শাস্ত্রীয় নীতি-শিক্ষার জন্য পাঠিকাগণ রামায়ণ, মহাভারত ও পুরাণ-ব্রত-কথাদি ষড়-পূর্বক পাঠ বা শ্রবণ করিবেন। আমাদের বর্তমান অবস্থায় বঙ্গরমণী-দিগের জীধর্ম্ম শিক্ষা করিবার এতদপেক্ষা আর অত্র প্রকৃষ্ট উপায় নাই।

এই গেল শাস্ত্রীয় জীধর্ম্মের কথা। কিন্তু কেবল শাস্ত্রীয় জীধর্ম্ম শিক্ষা করিলেই যে সম্যক আদর্শ-বধু হওয়া গেল—এমত নহে। সামাজিক জী-আচারগুলিও সঙ্গে সঙ্গে শিক্ষা করিতে হইবে। আচার-ব্যবহারগুলি সামাজিক আইন-কানুনমাত্র হইলেও, তাহাদের দ্বারাই আজ কাল লোকে ভালমন্দ বিচার করিয়া থাকে; সুতরাং তাহাদিগেরও বিশেষ একটা প্রয়োজনীয়তা আছে। এই সামাজিক আচার-ব্যবহারগুলি সম্বন্ধে




## কুলনক্ষী

কোন বাধাবাধি নীতি, কোন পৌরাণিক গ্রন্থে নাই। সুতরাং এইগুলি জীলোকদিগকে একটু কষ্ট করিয়া প্রাচীনা আত্মীয়-স্বজন হইতে শিক্ষা করিতে হয়। বাহারা সেইরূপ আত্মীয়-স্বজনের সহায়তা পান না, বা অত্র কোনও কারণে সেরূপ শিক্ষার সুযোগ হইতে বঞ্চিত, আমি তাঁহাদিগেরই নিমিত্ত এই ক্ষুদ্রগ্রন্থে মোটামুটি কতকগুলি উপদেশবাণী লিপিবদ্ধ করিব। সকল আত্মীয়-স্বজন সকল কথা গুছাইয়া-গাছাইয়া বলিতে পারেন না, সকলের আবার তেমন আত্মীয়-স্বজনও নাই; সুতরাং এই উপদেশবাণীগুলিতে সমাজের কিঞ্চিৎ কল্যাণ সাধিত হইতে পারে, এমনত আশা করা যাউতে পারে। আমি সেই আশাতেই এই কার্যে হস্তক্ষেপ করিয়াছি। বিশেষ, আর একটা কারণে এই সব আত্মীয়-স্বজনের উপর আমাদের একটু প্রাধিক্য আছে বলিয়া মনে হয়। রমণীগণের পনর আনা কর্তব্য পুরুষের প্রতি। পুরুষগণ কি হইলে সন্তুষ্ট হন, আপনাদের পরিবারের রমণীদিগকে কিরূপ দেখিতে চান, তাহা, এই সব আত্মীয়-স্বজনাপেক্ষা পুরুষদিগেরও একটু বেশী বুঝিবার কথা। নিজ প্রয়োজনার্থ হয়ত একদিন তাঁহারাও এই সকল রহস্ত বেশ ভালরূপই শিক্ষা করিয়া রাখিয়াছিলেন, কিন্তু তাহাতেও একটু গোল আছে। সামাজিক আচার-ব্যবহারগুলি নিয়তই পরিবর্তিত হইতেছে। আজ বাহা ভাল, পঞ্চাশ বৎসর বা এক শত বৎসর পরে হয়ত তাহাই

## জীশিক্ষার প্রয়োজনীয়তা

আবার সমাজের চক্ষে নিন্দনীয় ! সুতরাং তাঁহাদের সে শিক্ষায়ও আমাদের যে সর্বদাই উপকার হইবে, তাহা বলা যায় না। এ অবস্থায় আমাদের অভিজ্ঞতাটুকুও, জীলোকদিগের শিথিয়া রাখিতে হইবে বৈকি। সমাজের দিদিমা-পিসীমা-গণ, হয়ত, তাঁহাদের কর্তব্য আমরা গ্রহণ করিয়াছি বলিয়া, আমাদের উপর একটু কোপ প্রকাশ করিতে উদ্বৃত হইবেন। কিন্তু তাঁহাদের প্রতি আমাদের বিনীত উত্তর এই যে, আমরা তাঁহাদেরই সুবিধার জ্ঞে, তাঁহাদেরই সহায়তায়, এই আসরে অবতীর্ণ হইয়াছি—তাঁহাদের রাগের কারণ কিছুমাত্র নাই। যতক্ষণ তাঁহারা গুরুতর পরিশ্রমপূর্বক এই উপদেশগুলি তর্জমা করিতে করিতে নিদ্রাকাতর বধুদিগের নিকট বর্ণনা করিতেন, ততক্ষণ বেশ করিয়া এক চোট ঘুমাইয়া লউন।





## কুললক্ষ্মী

শ্রীলোকেশ্বর গুণ



## সৌন্দর্য্য-সৃষ্টি

আমরা এই গ্রন্থের নাম দিয়াছি কুললক্ষ্মী। কি করিয়া বালিকারা স্বস্ত্রালায়ে আসিয়া প্রথমেই কুললক্ষ্মী হইতে পারেন, আমাদিগকে সেই কথাই বুঝাইতে হইবে।

কুললক্ষ্মী হইতে হইলে প্রথমেই বালিকাদিগের কি করা উচিত? হিন্দু-রমণীগণ যত কেন শিক্ষিতা বা গুণবতী হউন না, তাঁহারা প্রথমে স্বস্ত্রালায়ে আসিয়াই আপনাদের গুণ-গ্রামের পরিচয় দিতে পারেন না। বিবাহের পর কয়দিন তাঁহাদিগকে

## কুলনক্ষত্রী

সম্পূর্ণ চুপ্‌টা করিয়া বসিয়া থাকিতে হয়। সেই কয়দিন কেহ তাঁহাদিগকে কোন কাজ কর্ম করিতে দেন না, দশজনের সঙ্গে কথা বলিতে দেন না, নিজের বুদ্ধি বিবেচনা মত কোন বিষয়ে হাত দিতে বলেন না ; সুতরাং সেই কয়দিন তাঁহাদের গুণগ্রাম-গুলির পরিচয় লইয়া কেহ তাঁহাদিগকে বিচার করিতে পারেন না। কিন্তু পারেন না বলিয়াই যে, বিচার করেন না, এমনত নহে। বাঙ্গালী পরিবারের সে দুর্নাম নাই। তাঁহারা বধূর আগমনের পরে ছ'চার দিনের মধ্যেই, এমন কি কোন কোন স্থলে ছ'চার ঘণ্টার মধ্যেই আকার-প্রকার দৃষ্টে একটা মতামত স্থির করিয়া লন ও সেই মত কালবিলম্ব না করিয়া প্রচার করিতে থাকেন। সুতরাং এই সময়ে বধূকে বাহ্যিক ভাবভঙ্গীর পরীক্ষা দিয়াই সুনাম ও আদর অর্জন করিতে হয়।

অনেক খসুর-খাস্তুড়ী এই সময় বধূর সৌন্দর্য্য দেখিয়াই আদরের মাত্রা কম-বেশী করিয়া থাকেন। বধূ সুন্দরী হইলে, একেবারে মুগ্ধ হইয়া যান ; বধূ কুৎসিত হইলে কিছু ক্ষুব্ধ হন। সুতরাং সৌন্দর্য্য না থাকিলেও, এই সময় সকলেরই যথাসম্ভব একটু ফিট্‌কাট্‌ থাকা উচিত। গঠন-গাঠির সৌন্দর্য্য এবং চামড়ার সৌন্দর্য্য কেহ নিজ ইচ্ছায় গড়াইয়া লইতে পারেন না, কিন্তু গঠন-গাঠির সৌন্দর্য্য এবং চামড়ার সৌন্দর্য্যই রমণীর সকল সৌন্দর্য্যের মূল নহে। স্ত্রী আচার-ব্যবহার ও ভাব-ভঙ্গীতেও

অনেক সময় অনেক কালো, কুৎসিতগঠিত শরীর লোকের মন হরণ করে। আবার সুরুচি-সঙ্গত ভাব-ভঙ্গীর অভাবে অনেক সোণার বর্ণ, সুগঠিত দেহও বিস্মিতকর হয়। সুতরাং যাহাতে চাল-চলন, ভাব-ভঙ্গি ও অঙ্গ-প্রত্যঙ্গাদির সঞ্চালন বেশ সুশ্রী ও সুরুচি-সঙ্গত হয়, তাহা সকলকেই লক্ষ্য রাখিতে হইবে। নববিবাহিতা রমণীগণের পক্ষে দুইটি অত্যাবশ্যক। রমণীরা গুণগ্রামগুলি হঠাৎ স্বস্তুরালয়ে যাইয়াই প্রকাশ করিতে পারেন না বটে, কিন্তু তাঁহাদের ভাব-ভঙ্গিগুলি প্রতি মুহূর্ত্তেই সকলের সম্মুখে ফুটিয়া উঠে। এমতাবস্থায় ঐ সকল ভাব-ভঙ্গিগুলি সুরুচি-সঙ্গত হইলে বিবাহের পরদিন হইতেই তাঁহারা পরিবারের কতক মনোরঞ্জন করিতে পারেন।

আমি যে এখানে কোনও প্রকার কৃত্রিম অঙ্গসঞ্চালনের অভিনয়ের জ্ঞাত উপদেশ দিতেছি, তাহা নহে। স্ত্রীলোকের পক্ষে স্বস্তুর-স্বাশুড়ীকে বঞ্চনা করিবার মত পাপ আর নাই। স্ত্রীলোকদিগের পিত্রালয় হইতে এই সব ভাব-ভঙ্গিগুলি এমন যত্ন পূর্ব্বক শিখিয়া আসিতে হইবে যে, স্বস্তুরালয়ে আসিলে যেন তাহারা তাঁহাদিগের স্বভাবাস্তর্গত বলিয়াই গণ্য হয়। বিশেষ, কৃত্রিম ভাব-ভঙ্গী কখনও সুরুচিসঙ্গত হইতে পারে না।

কেহ কেহ সৌন্দর্য্য বা সুশ্রী ভাবভঙ্গীর কথা হাসিয়াই

## কুললক্ষ্মী

উড়াইয়া দেন। বলেন, সৌন্দর্য্যে কি আসে যায় যে, উহার জ্ঞাত এত করিব? উহা নিতান্ত অসার! কিন্তু আমরা বলি, তাহা নহে। কে সৌন্দর্য্যের আদর না করে? যিনি এই কথা বলেন, তিনিও যে সৌন্দর্য্য দেখিলে বিমোহিত হন না, তাহা আমরা বিশ্বাস করি না। স্বয়ং দেবতারা সৌন্দর্য্যের শ্রেষ্ঠ আদর্শ পুষ্পরাশি ভালবাসেন, তুমি আমি কোন্ ছার! তবে সৌন্দর্য্যের আদর করা দোষের এ ধারণা কেন আন? বাস্তবিক, সৌন্দর্য্যের আদর করা দোষের নহে—গুণের। বিধাতার নিয়মই এই যে, প্রত্যেকেই সৌন্দর্য্যের আদর করিবে। তুমি গোলাপ ফুলটী পাইলে ধূতরা ফুলটী নাও না; তুমি সুন্দর একটা ঘর গড়িতে পারিলে, কুৎসিত ঘরটীতে থাক না; সুন্দর গন্ধটুকু গ্রহণ করিতে পারিলে, দুর্গন্ধকে দূর করিয়া দাও; সুন্দর চরিত্রকে কুৎসিত চরিত্রাপেক্ষা ভালবাস; কুৎসিত কথা না কহিয়া সুন্দর কথা কও; কুৎসিত সম্বানের পরিবর্তে সুন্দর ছেলে-মেয়ে পাইতে আকাঙ্ক্ষা কর, কর কি না বল?

আসল কথাটী কি জান? প্রকৃত সুন্দর বাহা, তাহা সকলেই আদর করে—কিন্তু প্রকৃত সুন্দর কি, তাহা সকলেই বুঝিতে পারে না। কালো রঙের মানুষ না হইয়া ধবল রঙের মানুষ হইলেই যে সুন্দর হওয়া গেল, তাহা নয়। হাত পা কোমল—অনিন্দনীয়, চোখ বড় বড়, নাকটী উচু, ঠোঁটটী

পাতলা—এই সব হইলেই যে সৌন্দর্য্যের সমাবেশ হইল, তাহা কে বলে? এই সব শারীরিক সম্পূর্ণতা লইয়াও যদি কোন রমণী নিতান্ত বেহায়া হয়, তবে তাহার সে সৌন্দর্য্যে দ্বিধা! তাহার শরীরের সৌন্দর্য্য আছে বটে, কিন্তু তাহার অন্তরের বিত্রীভাব সেই সৌন্দর্য্যটিকে একেবারেই বিকৃত করিয়া ফেলিয়াছে, সুতরাং তখন তাহাকে আর কিছুতেই সুন্দরী বলা চলে না!

এইরূপে প্রকৃত সুন্দর কি, তাহা চারিদিকে চাহিয়াই বিচার করিতে হইবে; অন্তরের সৌন্দর্য্য শ্রেষ্ঠ সৌন্দর্য্য, তাহা আমরা মানি। কেন না অন্তরের সৌন্দর্য্য নিত্য, আর শারীরিক সৌন্দর্য্য অনিত্য। বিশেষ, অন্তরের সৌন্দর্য্যে শারীরিক সৌন্দর্য্যও ছুটাইয়া তুলিতে পারে; কিন্তু শারীরিক সৌন্দর্য্যের সে ক্ষমতা নাই। শারীরিক সৌন্দর্য্য অন্তরের কুৎসিত ভাবটিকে ঢাকিতে পারে না। \* কিন্তু তথাপি অন্তরের সৌন্দর্য্য থাকিলেও যে শারীরিক সৌন্দর্য্যের প্রয়োজন নাই, এ কথা আমরা মানি না। অন্তরের সৌন্দর্য্য অর্থাৎ নানা সদগুণগ্রামাদি চাই-ই। কিন্তু তাই বলিয়া শারীরিক

\* কুৎসিতা রমণীগণও যে বুদ্ধিমত্তা ও গুণবত্তী হইতে পারিলে একটু তেজোময়ী দেখান এবং পক্ষান্তরে সুগঠিতা রমণীগণও যে নির্বুদ্ধি বা দুর্ব্বুদ্ধি বলতঃ অনেক সময় নিম্প্রভ হইয়া যান—একটু মনোযোগ করিলেই পাঠক-পাঠিকাগণ এই সত্য অনুভব করিতে পারিবেন।



## কুললক্ষ্মী

সৌন্দর্য্যও পাইতে ছাড়িব কেন ? অন্তরের সৌন্দর্য্য থাকিয়া শারীরিক সৌন্দর্য্য না থাকে নাই থাক, কিন্তু অন্তরের সৌন্দর্য্য ও শারীরিক সৌন্দর্য্য উভয়েই একত্রে থাকিলে—সে তো সোণায় সোহাগা !

এখন সৌন্দর্য্যের উপাসনা বা সৌন্দর্য্যকে আদর করা যদি দোষ নয় বলিয়া একরূপ প্রতিপন্ন হইল, তবে স্বস্তর-খাঙড়ীর প্রীতি সম্পাদনের জন্ত, নববধূদের সুন্দর ভাব-ভঙ্গির অভ্যাসও দোষের নয়, ইহা নিঃসঙ্কোচে বলিতে পারা যায়। তবে সে স্ক্রুটিসঙ্গত ভাব-ভঙ্গি কি, তাহা আগে ভাল করিয়া প্রত্যেককেই বুঝিতে হইবে।

আজকাল অনেক স্ত্রীলোককেই সুন্দর তৈলে কেশ রঞ্জিত করিয়া, নানা ঠাটে সিঁতি কাটিয়া ও কুস্তল বাধিয়া, নানা কারু-কার্য্যময় ফুলদার সেমিজ গায়ে দিয়া শান্তিপুরে ধব্ধবে, কুক্ককে শাড়ী পরিয়া, সৌন্দর্য্য বৃদ্ধি করিতে দেখা যায়। এতদ্ব্যতীত যে অল্প কোনও প্রকারে সুন্দর হওয়া যায়, তাহা তাঁহারা মোটেই জানেন না। তাঁহারা আলতা পরেন, অলঙ্কারে গা ঢাকিয়া রাখেন, পাণ খাইয়া ঠোট লাল করেন, বুন্-বুন্ করিয়া মল বাজাইয়া পাড়াময় আশ্রয় করিয়া যান, কিন্তু তবু সকলের প্রিয়পাত্র হইতে পারেন না ! কেন ?—ইহার কারণ কি ?—কেহ বুঝিতে পারিলেন কি ? কারণ এই যে, বিলাসিতা ঠিক সৌন্দর্য্যের সোপান নহে।

বিলাসিতায় যখন লোককে অহঙ্কৃত করে, অপব্যয়ী করে, নিকর্শা করে, তখন ইহা সৌন্দর্য্যের সোপান হইবে কি প্রকারে ? সে তো কুৎসিত হইবার প্রশস্ত পথ ! নব-বধূগণ সর্ব্বপ্রযত্নে সে পথ পরিত্যাগ করিয়া, নিজেকে সকলের চক্ষে রমণীয় করিবার জন্ত, অত্যন্ত শ্রেষ্ঠতর পথ অবলম্বন করিবেন । সে পথ কি ? আমরা ক্রমে ক্রমে তাহা উল্লেখ করিতেছি ।

## লজ্জা

স্বর্গলোকদিগের প্রথমেই লজ্জা রক্ষা করা উচিত। লজ্জার  
শ্রায় রমণীদিগের আর ভূষণ নাই। প্রথম স্বর্গরাজ্যে আসিয়া  
যখন তাঁহারা কথাটীও বলিতে পারেন না, তখন এই লজ্জার  
সহায়তায় তাঁহারা সকলের নিকটই প্রিয় হইতে পারেন। লজ্জাবর্তী  
রমণীকে কে না ভালবাসে? লজ্জাবর্তী রমণী কাহার না মনো-  
রঞ্জন করেন? কাহার রূপ নাই, লজ্জা থাকিলে তাহাকেও  
রূপবর্তী বলিয়া মনে হয়! পক্ষান্তরে, রূপবর্তী রমণীকেও লজ্জার  
অভাবে নেহাৎ দৃষ্টিকটু দেখায়। এ সত্য হয় ত তোমরাও অনুভব  
করিয়া থাকিবে। মেটে প্রতিমার উপর যেমন গর্জনের ভাণ্ডিস্টা  
না পড়িলে তাহার জ্যোতিঃ খোলে না—অতি বড় সুন্দর প্রতিমা-  
টীকেও একেবারে নিম্প্রভ বলিয়া বোধ হইয়া থাকে, স্বর্গলোকেরও  
তেমন লজ্জা না থাকিলে, শোভা হয় না—অতি বড় সুন্দরীকেও  
একেবারে মলিন ও দীপ্তিহীন বলিয়া বোধ হয়। সুতরাং যদি  
স্বর্গ-কুলের মনোরঞ্জন করিতে চাও, তবে লজ্জাকে ছাড়িও না—  
তাহাকে ভালরূপ আঁকড়াইয়া ধর। অনেক বুদ্ধিহীনা রমণী লজ্জাব

মহিমা বুঝেন না—না বুঝিয়া স্বাধীনভাবে যার তার সঙ্গে হাস্ত-  
পরিহাস করাকেই নিজের গুণগ্রাম প্রকাশের প্রশস্ত পথ বলিয়া  
মনে করেন। তাঁহারা হয় ত ভাষেন, বেশী কথা কহিলে, বা  
চটপট উত্তর-প্রত্যুত্তর কহিলে, কিংবা পুরুষের মত স্বাধীনভাবে  
চলিলেই লোকে তাঁহাদিগকে বেশী বুদ্ধিমতী ও শিক্ষিতা বলিয়া  
মনে করিবেন। ইহা তাঁহাদিগের ভুল। লজ্জার আবরণ  
না থাকিলে কোন রমণীই কোন পুরুষের মনোরঞ্জন করিতে পারেন  
না—পরিবারের জীলোকেরাও লজ্জাহীনাকে ঘৃণা করেন।

লজ্জাশীলা হইলে আর একটা সুবিধা হয়। লজ্জাবতী রমণীকে  
সকলেই ভয়, ভক্তি এবং সম্মান কবে। চপলা রমণীকে কেহ  
কখনও তেমন সম্মান করে না। ‘ক’ অক্ষর জ্ঞানেন না, এমন  
অনেক লজ্জাশীলা রমণীকে আমরা পরীক্ষোত্তীর্ণা চপলা রমণী-  
গণ অপেক্ষা লোকের নিকট হইতে অধিক ভক্তি, শ্রদ্ধা ও সম্মান  
পাইতে দেখিয়াছি। সুতরাং তোমরা পরম যত্নে সর্বদা লজ্জাকে  
রক্ষা করিবে। তবে কখনও বাড়াবাড়ীতে যাইও না। বাড়ী-  
বাড়ি কিছুতেই ভাল নহে। অনেক জীলোককে দেখিয়াছি, লজ্জা  
করিতে হইবে বলিয়া লজ্জার মাত্রা তাঁহারা এত বাড়াইয়া দেন যে,  
তাহাতে হিতে বিপরীত হইয়া যায়। কোনও কাজ করিতে বলিলে,  
তাঁহারা কাজ করেন না ; সম্মুখে বসিয়া আছেন, স্বামী হয়ত পীড়ার  
কাতর, লজ্জার তাঁহাদের সেবা-শুশ্রূষা করেন না, আধহাতের স্থানে

## কুলনক্ষ্মী

একহাত ঘোমটা দেন ! এসব অগ্রায় লজ্জায় মঙ্গল না জন্মিয়া যদি কেবল অমঙ্গলই জন্মাইল, তবে তাহাতে লাভ কি ? সুতরাং সকলই সম্ভবানুযায়ী করিতে হইবে । বেশী লজ্জা দেখাইতে যাইয়া কখনও কর্তব্যকে অবহেলা করিলে চলিবে না ।

আবার লজ্জাপ্রদর্শনে পাত্রাপাত্রেরও বিচার করিতে হইবে । যে যত মাগ ও অপরিচিত ব্যক্তি, তাঁহাকে ততোধিক লজ্জা করিতে হইবে । কেহ কেহ শ্বশুর-শাশুড়ী, স্বামী বা শ্বশুরকুলের অগ্রাত্তের নিকট লজ্জা দেখাইতে পারিলেই যথেষ্ট হইল বলিয়া বিবেচনা করেন ; অগ্র কাহারও নিকটে যে লজ্জা বোধ করিতে হইবে, তাহা তত প্রয়োজনীয় মনে করেন না—এটা বড় কুপ্রথা । তোমার যে আপনার জন, তাঁহার নিকটে একটু আধটু অসংযত হও, ক্ষতি নাই । কিন্তু অপরের নিকটে, অপরিচিতের নিকটে, নির্লজ্জ বলিয়া প্রতিপন্ন হইও না—তাহা তোমার ও তোমার কুলের উভয়েরই নিন্দা ও অসম্মানের বিষয় । এমন অনেকে আছেন, যাহারা শ্বশুরকেও মানেন না, শাশুড়ীকেও মানেন না—কাহাকেও মানেন না—কিন্তু স্বামীর নিকটে আসিলেই একেবারে লজ্জাবতী লতিকাটী বনিয়া যান ! তাঁহাদের মত বুদ্ধিহীন। রমণী বোধ হয় জগতে আর নাই । স্বামীর নিকট লজ্জা রাখিতে হইবে, কিন্তু সঙ্কোচ রাখিতে হইবে কেন ? স্বামীকে ভক্তি করিবে, শ্রদ্ধা করিবে, মাগ করিবে, ভালবাসিবে, লজ্জাও করিবে—কিন্তু লজ্জা

করিয়। তাহার নিকটে কিছু গোপন করিবে না। স্বামী-স্ত্রী  
অভিন্নহৃদয়, একে অন্ত্রের অর্ধেক। তাঁহার নিকটেই যদি তুমি  
আত্মগোপন করিলে, তবে তাঁহার সহিত এক হইলে কিরূপে?  
লজ্জাশীলা হইতে যাইয়া স্বামীকে ভক্তি করিবে, প্রীতি করিবে,  
কিন্তু কখনও কোন গৃহ রহস্য হইতে বঞ্চিত করিবে না।



## বিনয়

লজ্জার পরে বিনয় । যেমন লজ্জা স্ত্রীলোকের ভূষণ, তেমনি বিনয়ও স্ত্রীলোকের একটি অলঙ্কার । লজ্জা ও বিনয়ে স্ত্রীলোকের যেমন শোভাবর্দ্ধন হয়, সহস্র রত্নালঙ্কারেও কখন তেমন হয় না । বিধাতা স্ত্রীলোককে কোমলতা ও পুরুষকে কঠোরতা দিয়া সৃষ্টি করিয়াছেন । তাঁহার অভিপ্রায়ানুযায়ীই স্ত্রীলোকের শোভা লজ্জা, বিনয়, ভালবাসা ও স্নেহ-মমতা ইত্যাদি ; পুরুষের শোভা বীরত্ব, তেজস্বিতা, সাহস ও পুরুষকার প্রভৃতি । পুরুষকে যেমন সাহসী, কার্যক্ষম ও শক্তিসম্পন্ন না হইলে মানায় না, স্ত্রীজাতিকেও তেমনি লজ্জাশীলা, বিনীতা ও স্নেহপরিপূর্ণা না হইলে সুন্দর দেখায় না । সুতরাং সকলের প্রিয়পাত্রী হইতে হইলে, সর্ব-প্রযত্নে এই কোমলতাটুকু শিক্ষা করিবে । কখনও কাহারও প্রতি ভুলেও কোন প্রকার উগ্রতা প্রকাশ করিবে না ।—উগ্রতা স্ত্রীলোকের পক্ষে বড় কুৎসিত ব্যাপার । কেহ কোনও অন্তায় কার্য্য করিলে যে রাগ করিতে নাই—আমি সে কথা কহিতেছি না । এমন অনেক সময় উপস্থিত হয়, যখন স্ত্রীলোকদিগকে অনেক দৃষ্ট,

অত্যাচারী ও অসংযত ব্যক্তির সহিত লড়াই করিতে হয়। তখন রাগ করিয়া হউক, ভয় প্রদর্শনে হউক, বা যে কোন অস্ত্র উপায়ে হউক, তাঁহারা দুর্বৃত্তকে অবশ্য দমন করিবেন। কিন্তু তেমন কোনও বিষম সঙ্কটাপন্ন অবস্থা ব্যতীত উগ্রতা বা কঠোরতা প্রকাশ স্ত্রীলোকের কখনও ধর্ম্য নহে। অনেক স্ত্রীলোক আছেন, গাহারা কঠোরতা প্রকাশ ও সকলের সঙ্গে উচ্চকণ্ঠে ও উগ্রভাবে বিবাদ-বিসম্বাদ করাটাকে বেশ একটা বীরত্বের পরিচয় বলিয়া বিবেচনা করেন। কিন্তু ইহার মত হাস্যজনক ভ্রম আর নাই। রমণীর বীরত্ব এক কালে খুব আদরনীয় ছিল বটে। রাজপুতনার কম্বোদেবী, পদ্মিনী ও মহামায়া প্রভৃতি প্রাতঃস্মরণীয়া রমণীদিগকে কে না ভক্তি করেন? কিন্তু তাঁহারা তাঁহাদের বীরত্ব মুখের তর্জ্জনে গর্জ্জনে বা লজ্জাহীনীর মত যার তার সঙ্গে বিবাদ-বিসম্বাদে প্রদর্শন না করিয়া, অতিবড় বিপদে পড়িলেই গত্যন্তর না দেখিয়া, যার যার ধর্ম্মরক্ষার জন্ত দেখাইতেন। তেমন অতি বড় বিপদে পড়িলে আমাদের রমণীদিগকেও যে বীরত্ব দেখাইতে হইবে না, আমরা এমন কথা বলি না। পূর্বেও বলিয়াছি, এখনও আবার বলি, তেমন বিপদে রমণীকেও পুরুষের মত সাহস, কঠোরতা ও উগ্রভাব হইতে হইবে, কিন্তু তত্ত্বিন্ন নহে। বিনা কারণে, অকারণে বা সামান্য কারণে রমণীদিগকে কখনও যার তার উপর উগ্রভাব প্রকাশ করিতে নাই। তাহাতে লোকের মনে সেক্সপ



## কুললক্ষ্মী

উগ্রস্বভাবা রমণীর উপর ভয় বা ভক্তির ভাব না জন্মিয়া ঘৃণা বা  
বীভৎস ভাবেরই উদয় হয়।

আর এক কথা, রমণীকে উগ্রভাব দেখাইতে নাই বলিয়াই  
যে, সময়ানুসারে দৃঢ়তা ও গাভীর্য্য দেখাইয়া দাস দাসী প্রভৃতি  
অগ্রাগ্র নিম্নপদস্থ ব্যক্তিগণকে সুসংযত রাখিতে নাই—তাহা নহে।  
রমণীগণ গুরুব্যক্তিগণের সকল দোষের প্রতি অন্ধ হইবেন সত্য,  
কিন্তু অধীনা আত্মীয়া-স্বজনের সকল অসংযত ভাব যথাসাধ্য দৃঢ়তা  
ও গাভীর্য্য সহকারে সংশোধন করিবেন। বুদ্ধি থাকিলে ও মনের  
বল থাকিলে, এই কার্য্যটি কঠোরতা অবলম্বন না করিয়াও সুসম্পন্ন  
করা যাইতে পারে। চপলা রমণী শত তর্জ্জন-গর্জ্জনেও যাহাকে  
সংশোধন করিতে পারেন নাই, বুদ্ধিমতী ও প্রকৃত তেজস্বিনী  
রমণী একটা মাত্র গভীর দৃষ্টিতে বা একটা ফোঁটা মাত্র চক্ষের জলে  
তাহাকে সম্পূর্ণ সংশোধিত করিয়াছে—এরূপ অনেক দেখা  
গিয়াছে। রমণীগণের হই একটা মহা অস্ত্রে যে কত রাজা,  
মহারাজা ও হৃদ্যন্ত অত্যাচারী ব্যক্তিগণও বশীভূত হইয়া গিয়াছেন,  
তাহা বলা হুঃসাধ্য !

## গান্ধীৰ্য্য

গান্ধীৰ্য্যের কি প্রবলশক্তি, তাহার কথা একটু বলা হইল। কিন্তু উহার আরও কতকগুলি গুণ আছে। তাহা বলিতেছি, শুন। রমণীগণ চপলা না হইয়া গম্ভীরা হইলে, সকলেই তাঁহা-  
দিগকে ভয়, ভক্তি ও মাত্ৰ করে। লেখাপড়া, বিজ্ঞা-বুদ্ধি কিছু জ্ঞান বা নাই জ্ঞান, যদি একবার গম্ভীর হইতে পার, তবে আর কেহ তোমায় অবহেলা করিতে সাহসী হইবে না। গম্ভীরা ধূমণীগণের এতদ্ব্যতীত আরও সুবিধা আছে। চপলা না হইয়া গম্ভীরা হইলে স্থির বুদ্ধি জন্মে। স্থির বুদ্ধি জন্মিলে সুশৃঙ্খলরূপে কাজ-কর্ম করা যায়। চপলা রমণীগণ কখনও কোনও কাজ সুশৃঙ্খলরূপে করিতে পারে না। তাহাদের মস্তিষ্ক সর্বদা উন্মথাকে, তাহাদের মন সর্বদা নানাদিকে ভ্রমণ করে; সুতরাং তাহারা বিশেষ ভাবিয়া চিন্তিয়া কোনও কার্য করিতে পারে না। কাজেই গৃহের মঙ্গলের জন্য, আপনার মঙ্গলের ও সুনামের জন্য গম্ভীরা হইতে চেষ্টা করিবে। প্রত্যেক কার্য, সঙ্কল্প ও বিবেচনা, স্থির, ধীর মতে করিবে। প্রত্যেক কথা শাস্ত-শিষ্ট ভাবে কহিবে। নতুবা কাহারও মনোরঞ্জন করিতে পারিবে না—ইহা নিশ্চয় জানিও।

## সরলতা

স্ট্রীলোকদিগের আর একটা অত্যাবশ্যক গুণ—সরলতা । সরলতা না থাকিলে কেহ কাহাকেও বিশ্বাস করে না । স্ট্রীলোকদিগের পক্ষে লোকের অবিশ্বাসভাজন হওয়া বড় লজ্জা ও পরিতাপের বিষয় । স্ট্রীলোকগণ ঘরের লক্ষ্মী, শান্তিবিধায়িনী । পুরুষেরা তাঁহাদের নিকট সকল সুখদুঃখের কথা কহিয়া মনের ভার লাঘব করিতে চাহেন । কিন্তু স্ট্রীলোক যদি অবিশ্বাসিনী বা কুটিল প্রকৃতি হন, তবে কোন পুরুষই তাঁহাদিগের নিকটে মনের কথা প্রকাশ করিয়া শান্তি পাইবার ভরসা পান না । মনে কর—তোমার স্বামী তোমার নিকটে একটা সরল কথা কহিলেন, তুমি যদি জোর করিয়া তোমার কুটপ্রকৃতির গুণে তাহার একটা কুট অর্থ করিতে ব'স, তবে তোমার স্বামীর কতখানি কষ্ট হইবে ! তিনি হয় ত আর কখনও তোমাকে তাঁহার মনের কোন কথা বিশ্বাস করিয়া কহিবেন না । কোনও এক ব্যক্তি তাঁহার কুটপ্রকৃতি স্ট্রীকে একদিন বেশ ভাল মালুমটার মত জিজ্ঞাসা করিয়াছিলেন যে, তাঁহার বাপের বাড়ী যাইবার ইচ্ছা আছে কি না । স্ট্রী সেই আদর-প্রশ্ন শুনিয়া ভাবিলেন, নিশ্চয় এই আদরের

মধ্যে একটা উদ্দেশ্য আছে। বোধ হয় আমি বার বার বাপের বাড়ী যাই বলিয়াই স্বামী আমার এই কার্যটির প্রতি কটাক্ষ করিয়া এই প্রশ্ন জিজ্ঞাসা করিতেছেন ! স্ত্রী নথ নাড়িয়া, চোখ মুখ ঘুরাইয়া, উত্তর করিলেন, ইচ্ছা হইলেই যাইব, এত মিষ্টি অপমানের আবার দরকার কি ? স্বামী একেবারে অবাক ! সেই দিন হইতে তিনি তাঁহার স্ত্রীকে মন খুলিয়া আর কখনও কোনও 'প্রকার আদর-যত্ন করিতে ভরসা পান নাই।

স্ত্রীলোকদিগের কুটিলতার আর একটা রকম এই যে, তাঁহার অনেক সময়ে মনে এক ভাব রাখিয়া মুখে অল্প ভাবের অভিনয় করেন ! হয় ত কাহারও উপর রাগান্বিত হইয়াছেন, অথচ মুখে তাহাকে বেশ খাতির যত্ন করিতেছেন, অথবা, পক্ষান্তরে, হয় ত কাহারও উপর বেশ সন্তুষ্ট আছেন, কিন্তু তবু মুখে তর্জ্জন গর্জ্জন করিতেছেন। ইহা বড় সাংঘাতিক ব্যাপার ! ফুলের নীচে লুক্কায়িত কালসাপটির মত তাঁহাদের এই ব্যবহার অনেক সময় অনেক নিঃসন্দিগ্ধ ব্যক্তিকে হঠাৎ আহত করিতে পারে।

মিথ্যা কথাও কুটিলতার একটা প্রকার। অনেক স্ত্রীলোক ধস্তর-স্বাভাবী ও পরিজনবর্গকে ঠকাইবার জ্ঞাত এবং নিজের দোষ গোপনার্থ প্রায়ই মিথ্যা কথা বলে। কেহ কেহ বা লজ্জার খাতিরেও ঐরূপ করিয়া থাকে। ইহা অন্তায়। সরলভাবে নিজের ত্রুটি স্বীকার করিলে, বা নিজের দোর্বল্য প্রকাশ করিলে

## কুললক্ষ্মী

লোকের চক্ষে দোষ অনেকটা খাটো হইয়া যায়। বিশেষ এইরূপ ভাবে প্রকাশ করিলে, সেই দোষগুলি সংশোধিত হইবার অনেক পথও হয়। গুরুজনেরা তাঁহাদের ভ্রম দেখাইয়া দিয়া—তাঁহা-দিগকে ধর্মের পথে ও সত্যের পথে টানিয়া আনিতে পারেন। একবার ধর্মের ও সত্যের আশ্বাদ পাইলে, তাঁহারা আর কখনই অধর্মের পথে যাইতে পারেন না। কারণ, সত্যপথের মধুর আশ্বাদ পান না বলিয়াই, অনেকে মিথ্যা পথে চলেন। একবার সে আশ্বাদ পাইলে তখনই বুঝিতে পারেন যে, তাঁহাদের অবলম্বিত মিথ্যা পথ হইতে সে অনেক শাস্তি ও সুখপ্রদ। সুতরাং তখন সেই পথেই থাকিয়া যান। সেই সত্যপথের আশ্বাদ পাইবার জন্ত গুরুজনের নিকট সরলভাবে নিজের দুর্বলতা স্বীকার করা প্রয়োজন।

সরলতা লাভের প্রধান উপায় কি জ্ঞান? কোন কার্য করিবার, বা করাইবার জন্ত সঙ্কল্প করিবার পূর্বে ভাবিয়া দেখিবে, তাহার কথা নিঃসঙ্কোচে সকলের নিকটে বলিতে পার কি না। যদি পার, তবেই তাহা করিবে, নতুবা করিও না! এইরূপ করিলেই সকল কথা সকলের নিকটে খুলিয়া বলিতে আর কোনও বাধা রহিবে না। তখন সরলতা আপনি আসিবে।

আমার এই কথা শুনিয়া তোমরা যেন ভাবিও না যে, আমি তোমাদিগকে সকল প্রকার গোপন কথা শুনিতেই বা গোপন

কার্য্য করিতেই ব্যরণ করিতেছি। সময়-বিশেষ গোপন কথাও শুনিতে হয়, গোপন কার্য্যও করিতে হয়। মনে কর, তোমার কোন আত্মীয় খুব বিপদগ্রস্ত হইয়াছেন, তোমাকে তাঁহার সহায়তা করা দরকার, অথচ সেই কথা অগ্রে জানিলেই তাঁহার মহাবিপদ। এমনত স্থলে তাঁহার মঙ্গলের জন্ত সেই কার্য্য করিলে বা তাঁহার গোপনীয় কথা শুনিলে ও শুনিয়া গোপন রাখিলে, তাহাতে কিছু আসে যায় না।—কিন্তু কার্য্যটি করিবার পূর্বে ভাবিয়া দেখিবে, আবশ্যক হইবে সেই কথা তুমি মুক্তকণ্ঠে, উন্নতমন্তকে, কিছুমাত্র লজ্জিত না হইয়া, দশজনের কাছে বলিতে পার কি না! যদি পার, তবে তাহা করিবে, নতুবা করিবে না। দশ জনের কাছে যাহা বলা যায়, তাহাই করিবার উপদেশ দিলাম বলিয়া মনে করিও না যে, আমি এমনত বলিতেছি, যাহাই করিবে, তাহাই দশজনের কাছে ঘুরিয়া ঘুরিয়া বলিতে হইবে। বাচালতা ও সরলতা এক কথা নহে। যে অনর্থক বাক্য ব্যয় করিয়া দশজনকে জাগাতন করে, সে বাচাল। যে সেরূপ করে না, অথচ দরকার হইলেই দশজনের কাছে সেইরূপ ভাবে সকল কথা নিঃসঙ্কোচে বলিতে পারে, সেই সরল। তোমরা সর্ব্বদা এই বিভিন্নতাটুকু মনে রাখিবে। অনাবশ্যক একটা কথাও কহিবে না, কিন্তু আবশ্যক হইলে যেন সবই করিতে পার।

এই স্থলে আর একটা কথা কহা উচিত। অনেক স্ত্রীলোক স্বামীর কথা দশজনের নিকট বা সঙ্গিনী মহিলাদের কাছে বলিয়া

## কুললক্ষ্মী

সরলতা দেখাইতে চাহেন ! ইহা কদাপি উচিত নহে । আমরা পূর্বে যে কথাগুলি কহিয়াছি, সেই সব কথা কেবল স্বামী ভিন্ন অগ্ৰাণ্ড আত্মীয় পরিজন সম্বন্ধে । স্বামীর সহিত স্ত্রীলোকের সম্বন্ধ একটু গুরুতর । স্বামী-স্ত্রীর ব্যবহার গহিত না হইলে কখনও সাধারণের সম্মুখে বক্তব্য নহে । সুতরাং স্বামীর কথা প্রকাশ করিয়া কদাপি সরলতা দেখাইতে নাই । স্বামী-স্ত্রীর কথা, স্বামী-স্ত্রীর কোনও কাহিনী নিতান্ত প্রশংসায়োগ্য হইলেও সাধারণে অপ্রকাশ—স্বামী-স্ত্রী যত্ন-পূর্ব্বক উহা গোপন করিয়া রাখিবেন । তাঁহাদের প্রণয়, তাঁহাদের পরস্পরের ব্যবহার, অন্তঃ সলিলা কল্প-নদীর মত সকলের অদৃশ্য পথে নিম্নল ভাবে বহিবে ।

## আত্ম-সন্তোষ

নিজ নিজ অবস্থাতেই সন্তুষ্ট থাকা প্রত্যেকেরই কর্তব্য—  
বিশেষতঃ জ্ঞীলোকের। জ্ঞীলোকের পক্ষে এই কর্তব্য-পালন  
অত্যাবশ্যক। পরত্নী-কাতরতা, অসহিষ্ণুতা ও ক্রোধ প্রভৃতি  
কারণে সাধারণতঃ লোকের মনে অসন্তোষের সৃষ্টি হয়। এই  
অসন্তোষের ভাবকে দূর করিতে হইলে ঐ ঐ দোষগুলিকেও সঙ্গে  
সঙ্গে দূরীভূত করা চাই! জ্ঞীলোকদিগের পুরুষগণাপেক্ষা সহিষ্ণু  
হওয়া উচিত—কেন না পরিবার প্রতিপালন করিতে তাঁহাদিগকে  
অনেক বিপদ আপদ ও দুঃখ-কষ্ট ভোগ করিতে হয়। সে সময়  
ধৈর্য্যাহীন হইলে উপায় নাই—সকলই নষ্ট হইয়া যায়। আমরা  
অনেক জ্ঞীলোক দেখিয়াছি, যাহারা স্বামীর অবস্থা ভাল নয় বলিয়া  
সংসারে অনেক দুঃখ-কষ্ট ভোগ করিতে হয় দেখিয়া নিজের  
অদৃষ্টকে দিক্কার দিয়া থাকে। তাহাদের মত মূর্থ ও অল্পবুদ্ধি  
জ্ঞীলোক আর নাই। বলিতে গেলে তাহারা সংসারের কলঙ্ক-  
স্বরূপ। স্বামী ভাল হউন বা নাই হউন, অবস্থাশালী হউন  
বা অবস্থাহীন হউন, তাঁহার অবস্থায়ই জ্ঞীলোকের সন্তুষ্ট ও  
গৌরবান্বিত থাকা কর্তব্য। স্বামী শাক্য ভোজন করিলে,  
স্ত্রীও অপরের মোড়া মেঠাই তুচ্ছ করিয়া সেই শাক-ভাতকেই



## কুললক্ষ্মী

অমৃতবৎ গণ্য করা উচিত—তবেই আদর্শ হিন্দুরমণী হওয়া সম্ভব—নতুবা নহে। এই প্রসঙ্গে একবার আচার্যরমণীশ্রেষ্ঠ সাবিত্রীর \* প্রতি দৃষ্টিপাত করুন। সাবিত্রী রাজকন্যা ছিলেন, রাজার একমাত্র আদরের সন্তান হওয়াতে চোখের মাণিক হইয়াছিলেন। অশ্বপতি এই কন্যাকে সূখী করিতে সর্ব্বদানে প্রস্তুত ! কিন্তু তথাপি সাবিত্রী কি করিলেন ! তিনি বনবাসী স্বামীর শাক-ভাত ও বৃক্ষ-বন্ধলের নিকট রাজ-প্রাসাদের রাজভোজন ও রাজ-বেশ-ভূষা অতি অকিঞ্চিৎকর ও তুচ্ছ মনে করিয়া পিতার গৃহ ছাড়িয়া চিরকালের জ্ঞাত বনবাসিনী হইলেন, বনের শাকভাত ও বন্ধলকে রাজপ্রাসাদের পর্যাপ্ত ভোগ-বিলাসের সামগ্রী অপেক্ষা অনেক শ্রেষ্ঠতর আসনে স্থাপিত করিলেন। পিতৃদত্ত রত্নাভরণ স্বস্তুর-গৃহে প্রবেশ করিয়াই একে একে ছাড়িয়া রাখিয়া দিলেন। সেই সাবিত্রীর পবিত্র-কুলোদ্ভবা আচার্য-মহিলারা কি আজকাল একেবারেই অধঃপতিত হইয়াছেন ? মহাভারতে সতীর আত্মত্যাগের মহিমা আর একটা গল্পে বিশেষ ফুটিয়া উঠিয়াছে। সে এক অলৌকিক পরম-করুণার ছবি ! কোনও পরমাসুন্দরী রমণীর এক গলিতদেহ কুষ্ঠরোগাক্রান্ত স্বামী ছিলেন। স্বামী চলিতে পারেন না, বসিতে পারেন না—স্ত্রীকেই তাঁহাকে

\* গ্রন্থকার প্রণীত সাক্ষি-সত্যবান পাঠ করুন।

সর্বত্র বহন করিয়া লইয়া বাইতে হয়, খাবার সময় খাওয়াইয়া দিতে হয়, পরার সময় পরাইয়া দিতে হয়, সর্বদা গলিতস্থানগুলি জলে ধোত করিয়া পুঁথ পোকা প্রভৃতি বাহির করিয়া ফেলিতে হয়। কিন্তু তবু সেই রমণীর এতটুকু অধৈর্য্য নাই, এতটুকু অসন্তোষ নাই! সাক্ষী পরম যত্নে পরমাগ্রহে রাতদিন তাঁহার সেবা করিতেছেন। রাতদিন তাঁহার মুখের দিকে চাহিয়া সকল কষ্ট ভুলিয়া আছেন। এমন যে দুঃস্থ, সংক্রামক ব্যাধি, বাহা স্পর্শমাত্র অনেক সময় অনেকের দেহ চিরকালের জ্ঞা পুতিগন্ধ-বিশিষ্ট, অসংখ্য জ্বালাবহুগাময় হইয়া যায়, সেই ব্যাধিকেও জ্বরেপ না করিয়া রাতদিন আলিঙ্গন করিতেছেন। ভাবিয়া দেখ, কি কঠোর কর্তব্য-সাধন—কি অলৌকিক ব্যাপার! কিন্তু কেবল ইহাই নহে, ইহার আরও মহত্ব আছে—শোন। সেই গলিত দুর্ভাগ্য লোকটার শরীরেই যে একমাত্র গলদ, তাহা নহে, ননৈও ব্যাধি প্রবেশ করিয়াছে। তাঁহার সেই গলিত আবরণের মধ্যে যে অবিকৃত মনটা ছিল, তাহা একদিন দেহাপেক্ষাও গলিত হইয়া গেল! সতী-নারী স্বামীর মনটি পাইলেই সুখী, সাক্ষী রমণী প্রিয়তমের মনের নিশ্চলতারই একমাত্র ভিত্তি—কিন্তু এই পুণ্যবতী রমণীর সেইটুকুও একদিন হারাইয়া গেল। সেই গলিত-কুষ্ঠরোগী একদিন এক বারবনিতার রূপে মুগ্ধ ও উন্মত্ত। এমন যে সাক্ষী স্ত্রী। যে তাঁহাকে নিজের সুখ দুঃখ

## কুললক্ষ্মী

তুচ্ছ করিয়াও সেবা গুণ্যবা করিতেছে, নিজে পরমান্বনরী হইয়াও, তাঁহার গলিত রূপে চিরকাল মুগ্ধ রহিয়াছে, নির্বিকার-অন্তরে অগ্নানবদনে যথা তথা বহন করিয়া লইয়া যাইতেছে, তাহার জ্ঞাতও তাঁহার মনে এতটুকু করুণার উদ্রেক হইল না, তিনি তাহাকে তখন বিষবৎ দেখিতে লাগিলেন। সতী, স্বামীর সেই অবস্থা দেখিয়া অনুসন্ধানপূর্বক সকলই জানিতে পারিলেন। জানিয়া কি অলৌকিক কাণ্ড করিলেন। যখন দেখিলেন, কিছুতেই তাঁহার স্বামীকে :সেই অবস্থা হইতে উদ্ধার করা সম্ভবপর নহে, পরন্তু তাঁহার জীবনীশক্তি সেই ললনার বিরহে দিন দিন নির্বাপিত-প্রায় হইয়া আসিতেছে, তখন একদিন স্বামীকে স্ব-স্বন্ধে বহন করিয়া সেই যুগিত রমণীর নিকট লইয়া গেলেন, এবং আপনার সর্বস্ব দিয়াও তাহাকে তাঁহার স্বামীর প্রতি প্রসন্ন হইবার জ্ঞাত অনুরোধ করিতে লাগিলেন। ইহার ফল যাহা হইবার হইল—এই করুণ ও অদ্ভুত দৃশ্য দেখিয়া সেই উভয় পাতকীই একসঙ্গে উদ্ধার পাইয়া গেল ! তাহাদের জ্ঞান-চক্ষু উন্মীলিত হইল ! সতীও বিজয়ডঙ্কা বাজাইয়া তাঁহার স্বামীকে জয়লব্ধ সামগ্রীর মত আবার ঘরে ফিরাইয়া আনিলেন। দেশে দেশে ধৃত ধৃত পড়িয়া গেল। এখন আশা করি, আমাদের ঘরের লক্ষ্মীগণও এইরূপ সংসারের সকল বিপদাপদ ও ছুর্ভাগ্যকেও এইরূপ ধৈর্য্য ও আত্মসন্তোষ দ্বারা নিজ চেষ্টায় স্নেহের অবস্থায়

অবস্থায় পরিণত করিতে পারিবেন। বাস্তবিক সুখ দুঃখ কাহারও অবস্থাগত নহে,—মনোগত। সুখ-দুঃখ অবস্থায় নহে—লোকের মনে। কেহ শাকার খাইয়াই সুখী? পূর্বোক্ত রমণী সেই গলিত-দেহ কুষ্ঠরোগাক্রান্ত রোগীর সেবা শুশ্রূষা করিয়া যে সুখ পাইতেন, কে জানে রাজপ্রাসাদে রত্নপালকে শুইয়া সহস্র দাসদাসীর সেবা শুশ্রূষা গ্রহণ করিয়াও অনেক ভাগ্যবতী ললনা সে সুখ অনুভব করিতে পারেন কি না। সুতরাং দেখা যাইতেছে, ইচ্ছা থাকিলে ও বুদ্ধি থাকিলে এবং স্বামীকে ভক্তি করিতে শিখিলে, সকলেই সর্বদা সন্তুষ্ট থাকিতে পারেন। এ অবস্থায় কর্তব্য কার্য উপেক্ষা করিয়া ভাগ্যলব্ধ অবস্থাকে তুচ্ছ-তাচ্ছিল্য করা ও তজ্জন্ত মনকে অসুখী করা কাহারও কর্তব্য নহে।

স্বীলোকের মন সন্তুষ্ট ও প্রশান্ত থাকিলে পরিবারে অনেক উপকার হয়। ঘরের লক্ষ্মীরা যদি সারাদিন মেঘাক্রান্ত আকাশের মত মুখটা ভার করিয়া বসিয়া থাকেন, তবে কোন্ পরিবার সুখী হইতে পারে? পরিবারের লোক জন অসন্তুষ্ট থাকিলে, কোথায় না বিশৃঙ্খলতা উপস্থিত হয়? শয়নে, গমনে, রন্ধনে, প্রতি গৃহ-কার্য্যে কোথাও কেহ সুখ পায় না। সুতরাং সুব্যবস্থা, সুশৃঙ্খলা ও পারিবারিক সর্বাঙ্গীন মঙ্গল চাহিলে, সর্বদা যত্নপূর্ব্বক অসন্তোষের ভাব মন হইতে দূর করিয়া দিতে চেষ্টা করিবে।

## শ্রমশীলতা

পুরুষের অপেক্ষা স্ত্রীলোকের শ্রমশীলতার প্রয়োজন অল্প নহে । পুরুষের যেমন বাহিরে শত কাৰ্য্য আছে, স্ত্রীলোকেরও তেমন ঘরের ভিতর শত কাৰ্য্য রহিয়াছে । সেই সব কাৰ্য্য না করিয়া আলস্তের প্রশ্রয় দেওয়া কখনই কর্তব্য নহে । তাহাতে শারীরিক, মানসিক ও আর্থিক ত্রিবিধ ক্ষতি হয় । রাতদিন গৃহকাৰ্য্যে ব্যাপৃত থাকিয়া পরিশ্রম করিলে, সেই শরীর সঞ্চালনে দেহ সুস্থ থাকে । শ্রমশীল রমণীকে রোগশোকে বড় আক্রমণ করিতে পারে না, জরাজীর্ণতাও শীঘ্র আয়ত্ত্ব করে না । সৰ্বদা কাৰ্য্যে ব্যাপৃত থাকিলে মনও খুব প্রফুল্ল থাকে । প্রথম প্রথম কাৰ্য্য করিতে একটু কষ্ট হয় বটে, কিন্তু কয়দিন পরেই সে ভাব চলিয়া যায় ! অলসের মত বসিয়া থাকিলে মন ক্রমেই নিষ্কীব হইয়া আসে এবং একটু একটু করিয়া খিটখিটে হইয়া পড়ে । “আলস্ত” নামক পরিচ্ছেদে আমরা এ বিষয়ে আরও আলোচনা করিব । এখন এ সম্বন্ধে আর একটা প্রশ্নের আমাদিগকে সীমাংসা করিতে হইবে । কেহ কেহ জিজ্ঞাসা করিতে পারেন, বাহার অবস্থা ভাল, অসংখ্য দাস দাসী আছে, তাহার গৃহকৰ্ম্ম না করিয়া বসিয়া থাকাতে কিছু আসে যায় কি ? আমরা বলি,


অবশ্য যায়। দাসদাসীকে নিযুক্ত করিতে হয় কর, কিন্তু নিজে তজ্জন্ম অলস হইয়া রোগ,শোক ও মনের অপ্রফুল্লতা নিমগ্ন করিয়া আনিবে কেন? তোমার চারিটা দাসদাসী রাখিলে গৃহকর্ম করিতে হয় না, সেস্থলে তিনটা রাখিয়া আর একটীর স্থলে নিজেকে নিয়োজিত কর। তাহাতে অর্থ-সঞ্চয়ও হইবে, মনও প্রফুল্ল রহিবে। পরস্তু গৃহ-কর্মগুলি বেশ স্তম্ভজালরূপে চলিবে। ঘরের লোকে তত্ত্বাবধান না করিলে কোন্ গৃহ-কর্ম সুচারুরূপে সম্পন্ন হইতে পারে? টাকা পয়সা আছে বলিয়াই তাহা অনাবশ্যক ব্যয় করিতে হইবে—তাহার কিছু অর্থ নাই।


## স্নেহ-মমতা

স্নেহ দ্বী যত বেশী স্নেহময়ী, তাঁহার চরিত্র তত বেশী উন্নত । পুরুষের শ্রেষ্ঠতার বিচার যেমন পুরুষকার দ্বারা করিতে হয়, নারীর শ্রেষ্ঠতাব বিচারও তেমনি বিনয়, সৌজ্ঞ্য, কোমলতা ও স্নেহশীলতা দ্বারা হইয়া থাকে । কঠোরতা, নির্ভুরতা, ক্রোধ, অহঙ্কার—এই সব নারীর পক্ষে বড় ভীষণ । এগুলিতে আক্রান্ত হইলে নারীর নারীত্বই চলিয়া যায় । সুতরাং সকলকে স্নেহ ও প্রীতির চক্ষে দেখিতে চেষ্টা করিবে । গরীব দুঃখীদিগকে, এমন কি শত্রুকেও কদাচ বিরূপভাবে দর্শন করিবে না । পরদুঃখ-কাতরতা নারীকে বড় মহিমময়ী করে । কোন নিঃসহায় রোগীর কিংবা বিপদ-গ্রস্ত লোকের প্রতি যখন কোন রমণী কাতর-দৃষ্টিতে সেবা-সুশ্রুষা ও যত্নবর্ষণ করিতে থাকেন, তখন তাঁহাকে কোনও স্বর্গের দেবী বলিয়াই মনে হয় । এই গুণটীতে রমণীর যত শোভা বর্দ্ধন করে, বোধ হয়, ত্রিভুবনের সমস্ত রত্নালঙ্কারেও তত শোভা হয় না । যত্নপূর্বক ইহাকে আয়ত্ত করিতে চেষ্টা করিবে । কেবল আত্মীয় স্বজন কিংবা স্বামী নহে—পৃথিবীর যাবতীয় ব্যক্তিকেই প্রীতির চক্ষে দেখা রমণীর কর্তব্য ।









স্নেহশীলতার সঙ্গে সঙ্গেই অতিথি-সেবার উল্লেখ করা কর্তব্য।  
দ্রীলোকগণ যেমন সকলকেই প্রীতির চক্ষে দেখিবেন, অতিথিকে  
তেমন পরম যত্নে সেবা করিবেন। অতি প্রাচীন কাল হইতেই  
অতিথি-সেবা রমণীগণের একটা শ্রেষ্ঠ কর্তব্য বলিয়া বিবেচিত হইয়া  
আসিতেছে। পাণ্ডু সহধর্মিণী কুন্তী, দাতাকর্ণ-মহিষী প্রভৃতি আর্ষা-  
রমণীরা এই অতিথি সংকার্যের চূড়ান্ত প্রমাণ দেখাইয়া দিয়া  
গিয়াছেন। কুন্তীদেবী দুর্ভাসা-ঋষিকে তপ্ত-মিষ্টান্ন ভোজন করাইতে  
বাইয়া হস্ত পোড়াইয়া ফেলিয়াছিলেন, কুর্মহিষী অতিথির আদার  
রক্ষার্থ স্বামিসহ নিজ হস্তে খড়্গ গ্রহণ করিয়া আপন প্রাণাপেক্ষ  
প্রিয়তম পুত্রকেও বিনাশ করিতে কুণ্ঠিত হন নাই। অতিথি-সেবা  
মঙ্গলজনক এবং রমণীর একান্ত কর্তব্য না হইলে অবশ্যই তাঁহারা  
এতদূর অগ্রসর হইতেন না। আজকাল অনেক গৃহস্থের বধূকে  
অতিথি-সমাগম দেখিলে বিরক্ত হইতে দেখা যায়। তাঁহারা হয় ত  
নারায়ণস্বরূপ অতিথিকে গৃহদ্বারে দেখিয়াও তেমন একটা জিজ্ঞাসা-  
বাদ করেন না, কখনও কখনও হয় ত তাহার প্রতি তুচ্ছ-তাচ্ছিল্যও  
দেখান। ইহা একান্ত নিন্দা ও হৃর্তাগ্যের বিষয়। সর্বপ্রথম  
এই নিন্দা ও হৃর্তাগ্য হইতে আপনাকে রক্ষা করিবে।

## দেব-সেবা

অতিথি-সেবার পরে দেবসেবা উল্লেখযোগ্য। দেবসেবা ও ব্রত পূজাদি জ্বীলোকের মনকে যত পবিত্র ও নিশ্চল করে, তেমন আর কিছুতেই করিতে পারে না। সারাদিনের উপবাসের পর, বসন্তীগণ যখন সচন্দন বিহপত্রাদি লইয়া পুষ্পরাশির ভিতরে দেবারাধনায় বসিয়া থাকেন, অথবা নানা পুষ্পোপচারাদির মধ্যে আপনাকে ব্যস্ত করিয়া তুলেন, তখন মনে হয়, এমন সুন্দর আর কিছু আছে কি? তখন তাঁহাদিগের মনে যে পবিত্রভাব ও অনির্বচনীয় আনন্দের বিকাশ হয়, তাহা কে বুঝিবে? বঙ্গীয় জননাদিগের নিকট আমি অনুরোধ করিতেছি, তাঁহার! যেন একবার এই আনন্দলাভের চেষ্টা করিয়া দেখেন। আমাদের বালিকা-ব্রতের ছড়াগুলি এবং মঙ্গলচণ্ডী, সত্যনারায়ণ ও অত্যাশ্রী-ব্রতের কথাগুলি বড়ই সুন্দর ও উপদেশপূর্ণ। সে সকল পড়িতে পড়িতে, শুনিতে শুনিতে ও উচ্চারণ করিতে করিতে মনে যে কি এক স্বর্গীয় ভাব আসিয়া উপস্থিত হয়, তাহা সেই পাঠিকা, শ্রোত্রী ও উচ্চারণকারিণী ভিন্ন অত্য়ের বুঝিবার সাধ্য নাই। আমার পাঠিকাগণের মধ্যে যেন সকলেই একবার সেই ভাবান্বাদন করিতে যত্নবতী হন। আধুনিক শিক্ষিতা নব্য

জমগীদেব মধ্যে অনেকেই আজকাল দেব-সেবার কাছ দিয়াও যান না। কখনও কিছু ব্রত পূজাদি উপস্থিত হইলে, তাহা পূজক ব্রাহ্মণ দ্বারাই কোনওরূপে সম্পন্ন করিয়া লয়েন—ইহার অপেক্ষা ছুর্ভাগ্যের বিষয় আর কি হইতে পারে! দেবগণ যেন আজকাল আমাদের কৃপা-ভিক্ষার্থী একদল অপরিত্যক্ত গলগ্রহ-স্বরূপ হইয়া পড়িয়াছেন। তাঁহাদিগকে ছাড়িতেও পারা যায় না, আবার আদর-যত্ন করিয়া রাখিবারও প্রবৃত্তি নাই। ইহা যে কেবল কতিজনক তাহা নহে, মূর্থতামূলকও বটে। তাঁহারা যদি একবার কায়মনোবাক্যে ভক্তিভরে দেবতাকে ডাকিতে পারেন, তবে বুঝিবেন যে, এই দেবসেবায় যে সুখ, যে শান্তি ও যে আনন্দ নিহিত আছে, তাহা তাঁহাদের রত্নালঙ্কারে, ভোগ বিলাসে বা নাটক-নভেলে নাই। তাঁহারা একবার পরীক্ষা করিয়া দেখেন না, ইহাই পরিতাপের বিষয়।

## সেবা-শুশ্রূষা

অতিথিসেবা ও দেব-সেবার পরে পরিজনের সেবা-শুশ্রূষার কথাও উল্লেখযোগ্য। কেবল পরিজনের কেন, আপন, পর, শত্রু, মিত্র, সকলেরই সেবা-শুশ্রূষা করা জ্ঞীলোকের কর্তব্য। সেবা-শুশ্রূষা জ্ঞীলোকেরা যেমন করিতে পারেন, পুরুষেরা তেমন পারেন না। এজন্ত সেবা-শুশ্রূষা প্রধানতঃ জ্ঞীলোকেরই কার্য বলিতে হইবে। স্বামীর সেবা, স্বস্তুর-স্বাশুড়ীর সেবা, ছেলে-মেয়েদের তত্ত্বাবধান—এই গুলি না করিলে জ্ঞীলোকদিগের জ্ঞীত যুচিয়া যায়। এগুলি পালন করিলে আমাদের হিন্দুশাস্ত্রমতে তাঁহাদিগের অক্ষয় স্বর্গলাভ হইয়া থাকে। বস্তুতঃ পরিজনের সেবা-শুশ্রূষাই জ্ঞীলোকের কর্তব্যের প্রায় পনের আনা অংশ সর্বদা জুড়িয়া রাখে, দৃষ্ট হয়। সুতরাং বাহ্যতে সূচাক্রমে অল্প সময়ে এই কর্তব্যটী সদাসর্বদা পালন করিতে পার, তাহার জন্ত সাধ্যানুসারে চেষ্টা করিও।

শয্যাগত রোগীর নিকটে শুশ্রূষাকারিণী জ্ঞীলোকের মত বন্ধু আর নাই। তাঁহারা যে কেবল ভাল শুশ্রূষা করিতে পারেন, তাহা নহে, তাঁহাদের স্নেহমমতাপূর্ণ বিন্দু কান্তি দেখিলেই পীড়িতের মনে যেন কি এক অনির্বচনীয় শান্তি, সুখ ও ভরসার

ছবি আসিয়া উদয় হয়—তাহাতেই তাহার রোগবজ্রগার অর্ধেক কমিয়া যায়। ইহা অপেক্ষা রোগীর আর অধিক কি প্রার্থনীয় হইতে পারে ?

পরিবার, প্রতিবেশী, এমন কি পরিচিত কোনও ব্যক্তির রোগ শোক উপস্থিত হইলেই, কোন বিশেষ প্রতিবন্ধক না থাকিলে, তাহাদের শুশ্রূষা করিতে অগ্রসর হইবে। জীলোকগণ সকল ব্যক্তির নিকটে নিঃসঙ্কোচে উপস্থিত হইতে পারেন না—বা'র তা'র নিকটে গমন করাও তাঁহাদের উচিত নহে। এ অবস্থায় তাঁহাদের সেবা-শুশ্রূষার উপযুক্ত পাত্র কে, তাহা তাঁহাদের স্বত্তর-স্বাত্ত্বী ও স্বামীই নির্দেশ করিয়া দিবেন। আমাদের মতে এমন স্থলে স্বামীর অনুমতি লওয়াই সর্বতোভাবে শ্রেষ্ঠ। পীড়িত ব্যক্তির নিকটে যাইবার কোনও বাধা না থাকিলে, শত্রু বলিয়া তাহাকে পরিত্যাগ করিও না। আমরা অনেক সময় এমন দেখিয়াছি যে, অনেক জীলোক ঝগড়া করিয়া ভাস্কর-বধু, দেবরবধু, ও ননদ প্রভৃতির। কথাবস্থায়ও সংবাদ লন না। ইহার জায় জঘন্য ব্যবহার বুঝি আর নাই। পীড়িত শত্রুর প্রতিও সদয় ব্যবহার ও আবশ্যক বোধে শুশ্রূষা করা কর্তব্য—হিন্দুশাস্ত্রের এই নীতি।

## সৌজন্য

লজ্জা, বিনয় ও গাম্ভীৰ্য্য প্রভৃতির মত সৌজন্যও স্ত্রীলোকের একটা প্রধান ভূষণ। লোকের মনোহরণার্থ ইহার তুল্য ব্রহ্মাঙ্গ আর নাই। স্ত্রীলোক সুন্দরী হউন, বিনীতা হউন বা গম্ভীরা হউন, কিন্তু যদি লোকের সহিত সৌজন্যসহকারে ব্যবহার করিতে না পারেন, তবে কিছুতেই লোকের আদর ও প্রশংসানন্দ করিতে পারেন না। পক্ষান্তরে সুন্দরী, বিনীতা ও লজ্জাশীলা না হইয়াও অনেক রমণীকে এই সৌজন্যের জগ্ন লোকের মনস্তৃষ্টি করিতে দেখা যায়। সুতরাং পরিবারের প্রিয়পাত্রী হইতে হইলে, এই গুণটিকে যত্নপূৰ্ব্বক অৰ্জন করিতে হইবে। প্রত্যেকের প্রতি ভদ্র, মিষ্ট ও শাস্তশিষ্ট ব্যবহারকে সৌজন্য বলে। যাহাকে যে কথা কহিবে, খুব প্রিয়বাক্যে বলিবে। প্রিয়বাদিনী হওয়া স্ত্রীলোকের পক্ষে বিশেষ বাঞ্ছনীয়। মুখর স্ত্রীলোককে প্রায় কেহই ভালবাসে না। প্রিয়বাক্যে, প্রিয় ভাব-ভঙ্গির সহিত সকল কথার উত্তর দিলে, সকলেই সন্তুষ্ট হয়। পরিবার রক্ষার্থ স্ত্রীলোককে সৰ্বদাই এই গুণটির ব্যবহার

করিতে হইবে। মনে মনে শত্রুতা বা বিদ্বেষ-ভাব রাখিয়াও যদি মিষ্টবাক্যে সকলকে তুষ্ট রাখিতে পার, তাহা হইলেই বাক্তি কি? তাহাতে পরিবারের অনেক কলহ, অনেক বিবাদ ও অনেক অশান্তি দূরীভূত হইয়া যায়।



## কর্তব্য-জ্ঞান

এই সকল গুণগ্রামের উল্লেখের পরে, একটা সাধারণ গুণ-  
লাভের জন্য পাঠিকাদিগকে অনুরোধ করিব। ইহার নাম  
কর্তব্য-জ্ঞান। যখনই কোন কার্য উপস্থিত হইবে, তখনই  
বিবেচনা করিয়া দেখিবে, সে স্থলে তোমার কি করা উচিত, এই  
কার্য-সম্বন্ধে তোমার উপর জীর্ধর্মের কি দাবী আছে ?  
হজুগের শ্রোতে বা দশজনের অনুরোধে অনুময়ে বা আপন স্বার্থ-  
সিদ্ধির নিমিত্ত সেই কর্তব্যপথ হইতে কখনও বিচলিত হইও না।  
কোন একটা গুরুতর সমস্যা উপস্থিত হইলে, সে স্থলে তোমার  
কি করা উচিত, তাহা বুঝিতে পার না বলিয়া, নিজের মতলব-  
মত কিছু করিও না। বিবেচনা করিয়া দশজনকে জিজ্ঞাসা  
করিয়া, জীর্ধর্মের উপদেশ লইয়া যাহা ভাল বোধ কর, তাহাই  
করিও। একবার কর্তব্যজ্ঞান লাভ করিতে পারিলে, কিছুতেই  
আর তাহা হইতে বিচলিত হওয়া উচিত নহে—তাহাতে বতই  
কেন স্বার্থসিদ্ধির ব্যাঘাত হউক না—ক্ষতি কি ? পরিণামে  
কর্তব্য পালনের অবশ্যই জয় হইবে—সেই জয়ের জন্য প্রতীক্ষা  
করিয়া থাকিবে।

## সতীত্ব

আমরা এতক্ষণ জীলোকের অনেক গুণের কথা বর্ণনা করিয়াছি, কিন্তু জীলোকের যে'টা সর্বপ্রধান গুণ, জীলোকের যে'টা সর্বপ্রধান ধর্ম, তাহার কথা এখনও কিছু বলা হয় নাই। এই পুস্তকে “পরিত্রাণের প্রতি কর্তব্য” অধ্যায়ে সেই কথা যথাসম্ভব বর্ণিত হইবে ; এখন এইস্থানে, আমি আমার কোনও আত্মীয়ের গ্রন্থ হইতে, সেই সম্বন্ধীয় কয়েকটি কথা উল্লেখ করিব।

নানাশাস্ত্রবিদ স্বর্গীয় ঈশানচন্দ্র রায়-চৌধুরী মহাশয় তাঁহার ‘আর্য্যধর্ম-তত্ত্ব’ নামক একখানি অতি উৎকৃষ্ট গ্রন্থে জীলোকদিগের এই ধর্ম সম্বন্ধে লিখিয়াছেন ;—

“বিবাহিতা স্ত্রীর একমাত্র পাণিগ্রাহক পতির সহিত যে ধর্ম্মানুগত সংযোগ, তাহাকেই সতীত্ব-ধর্ম্ম বলা যাইতে পারে। পৃথিবীর প্রায় সমস্ত নরনারী এই সতীত্ব-ধর্ম্মের গৌরব করিয়া থাকেন। যাহারা প্রকৃতির দুর্জয় শাসনে পদস্থলিতও হয়, তাহারাও এই মহাধর্ম্মের অগৌরব করিতে সাহস পায় না। বিশেষতঃ শাস্ত্র সতীত্ব-ধর্ম্মকেই রমণীগণের সর্বশ্রেষ্ঠ ধর্ম্ম বলিয়া কীর্তন করিয়াছেন।

## কুললক্ষ্মী

অতএব সতীত্ব-রত্ন-হীনা নারী রূপবতী হইলেও কুৎসিতা এবং ধন-বতী হইলেও কাকালিনী। আর নিতান্ত দীন-হীনা কুরূপা নারীও সতীত্ব-রত্নে বিভূষিতা হইলে তিনি পরমা সুন্দরী ও মহাধনবতী বলিয়া সম্মানিতা হইয়া থাকেন। সতীত্ব-ধর্মের অপার মহিমা! ইনি মৃতের জীবনদানে সক্ষম। সতীর বাক্যে অগ্নির দাহিকাশক্তি শীতলতা ধারণ করে। পুরাণশাস্ত্রে তাহার ভূরি ভূরি দৃষ্টান্ত বর্তমান থাকিয়া সতীত্ব-ধর্মের গৌরব ঘোষণা করিতেছে। এই সতীত্ব-ধর্মের প্রভাবে সতী সাবিত্রী মৃত-পতি সত্যবানের পুনর্জীবন দানে সক্ষম হইয়াছিলেন। নারীকুলললাম সাবিত্রীর সেই পবিত্র ঘটনা সুদূর-বর্তী অতীতের নিবিড় অন্ধকারে সমাচ্ছন্ন হইলেও তাহার স্বর্গীয় জ্যোতিঃ আজিও আধ্যাত্মিক ধর্ম-প্রবণ হৃদয়কে প্রতিভাসিত করিয়া রাখিয়াছে। আজিও আধ্যাত্মিকগণ সতী সাবিত্রীর পবিত্র নামে ত্রতাচরণ করিয়া থাকেন। তাঁহাদের বিশ্বাস, তাঁহারা সাবিত্রীত্রত যথাবিধি উদ্‌যাপন করিতে পারিলে ভবিষ্যৎজন্মে সতী-সাক্ষী হইয়া ভূভারতে অন্তর্গত হইবেন এবং পতির সহিত অবিচ্ছেদে নিত্যানন্দ সম্ভোগ করিয়া পরিতৃপ্ত হইবেন।

আধ্যাত্মিক সাবিত্রী-ত্রত ব্যতীত আরও অনেকগুলি ত্রতানুষ্ঠান করিয়া থাকেন; সে সকল কেবল পতি-সৌভাগ্য কামনা এবং চিরজীবন পতি-প্রেমাধীনতা ও পতিসহ অবিচ্ছেদে জীবনানতিপাত উদ্দেশ্যে অনুষ্ঠিত হয়। যাহারা হিন্দু-রমণীগণের ত্রতোপবাসাদি

উপলব্ধ করিয়া তাঁহাদিগকে কুসংস্কারাপন্ন বলিয়া নিন্দা করিয়া থাকেন, আমি তাঁহাদিগকে অনুরোধ করি, তাঁহারা আত্ম-কুসংস্কার পরিহার করিয়া সরল-মনে হিন্দু-রমণীগণের অন্তর্ভুক্তি ব্রতের উদ্দেশ্য ও কামনা সকল অবগত হইতে চেষ্টা করুন, তৎপরে যদি নারীগণ নিন্দাভাজন হন, নিন্দা করিবেন, তাহাতে আমাদের কিছুমাত্র আপত্তির কারণ থাকিবে না। নচেৎ না জানিয়া শুনিয়া তাঁহাদিগের প্রতি এতাদৃশী অবজ্ঞা প্রদর্শন করা নিতান্তই অবिवেচনার কার্য।

আধুনিক নারীগণ, একমাত্র পতিকেই যথাসর্বস্ব জ্ঞান করিয়া থাকেন। যদি তাঁহারা পতির প্রেমধনে ধনী হন, তবে সংসারে শত দুঃখ দারিদ্র্যের নিস্পীড়নেও কিছুমাত্র ভীত বা ক্লিষ্ট হন না। সে সকল সাংসারিক জালা ও যন্ত্রণা হস্তমুখে সহ করিতে তাঁহারা চিরাভ্যস্ত। নারীর গৃহ, লক্ষ্মীর আশ্রয়স্থান। দেবতার ও সতী-সংসর্গ শ্লাঘনীয় মনে করেন। ত্রিতাপতাপিত মানবের ভাগ্যে যদি সতী-সংসর্গে ক্ষণকালও অবস্থিতির সুযোগ ঘটে, তবে সতীর পবিত্র সহবাসে তাঁহার সমস্ত ক্লেশ বিদূরিত হয়। সতীর সহবাস যে কিরূপ সুখের অবস্থা, তাহা বর্ণনায় উপলব্ধি করা যায় না। যদি সৌভাগ্যক্রমে কেহ তাদৃশ সম্পদ লাভ করিয়া থাকেন, তবে কেবল তিনিই তাহার মাধুর্য্য হৃদয়ঙ্গম করিয়াছেন।

## কুললক্ষ্মী

হিন্দুর পৌরাণিক গ্রন্থসমূহ অসংখ্য সতীনারীর পবিত্র কাহিনীতে পরিপূর্ণ। রামায়ণে যখন আমরা সীতা-চরিত্র পাঠ করি, তখন সেই স্বভাবের প্রিয় ছহিতা আমাদের মানস-নেত্রের সম্মুখে পবিত্র জ্যোতিঃতে উদ্ভাসিত হইয়া দণ্ডায়মান হন। আমরা তাঁহান অলৌকিক রূপমাধুরী, অমানুষী সরলতা, অতুলনীয় সহিষ্ণুতা, এবং অনন্তসাধারণ পত্যভুক্তি, স্নেহ, প্রেম, দয়া প্রভৃতি সদৃশগুণসমূহ দর্শন করিয়া আত্মহারা হইয়া যাই। আমাদের অহঙ্কৃত মস্তক ধীরে ধীরে অবনত হইয়া পবিত্র মূর্তির চরণতলে লুপ্তিত হইয়া পড়ে। অস্তুতঃ মুহূর্তের জ্ঞাত আমরা এই পাপপূর্ণ পৃথিবীর কথা ভুলিয়া যাই। স্বর্গীয় সৌরভে অন্তরাত্মা পরিতৃপ্ত হইয়া যায়। ভক্তি-প্রেমেণ বিমল স্রোতে মানসিক পাপ-কলঙ্ক বিধৌত হইয়া যায়। সতীর কথায়, সতীর আচরণে পার্থিব পঙ্কিলতার সংস্রব নাই, উহা সর্বদা দেবভাবে পূর্ণ। রামায়ণ হইতে সীতাদেবীর শ্রীমুখ-বিনিঃসৃত ছই একটি কথা উদ্ধৃত করিয়া প্রিয় পাঠকপাঠিকা-দিগকে উপহার দিতেছি, দেখিবেন, তেমন অবস্থায় পড়িয়া তেমন ভাবের কথা আর্ধ্যনারী ব্যতীত আর কাহারও নিকট প্রত্যাশা করা যায় না।

প্রজারঞ্জনানুরোধে সূর্য্য-বংশাবতংস শ্রীরামচন্দ্র প্রাণপ্রিয়া জানকীকে নিতান্ত পূতচরিত্রা জানিয়াও নির্বাসিতা করিয়া-ছিলেন। সেই রাজনন্দিনী রাজবধু আজি একাকিনী বনবাসিনী

হইতেছেন। শ্রীরামের অমুখ শ্রীমান্ লক্ষ্মণ সীতাকে ভাগী-  
 রণীর পরপারে উত্তীর্ণ করাইয়া সম্মুখে বিষম্মুখে দণ্ডায়মান।  
 তিনি কিরূপে সরলহৃদয়। পতিপ্রাণা<sup>১</sup> রাজমহিষীকে জ্যোষ্ঠের  
 এই নির্ভর আদেশ জানাইবেন, এই ভাবনায় আকুল হইয়া  
 উঠিয়াছেন। বাষ্পবারিতে লক্ষ্মণের নয়নযুগল অভিবিক্ত হইয়া  
 উঠিয়াছে। শোকাবেগে কণ্ঠরোধ হইয়া আসিতেছে। লক্ষ্মণ  
 শব্দনয়নে সীতার শ্রীচরণের প্রতি দৃষ্টিপাত করিয়া রহিয়াছেন।  
 জ্ঞানকী প্রাণের দেবর লক্ষ্মণের ঈদৃশী শোচনীয় অবস্থা দর্শন  
 করিয়া কোন অভাবনীয় বিপদাশঙ্কায় আকুল হইয়া উঠিয়াছেন।  
 তিনি লক্ষ্মণকে বলিতেছেন, লক্ষ্মণ! বল, অকস্মাৎ তোমার  
 এইরূপ বিষম ভাবান্তর উপস্থিত হইল কেন? বলি, আৰ্য্য-  
 পুত্রের ত কোন অমঙ্গল সংবাদ পাও নাই? সীতার এই বাক্য  
 শুনিয়া লক্ষ্মণ আর ধৈর্য্যধারণ করিতে পারিলেন না; যে আৰ্য্য-  
 পুত্র তাঁহার প্রতি রাক্ষসের ঞ্চায় নির্ভর ব্যবহার করিয়াছেন,  
 সীতার প্রথমে ভাবনা সেই আৰ্য্যপুত্রের অন্তত-সংবাদ। তিনি  
 সরলার সেই সরল বাক্য শুনিয়া উচ্চৈঃস্বরে রোদন করিয়া  
 উঠিলেন। তখন তিনি সীতার নির্ব্বাক্যতিশয় অনুরোধে স্বরূপ  
 বলিতে বাধ্য হইলেন। বলিলেন, আৰ্য্যো! হুরাচার লক্ষ্মণ,  
 আৰ্য্য রামচন্দ্রের আদেশে আপনাকে বাস্তবিকর তপোবনে  
 নির্ব্বাসিতা করিতে আসিয়াছে; এই সেই তপোবন। শুনিয়া

## কুলদলক্ষী

সীতার মন্তক ঘুরিয়া গেল ; চক্ষু আঁধার হইয়া আসিল ; তিনি কাঁপিতে কাঁপিতে ভূমিতে পড়িয়া গেলেন। চৈতন্য বিলুপ্ত হইয়া গেল। তৎপরে লক্ষ্মণের শুশ্রূষায় চৈতন্য লাভ করিলেন। তখন তিনি লক্ষ্মণের দিকে চাহিয়া কহিলেন, লক্ষ্মণ ! কি অপরাধে প্রভু আমায় নির্বাসিতা করিলেন ? লক্ষ্মণ কহিলেন, আৰ্যো ! যদি চন্দ্রে দাহিকা-শক্তি, অগ্নিতে নীতলতা-শক্তি সম্ভাবিত হয়, তথাপি আপনার নির্মল চরিত্রে দোষস্পর্শ সম্ভাবিত হয় না। আৰ্য্য রামচন্দ্র আপনাকে সম্পূর্ণ বিশ্বদ্বন্দ্বভাবা ও একান্ত পতিব্রতা জানিয়াও, কেবল প্রকৃতি-রঞ্জনানুরোধেই, রাজধানী হইতে নিষ্কাশিত করিয়াছেন। শুনিয়া সীতার অন্তরাত্মা শান্তিলাভ করিল ; হৃদয়ের আনন্দ মুখদর্পণে প্রতিফলিত হইল। তিনি বলিলেন, লক্ষ্মণ ! আমি যে প্রভুর চরণে কোনও অপরাধ করি নাই, আমি যে বিনা দোষে পরিত্যক্তা হইলাম, ইহাই আমার পরম সৌভাগ্য। আজ যদি কোনও দোষের জ্ঞাত আৰ্য্যপুত্র কর্তৃক এইরূপ নিগৃহীত হইতাম, তবে এ কলঙ্ক-জীবন রাখিয়া পৃথিবীকে কলঙ্কিতা করিতাম না। আমার আরও স্নেহের বিষয় এই যে, তিনি প্রকৃতি-রঞ্জনানুরোধে আমাকে পর্য্যন্ত পরিত্যাগ করিতে কুণ্ঠিত হন নাই। প্রজারঞ্জনই রাজার প্রধান ধর্ম। আমার প্রাণেশ্বর যে সেই রাজধর্ম প্রতিপালনে এইরূপ সঙ্কটস্থলেও সমর্থ হইয়াছেন, নারীর পক্ষে ইহা

হইতে আর গৌরবের বিষয় কি হইতে পারে ? লক্ষণ ! অভাগিনীর অদৃষ্টে এইরূপ দুর্লভ পতিসৌভাগ্য ঘটিলেও আজি যে দুঃখসাগরে পতিত হইলাম, তাহার কুল দেখিতেছি না ! লক্ষণ ! আমার অদৃষ্টই এই দুঃখের হেতু, ইহাতে প্রভুর বিদ্মু-মাত্রও দোষ নাই। বিধির ইচ্ছাই সর্বদা বলবান; ভবিতব্য খণ্ডন করা মনুষ্যের সাধ্যাতীত। আমি এই বনবাসজনিত ক্লেশকে কিছুমাত্র গণনা করি না। প্রভুর চরণ-সেবা করিতে পাইলে দাসী ইহা হইতে শতগুণ ক্লেশকেও গ্রাহ্য করে না। যাহা হউক, তুমি প্রভুকে আমার এই ভিক্ষা জানাইও যে, আমি তাঁহার পত্নীরূপে বিসর্জিতা হইলেও প্রজ্ঞা-রূপে তাঁহারই অধিকারে অবস্থিত করিব। আমি এই নির্জ্ঞান বনে অবস্থান করিয়াও যদি তাঁহার কুশল সংবাদ জানিতে পাই, তবেই আমি সুখী। অতএব সামান্য প্রজ্ঞার গ্রায় আমি যেন রাজ-কুশল জানিতে পাই। ইহাতে যেন সীতা বঞ্চিতা না হয়, এই করিতে বলিও ইত্যাদি ইত্যাদি অনেক কথা আছে। \*

এমন সাধবী সতী নারী ধরাধামে দুর্লভ। ভারতের যে কোন সতী-রমণীর চরিত্র আমরা পাঠ করি, তাহাতেই মুগ্ধ হইয়া বাই। সতীর চরিত্র এইরূপ স্বর্গীয় মাধুর্য্যে পরিপূর্ণ বলিয়াই শাস্ত্র সতীত্বের এত মাহাত্ম্য বর্ণন করিয়াছে।

---

• সীতাদেবী শ্রীজলধর সেন—১৭



## কুলমক্ষী

এ দেশীয় আৰ্য্যনারীগণ যে সতীত্ব-ধৰ্ম্মকে প্রাণাপেক্ষা প্রিয় পদার্থ মনে করেন, সতী-দাহ ও অহর-ব্রত তাহার দ্বিতীয় প্রমাণ। পতির মৃত্যুর 'পর জীবিত পত্নী সেই মৃত পতির সহ এক চিতায় আত্মদেহ আগ্রহের সহিত ভস্মীভূত করার দৃষ্টান্ত আৰ্য্যনারী ব্যতীত পৃথিবীতে আর কেহ প্রদর্শন করিতে সমর্থ হন নাই। পতিই যে সতীর প্রাণ, এই দৃষ্টান্ত তাহারই প্রত্যক্ষ প্রমাণ। যদিও কালক্রমে সতীদাহের পক্ষপাতিতা মনুষ্যকে একান্ত অন্ধ করিয়া তুলিয়াছিল এবং সেই অন্ধীভূত অবস্থায় মানুষ অনেক স্থলেই সতীর অনিচ্ছা সত্ত্বেও তাঁহাকে স্বর্গপ্রাপ্তি প্রলোভনাদিতে লুপ্ত করিয়া চিতারোহণ করাইত, তথাপি মুক্ত-কণ্ঠে স্বীকার করিতে বাধ্য হইব যে, তৎকালে প্রকৃত সতীরও অভাব ছিল না। অনেক রমণীই পতির মৃত্যুর পর বন্ধুবান্ধব কর্তৃক নিবারিত হইয়াও স্বেচ্ছাপূর্ব্বক হস্তমুখে নববিবাহিতা যুবতীর বাসরশয্যার গ্রায় মৃত পতির পার্শ্বে এক চিতায় শয়ন করিতেন এবং প্রজ্জ্বলিত অনলে দক্ষীভূত হইতে হইতে সতী স্বয়ং হলুধ্বনি ও আনন্দমুচক গান করিতে করিতে স্বর্গারোহণ করিতেন। এইরূপভাবে সতীদাহের বিবরণ অনেক মহামনা সত্যবাদী ইংরেজও মুক্তকণ্ঠে স্বীকার করিয়াছেন এবং আপনাদের অরণ-পুস্তকে এই স্বেচ্ছাকৃত সতীদাহের বিবরণ লিখিয়া গিয়াছেন। পুস্তকের কলেবর একান্ত বৃদ্ধি পাইয়া যাইবে বলিয়া ঐরূপ

বিবরণ এখানে দৃষ্টান্তরূপে উদ্ধৃত করা গেল না। কেহ অনুসন্ধিৎসু হইলে অনায়াসেই তাহার শত শত দৃষ্টান্ত সংগ্রহ করিতে পারিবেন।

অপর জ্বর-ব্রত! ইহাও আখ্যানারীদিগের সতীত্বের ও আত্মগৌরবের জলন্ত দৃষ্টান্ত। কোন দেশ শত্রুকর্তৃক আক্রান্ত হইয়া পরাজিত হইলে, সেই দেশের রমণীগণ যখন শুনিতে পাইতেন, তাঁহাদের পতিপুত্রাদি যুদ্ধে নিহত হইয়াছেন, দেশ শত্রুকর্তৃক অধিকৃত হইয়াছে, তখনই তাঁহারা সকলে একত্র হইয়া প্রকাণ্ড চিতা প্রস্তুত করিয়া প্রজ্বলিত করিতেন এবং সতীত্বপ্রকাশক গাথা গাহিতে গাহিতে সেই জলন্ত অনলকুণ্ডে ঝম্প প্রদান করিয়া প্রাণত্যাগ করিতেন। শত্রু তাঁহাদের পবিত্র দেহ স্পর্শ করিয়া কলঙ্কিত করা দূরে থাকুক, তাঁহাদের ছায়া স্পর্শ করিতেও সমর্থ হইত না। এ ত গেল পূর্বকালের কথা। সেদিন ভারত-সম্রাট আলাউদ্দিন যখন চিতোর নগর আক্রমণ করিয়া অধিকৃত করিলেন, তখন রাজপুতনার মহারাণা ভীমসিংহের প্রধানা মহিষী পদ্মিনীদেবী সপত্নীগণে পরিবেষ্টিত হইয়া প্রজ্বলিত অনলকুণ্ডে ঝম্পপ্রদানপূর্বক প্রাণত্যাগ করেন। দেশের সমস্ত ক্ষত্রিয়া রমণীই মহারাজ্ঞীর পদানুসরণ করিয়া-  
ছিলেন। \* রাজমহিষী পরমা সুন্দরী রমণী ছিলেন। তাঁহাকে

---

\* গ্রন্থকার-প্রণীত 'পদ্মিনী' পাঠ করুন।

## কুললক্ষ্মী

হস্তগত করার উদ্দেশ্যেই আলাউদ্দিন চিতোর-নগর আক্রমণ করিয়াছিলেন। রাজধানী অধিকৃত হইলে পর, বিজয়ী আলাউদ্দিন অতি উৎসাহের সহিত রাজ্যান্তঃপুরে প্রবিষ্ট হইয়া যখন দেখিতে পাইলেন, সেই বিলাসকানন আনন্দধাম মহাশ্মশানে পরিণত হইয়াছে, সেই নারীনিকুঞ্জ আজি আর্ধ্যনারীর সৌন্দর্য্যধাম দেহ-পুঞ্জের শেষ পরিণাম ভস্মরাশিতে সমাচ্ছন্ন রহিয়াছে, তখন যেন আলাউদ্দিন শুনিতে পাইলেন, সেই শ্মশানভূমি দস্ত বিকাশ করিয়া কামচর আলাউদ্দিনকে উপহাস করিতেছে। তখন আলাউদ্দিনের হৃৎকম্প উপস্থিত হইল; তিনি আর তথায় ক্ষণকালও ত্রিষ্টিতে পারিলেন না। ভগ্নাস্তঃকরণে এই ভাবিতে ভাবিতে প্রত্যাবৃত্ত হইলেন, ধন্য আর্ধ্যনারীর সতীত্ব!—ধন্য তাঁহাদের বীরত্ব! তাঁহারা ভারতসম্রাটের অতুল ঐশ্বর্য্যের ও অপ্রতিহত প্রতাপের প্রতি কিছুমাত্র সম্মান করিলেন না। তাঁহারা যখন জানিতে পারিলেন, আপনাদের স্বামী পুত্র ভাই বন্ধ যুদ্ধে হত হইয়াছেন, তখন যজ্ঞীয় ঘৃত কুকুরের ভোগ্য করা অসঙ্গত মনে করিয়া প্রাণের মায়া ত্যাগিয়া করিয়া আত্মসম্মান রক্ষা করিলেন।

ইহা আমাদের স্বকপোলকল্পিত নহে; মহাত্মা টড্ সাহেবের স্বহস্তলিখিত রাজস্থানের ইতিবৃত্তে গৌরবের সহিত লিপিবদ্ধ হইয়া রহিয়াছে। ইতিহাসে তাঁহাদের বিন্দুমাত্রও

অভিজ্ঞতা আছে, তাঁহারা এই সকল বিবরণ অলীক, কল্পিত বা  
অতিরঞ্জিত বলিয়া উড়াইয়া দিতে কখনই সাহস পাইবেন না।  
তবে ঘোর বিবেচী ও হস্তি-মূৰ্খদিগের কথা স্বতন্ত্র।



## স্ত্রীলোকের দোষ

কি কি গুণ থাকিলে স্ত্রীলোকেরা প্রকৃত কুললক্ষ্মী হইতে পারেন, তাহা দেখান হইল। এইবার কি কি দোষে তাহাদের সেই অবস্থা লাভের অন্তরায় ঘটে, তাহা সংক্ষেপে দেখাইব।

স্ত্রীলোকের দোষ বিবিধ। পূর্বে যে সকল গুণের কথা কহা হইল, তাহাদের কোন কোনটির অভাবই কোন কোন স্থলে এক একটা দোষ; এতদ্ব্যতীত কতকগুলি মৌলিক দোষও আছে।

প্রথমজাতীয় উদাহরণ-স্বরূপ বলা যাইতে পারে ‘সত্যবাদিতা’ একটা গুণ, কিন্তু ইহার অভাব ‘অসত্যবাদিতাই’ একটা দোষ। দ্বিতীয় শ্রেণীর দোষগুলি ঠিক এইরূপ গুণের অভাবজাত নহে। তাহারা মৌলিক; যথা—কলহ, বিবাদ, পরনিন্দা, পরশ্রীকাতরতা ইত্যাদি।

এই প্রথমজাতীয় দোষগুলি পরিহার করিতে হইলে, রমণী-দিগকে উহার বিপরীত গুণগুলিকে বিশেষভাবে অভ্যাস করিতে হইবে, তবেই দোষগুলি আপনা হইতে অন্তর্হিত হইয়া যাইবে, কারণ দোষগুলি এই সকল গুণগুলির অভাব ব্যতীত আর কিছুই নহে। গুণগুলির যদি অভাব না ঘটে, তবে দোষগুলির অস্তিত্ব অসম্ভব।

## জীলোকের দোষ

দ্বিতীয় প্রকারের দোষগুলি পরিত্যাগ করিতে হইলে কঠোর সংযম আবশ্যক। নিজের মনকে সর্বদা শাসনে রাখিয়া দৃঢ়প্রতিজ্ঞভাবে যত্নপূর্ব্বক সেই সব দোষগুলিকে সর্বদা দূর করিবে।

আমরা পরে পরে এই উভয় প্রকার দোষগুলির কথাই সংক্ষেপে উল্লেখ করিব।

## অলসতা

অলস পুরুষের পক্ষে যেমন নিন্দনীয়, স্ত্রীলোকের পক্ষেও তদ্রূপ। অলস স্ত্রীলোক কখনও গৃহে শ্রীবৃদ্ধি সাধন করিয়া পরিবারের মনোরঞ্জন করিতে পারে না। স্ত্রীলোকগণ যদি অলস না হইয়া খুব কৰ্ম্মক্ষম হন, এবং সৰ্ব্বদা পরিশ্রম সহকারে পরিবারের সেবা-শুশ্রূষা করেন, তবে বোধ হয় আজকালকার এই স্বশুর-স্বাশুড়ীদের বধু-বিদেষ এবং বধুদের স্বশুর-স্বাশুড়ী-বিদেষ অনেকটা কমিয়া যায়। অনেক স্ত্রীলোককে দেখা যায়.. শুধু রন্ধন করিলেই আপনাদের কর্তব্যের এক রকম চূড়ান্ত হইল বলিয়া মনে করেন—কেহ কেহ বা তাহাকেও বড় একটা কর্তব্যের মধ্যে ধরেন না। আজকালের বড়লোকের কন্যার প্রায় একটু বিলাসী, এবং কাজে কাজেই অলস। তাঁহার গৃহের কাজ কৰ্ম্ম এবং রন্ধন-ব্যাপারটাকে নিতান্তই ছোট ঘরের বৌ-ঝির কার্য্য বলিয়া মনে করেন। তাঁহারা কেবল সূচ-সূতা লইয়া রুমাল বয়নেই ব্যস্ত। রুমাল প্রস্তুত করুন, তাহাতে ক্ষতি নাই—কিন্তু সঙ্গে সঙ্গে গৃহ-কৰ্ম্মাদি করিয়া পরিবারের লক্ষ্মীস্বরূপাও হউন। নতুবা কেবল যে পরিবারের ব্যয়বাহিন্যা, বিশৃঙ্খলা এবং অশান্তির কারণ হইবেন তাহা নয়—নিজেরও

সর্বনাশ করিবেন। অলস ব্যক্তির মন ও স্বাস্থ্য অতি নীচ দূষিত হয়। ইহার প্রমাণ জীলোকদের বর্তমান হিষ্টিরিয়া রোগ ও স্মৃতিকা রোগ। আমার মনে হয়, স্মৃতিকা-রোগে আজকাল ঘরে ঘরে এই যে, বিভীষিকার ছবি জাগিয়া উঠিতেছে—ইহার মূলে এই রমণীদিগের অলসতা—আর কিছুই নয়। জীলোকেরা যদি শিশুকাল হইতেই শারীরিক পরিশ্রম দ্বারা শরীর সুস্থ ও সবল রাখিতে যত্ন করেন, তবে বোধ হয় এ দুরন্ত রোগ নীচই এই দুর্ভাগ্য বঙ্গরমণীসমাজ হইতে দূর হইয়া যায়। আমাদের বড় বড় পরিবার ছাড়িয়া অনেক নীচ অসম্মান্ত পরিবারে প্রবেশ করিলে আজকালও অনেক সুস্থ ও সবলকায় রমণী দেখা যায়। তাহাদিগকে এই দুরন্ত রোগ কখনও স্পর্শ করিতে পারে না। ইহার কারণ এই যে, তাহারা কখনও আমাদের ভদ্রলোকের মেয়েদের মত অলস হইয়া বসিয়া থাকিয়া সময় নষ্ট করে না, পরন্তু পরিশ্রম-সহকারে স্বহস্তে সকল গৃহকার্য্য করে।



## বিলাসিতা

আজকাল জ্ঞী-সমাজে বিলাসিতার শ্রোত কিছু প্রবল-বেগে বহিয়াছে। নব্যা রমণী-মহলে ইহার প্রতাপ কিছু অতিরিক্ত রকমের। আজকাল যিনি একটু সুগন্ধি-তৈলে কেশ রঞ্জিত করিয়া একটু পম্পেটম মাখিতে পারেন, এসেম্বলের গন্ধে চারিদিক্ আমোদিত করিয়া চলিতে পারেন, তিনিই শ্রেষ্ঠা বলিয়া গণ্য হন। অত্র দশজন জ্ঞীলোক তাঁহাকে বিশেষ সৌভাগ্যশালিনী মনে করেন এবং যথাশক্তি তাঁহার অনুকরণে ব্যস্ত হন। অনেক জ্ঞীলোক স্বামীকে এজ্ঞ ব্যতিব্যস্ত করিয়া তুলেন। স্বামী যদি তাঁহার এই সকল বিলাসিতার উপকরণগুলি সংগ্রহ করিয়া উঠিতে না পারেন, তাহা হইলে তিনি নিজের অদৃষ্টকে ধিক্কার দেন। এমন কি, অনেক সময় ইহা লইয়া স্বামী-জ্ঞীতে মনোমালিন্য ঘটে। হিন্দুস্থানের রমণীদের পক্ষে ইহা কলঙ্ক। যে দেশের জ্ঞীলোকেরা স্বামী ভিন্ন পৃথিবীতে অত্র কিছুকেই সত্য মনে করিতেন না, যে দেশে পার্থিব ধন-রত্নাপেক্ষা আধ্যাত্মিক উন্নতিই সর্বদা শ্রেষ্ঠ বলিয়া গণ্য, সে দেশের জ্ঞীলোকদিগের পক্ষে এইরূপ বিলাসিতার প্রতি অনুরাগ বড়ই পরিতাপের বিষয়।

অবস্থায় কুলাইলে সুগন্ধি তৈল মাখ, বেশভূষার পারিপাট্যেও মন দাও, তাহাতে বিশেষ কিছু আসে যায় না। কিন্তু অবস্থায় না কুলাইলে সে জ্ঞাত মনে দুঃখ আন কেন? এই বিলাসিতাটী স্ত্রী-জীবনের এমনই কি অত্যাবশ্যক সামগ্রী যে, এজ্ঞাত নিজের মানসিক সুখ ও শাস্তি নষ্ট করিতে হইবে, বা পরিজনের সঙ্গে ঝগড়া বিবাদ করিতে হইবে? যদি কেহ পমেটম মাখিয়া এবং এসেন্স টুড়াইয়াই মনে করেন যে, তিনি এই উপায়ে দশজনের গৌরব খর্ব করিয়া দিলেন, তবে তিনিও মূর্থ, আর, তোমরা—যাহারা ভাবিতেছ যে, এই পথেই তিনি সৌভাগ্যশালিনী হইয়াছেন বটে, এবং এই উপায় অবলম্বন করিলে আমরাও অবশ্য সেইরূপ সৌভাগ্যশালিনী হইতে পারিব—সেই তোমরাও মূর্থ। তোমার এসেন্স কিংবা সাবান মাখিবার শক্তি নাই বলিয়া যে সরূপ বিলাসিনীর নিকটে তোমায় কোনও প্রকার লজ্জাবোধ করিতে হইবে, তাহার কোনও কারণই নাই। এসব ছাড়িয়া নিজের চেষ্টায় নিজের চরিত্রটী যদি সর্বাপেক্ষা শ্রেষ্ঠ করিতে পার, তবেই তোমার অধিক গৌরবলাভের কারণ।

বিলাসিতা যে কেবলমাত্র অনাবশ্যক, তাহাও নহে। ইহার অপকারিতা শক্তিও যথেষ্ট আছে। বিলাসিতায় অনেক সময় স্ত্রীজাতিকে অকর্ষণ্য, অলস, রুগ্ন, অহঙ্কারী ও কষ্ট-অসহিষ্ণু করিয়া

## কুলসলক্ষী

কেনে। ইহাদের সকলগুলিই জীজ্ঞাতির মহৎ দোষ বলিয়া গণ্য। সুতরাং বিলাসিতাকে পূর্ণমাত্রায় প্রশ্রয় দিলে যে জীজ্ঞাতিকে একে একে সকল দোষগুলিকেই প্রশ্রয় দিতে হয়, তাহা নিশ্চিত।

মনে কর, আজ তুমি সৌখিন দ্রব্যাদি ব্যবহার করিতে আরম্ভ করিলে; ক্রমে যদি ইহাদের ব্যবহার তোমার অভ্যাসের মধ্যে গণ্য হইয়া পড়ে, তবে তুমি আর কখনও সেই অভ্যাসটাকে পরিত্যাগ করিয়া চলিতে পারিবে না। সর্বদা আরামে থাকিতে থাকিতে কার্য্য করিতে তোমার কষ্টবোধ হইবে। কার্য্যে অস্পৃহা জন্মিলে সঙ্গে সঙ্গে অলসতা জন্মিবে। অলসতা আসিলেই ক্রমে শারীরিক দৌর্ব্বল্য ঘটবে। ক্রমে শারীরিক এই অধোগতিব সঙ্গে সঙ্গে মানসিক দৌর্ব্বল্যও দেখা দিবে। অতঃপর বাহারা তোমার মত এখন সৌখিন ভাবে চলিতে পারে না, তাহাদিগের অপেক্ষা তোমার নিজেকে একটু শ্রেষ্ঠ বলিয়া মনে হইবে। অপরকে স্বপ্না করিতে ও নিজেকে শ্রেষ্ঠ মনে করিতে শিখিবে। একমাত্র বিলাসিতার পরিণামই দেখ এতখানি দাড়াইবে। সুতরাং এমন শত্রুকে সর্ব্বপ্রগত্তে পরিত্যাগ করাই উচিত।

কেবল সৌখিন দ্রব্য ব্যবহারই যে আজ কাল বিলাসিতার উপকরণ হইয়াছে, তাহা নহে। অলঙ্কারপ্রিয়তা, গৃহকার্য্যে বিরাগ,

শুধু সেলাই, তাবুল রচনা এবং গীতবাহাদিতে কাগজরপ করা, দশজনের কাছে অত্যধিক অনাবশ্যক চিঠিপত্র লেখা, এই সকল গুলিও বিলাসিতার এক একটা অঙ্গ হইয়া উঠিয়াছে। অনাবশ্যকে এই গুলিকে কখনও প্রশয় দিবে না।

## স্বৈচ্ছাচারিতা

স্বৈচ্ছাচারিতা স্ত্রীলোকের পক্ষে ভাল নহে । হিন্দুশাস্ত্রানুসারে  
রমণীগণ আজীবন পুরুষের অনুবর্তিনী ।

মহু বলেন,—

পিতা রক্ষতি কোমারে ভক্তা রক্ষতি যৌবনে ।

রক্ষন্তি স্ববিরে পুত্রা ন স্ত্রী স্নাতন্যমর্থতি ॥

বাল্যা বা যুবত্যা বা বৃদ্ধ্যা বাপি যৌষিতা ।

ন স্নাতন্যেণ কর্তব্যং কিঞ্চিৎ কার্যং গৃহেষপি ॥

বাল্যে পিতৃবশে তিষ্ঠেৎ পণিগ্রাহন্ত যৌবনে ।

পুত্রাণাং ভর্ত্তরি শ্রেতে ন ভজেৎ স্ত্রী স্নতস্বতাম্ ॥

অর্থাৎ, স্ত্রীলোকদিগকে কুমারী অবস্থায় পিতা, যৌবনে পতি  
এবং বৃদ্ধাবস্থায় পুত্রগণ রক্ষা করিবেন, কোন অবস্থায়ই তাঁহাদিগের  
স্বাধীনতা অবলম্বন করা উচিত নয় ।

স্ত্রীলোক বালিকা, যুবতী বা বৃদ্ধাই হউন, নিজ গৃহেতেও কোন  
কার্য স্বাধীন ভাবে করিবেন না ।

তাঁহারা বাল্যে পিতার, বিবাহ হইলে স্বামীর, এবং পতি-  
বিয়োগে পুত্রের বশে থাকিবেন । কখনও স্বাধীন হইবেন না ।

মহানির্বাণ তন্ত্রেও এইরূপ একটা শ্লোক আছে—

তিষ্ঠেৎ পিতৃবশে বাল্যে ভর্তুঃ সম্প্রাপ্তবোবনে ।

বার্দ্ধক্যে পতিবন্ধনাং ন স্বতন্ত্রা ভবে কচিৎ ।

অর্থাৎ, তাঁহারা বাল্যে পিতা মাতার, যোবনে স্বামীর এবং বৃদ্ধা-  
বস্থায় স্বামীর বন্ধুবর্গের অর্থাৎ পুত্রাদির বশবর্তিনী—এই তিন কালে  
এই তিন অভিভাবকের নির্দেশানুসারে চলিবেন ; কখনও স্বতন্ত্র  
হইয়া চলিবেন না । সূতরাং দেখা যাইতেছে, স্বাধীনতা বলিয়া একটা  
ছিনিব আদৌ স্ত্রীলোকের নাই । স্ত্রীলোকের বিচার-বুদ্ধি এবং  
কর্মক্ষমতা পুরুষাপেক্ষা অনেক কম । সূতরাং নিজের মঙ্গলামঙ্গলের  
জ্ঞাত্ত এবং জগতের হিতার্থ পুরুষেরাই তাঁহাদের একমাত্র অবলম্বন ।  
এই জ্ঞাত্তই সর্বদর্শী হিন্দু-শাস্ত্রবিদেরা এই বিধান করিয়া গিয়াছেন  
। স, তাঁহারা সর্বদাই পুরুষের নির্দেশানুসারে থাকিবেন । এই  
জ্ঞাত্তই আজকালের সকল দোষ সত্ত্বেও হিন্দুর মণীগণ সর্বপূজ্য ।  
তোমরা স্বাধীনতার আশু সুখলাভের আশায় মুগ্ধ হইয়া এই মঙ্গলময়  
অবস্থাটাকে নিতান্ত বিষের চক্ষে দেখিও না । প্রথম দৃষ্টিতে যাহাই  
বোধ হউক, একটু মনোযোগ করিলেই বুঝিতে পারিবে যে, এই  
অধীনতার অবস্থাটির মধ্যে স্ত্রীলোকদিগের একটা অতি শাস্তিময় ও  
গৌরবময় ভাবের অঙ্কুর নিহত আছে । যদি একবার সেই অঙ্কুরটাকে  
অনুভব করিয়া লইয়া জলসেচন করিতে পার, দেখিবে আজন্ম  
এই পরাধীনতাটুকুকে অলঙ্কার করিয়া রাখিতে আগ্রহ জন্মিবে ।  
অনেক হিন্দুপরিবারের স্ত্রী, সাহেবি চক্ষে চলাটাকে একটা নিতান্ত

## কুললক্ষ্মী

সৌভাগ্যের কথা মনে করেন। গাউন পরিয়া টুপি মাথায় দিয়া দশ-  
জনের সঙ্গে গল্পগুজব করিতে করিতে, প্রকাণ্ড স্থলে হাওয়া খাইতে  
যাওয়া, হয় ত তাঁহাদের নিকট কত সৌভাগ্যের বিষয়। কিন্তু  
তাঁহারা পতিকে প্রকৃতরূপে ভালবাসিতে শিখিয়াছেন, স্বস্তর-  
খাণ্ডীকে ভক্তি করিতে শিখিয়াছেন, পুত্রকন্য়ার মুখ দেখিয়া  
পবিত্র স্নেহরসান্বিত হইয়াছেন, তাঁহারা কি এই অবস্থাটাকে  
এতটুকুও প্রীতির চক্ষে দেখিতে পারেন? আপনার গৃহকোণে  
পতি, পুত্র ও কন্য়ার মুখের প্রতি চাহিয়া যখন একটা আত্ম-  
বিসর্জনের স্মৃতি তাঁহাদের মনে জাগিয়া উঠে, যখন একটা  
ভয়ঙ্কর ভাব আসিয়া তাঁহাদের অন্তরে উপস্থিত হয়, তখন  
কি তাঁহারা সেই গৃহকোণটাকে একটুও অপ্রশস্ত, বা একটুকুও  
অশান্তির নিকেতন ভাবিতে পারেন? সেই স্নেহ, মমতা ও ভাল-  
বাসার মধ্যে ভুবিয়া থাকিতে পারিলে, তখন কি তাঁহারা বাহ্যিক  
এই স্বার্থপূর্ণ স্বাধীনতাটাকে স্বর্ণা ও অবজ্ঞার চক্ষে দেখেন না?  
তখন তাঁহারা নিশ্চিতই বুঝিতে পারেন যে, রমণীর সুখ—আত্মসুখে  
নয়—আত্মত্যাগে; রমণীর সুখ সম্বোগে নয়—বিসর্জনে; রমণীর  
সুখ বাহিরে নয়—অন্তরে। হিন্দুশাস্ত্রোক্ত এই গূঢ় রহস্যের কথাটা  
সকলে হয় ত হঠাৎ বুঝিতে পারিবেন না; তাই একদল লোক  
সর্বদাই স্বাধীনতার জন্ত চীৎকার করিবেন। আমাদের  
অনুরোধ, তোমরা একবার অন্ততঃ এই স্বাধীনতার অবস্থাটির

## সেচ্ছাচারিতা

বসাস্বাদ না করিয়া অন্ত্র পদক্ষেপ করিও না। একটু  
রসাস্বাদ করিলে তোমাদের অবস্থা তোমরাই অতি সহজে  
হৃদয়ঙ্গম করিতে পারিবে—তখন উভয় অবস্থার পার্থক্য বেশই  
ব্যক্তিতে পারিবে।



## উচ্ছ্রাণতা


শ্রীমতী একটি গুণ, উচ্ছ্রাণতা যে শুধু সেই গুণের অভাব তাহা নহে—ইহা একটি প্রকাণ্ড দোষও বটে। রমণীগণ উচ্ছ্রাণ হইলে গৃহের হৃদশার আর অবধি থাকে না। পুরুষগণ যেমন বহির্জগতের কর্তা, স্ত্রীলোকেরাও তেমনি অন্তঃপুরের ভাগ্য-বিধাত্রী। অন্তঃপুরের শ্রীমতী রক্ষা বা শাসন সংরক্ষণের ভার পুরুষে লইতে পারে না—কারণ তাহা হইলে তাহাকে বাহিরের কার্যে অমনোযোগী হইতে হয়,—সে ভার স্ত্রীলোকেরই বহনীয়। স্ত্রীলোকদিগকে গৃহের কোথায় কি থাকে না থাকে, কোন্ স্থানে কোন্ জিনিসটি থাকিলে সুরক্ষা হয় না হয়, কোন্টির পর কোন্ গৃহ-কার্যটি কর্তব্য ইত্যাদি বিষয়ে বিশেষ নজর রাখিতে হয়। নতুবা যে কেবল পরিবারের অগ্ৰাণ্ণেরই কষ্ট হয়, তাহা নহে, তাঁহাদের নিজেদেরও অনেক অসুবিধা ভোগ করিতে হইয়া থাকে। কোথায় কি রাখিয়াছেন স্মরণ নাই—হয় ত স্বপ্ন-স্বাশুড়ী একটি জিনিস চাহিয়া হায়রাণ হইতেছেন, এ অবস্থায় তাঁহাদের ভাগ্যে তর্জন গর্জন ও কটুবাক্যের ব্যবস্থা হইতে পারে। স্বপ্ন-স্বাশুড়ী পূজায় বসিয়াছেন, আগে ফুলের ডালাটি সাজাইয়া পূজোপ-

চার গুলি সামনে রাখিয়া দিলে চলে, কিন্তু বধু হয় ত আগে উহা না করিয়া, পূজা হইলে ঋগুর-খাণ্ডৌ কি আহার করিবেন তাহার ব্যবস্থা করিতে বসিয়াছেন। এই অবস্থায় এই সামান্য অগ্রপশ্চাৎ বিবেচনার অভাবে তাঁহার ভাগ্যে বিড়ম্বনা ঘটিতেছে। জিনিসপত্র ঘরে জড় করিয়া রাখিয়াছেন। যেটা নিত্য দরকার সেটা হয় ত কত শত অপ্রয়োজনীয় সামগ্রীর নীচে চাপা পড়িয়া আছে। যখন দরকার পড়িল, তখন হয় ত গলদঘর্ষণ হইয়াও তাহা খুলিতে পারিতেছেন না—এমন অবস্থায় কত সময় ব্যথা নষ্ট হইতেছে। বিশৃঙ্খলায় এইরূপ আরও কত কি ঘটে।

সুতরাং সর্বপ্রথম এই উচ্ছৃঙ্খল ভাবটিকে বর্জন করিবে। গৃহের দণ্ডা তথায় কোন জিনিস ফেলিয়া রাখিবে না, যেটা যেখানে যেরূপ রাখিলে আবশ্যক মাত্রেই পাওয়া গাইতে পারে সেটাকে সেই ভাবে তথায় সাজাইয়া রাখিবে। যেটির আবশ্যক যত বেশী সেটা তত সহজ-লভ্য স্থানে রাখিবে। যেটির আবশ্যক যত কম, সেইটা তত দূরে রাখিবে। জিনিসগুলি এরূপ ভাবে সাজাইবে, যেন একটা জিনিসের নাম বলিবা মাত্রই উহা কোথায় আছে মনে পড়ে। নিজের বেশভূষাদি সম্পর্কেও এইরূপ বিধান করিবে। যে যে স্থানে যেরূপ ভাবে যেটি পরিলে সুন্দর দেখায়, সেটা সেই ভাবে পরিবে। গৃহকার্য্য যেটা যখন দরকার সেইটা তখন করিবে ; বর্তমান কর্তব্য ফেলিয়া ভবিষ্যতের জ্ঞাত ব্যগ্র হইবে না :

## কুলনক্ষত্রী

আলস্তবশতঃ কার্য্য স্থগিত রাখিয়া পরে অতীত কার্য্যের অত্র আশু কর্তব্যকে অবহেলা করিবে না। কথা সংযত ও শৃঙ্খলাবদ্ধ ভাবে কহিবে—যেন তোমার বক্তব্য বিষয় এবং সেই সম্বন্ধীয় যুক্তি তর্ক সকলেই বুঝিতে পারে; এ কথার মধ্যে অত্র কথা আনিয়া, এক কথার যুক্তিতে অত্র কথার যুক্তি প্রয়োগ করিয়া সকল গোল-মাল করিয়া ফেলিও না। প্রত্যেক কথা উদ্দেশ্যের প্রতি দৃঢ় লক্ষ্য রাখিয়া শাস্তিশিষ্ট ভাবে আস্তে আস্তে কহিবে। এইরূপ করিলে কথার শৃঙ্খলা কখনই নষ্ট হইবে না। যেখানে সেখানে উপবেশন করা, যেখানে সেখানে জিনিসপত্র ফেলা—এইগুলি পরিত্যাগ করিবে। এইগুলি উচ্ছৃঙ্খলতার আকর।



এইবার জীলোকের সৰ্বাপেক্ষা কদম্বা দোষের কথায় আসিয়াছি। মনে মনে যতই বিষ পোষণ কর, যতদিন পর্য্যন্ত সেই বিষের চিহ্ন বাহিরে প্রকাশিত না হইবে, ততদিন পর্য্যন্ত লোকের প্রিয় থাকিতে পারিবে। মনে বিষ পোষণ করিয়া বাহিরে শাস্তিশিষ্ট থাকিবে। যদিও কিছু নয়, তথাপি উহাতেও একটা সুবিধা আছে। পলাশ ফুলের গন্ধ নাই, এজন্য উহাদের আদর অত্যাশ্চর্য্য সুগন্ধি পুষ্পাপেক্ষা হীন; কিন্তু তাই বলিয়া যে ফুলের গন্ধও নাই, রূপও নাই, তদপেক্ষা ইহার মর্যাদা অল্প নহে। যে ফুলের রূপও নাই, সে ফুল অপেক্ষা সুন্দর পলাশ ফুলের আদর অবশ্যই অধিক। সেইরূপ যাহার ভিতরে ও বাহিরে উভয় দিকেই বিষ, তাহার চেয়ে, যাহার মাত্র ভিতর বিষে কলঙ্কিত তাহার আদরও একটু বেশী। সুতরাং মনে রাগ, অভিমান, ঘৃণা, ঘেৰ থাকিলেও বাহিরে কদাচ উহা প্রকাশ করিয়া কলহের হৃদয়পাত করিও না। রাগ, অভিমান, ঘৃণা ও ঘেৰে ভিতর কলঙ্কিত হয়, কলহে বাহির কলঙ্কিত হয়। ভিতরের কলঙ্কমোচন সৰ্ব্বপ্রধান কর্তব্য, কেন না তাহাতে ইহকাল ও পরকালের অন্ত আত্মার উন্নতি হয়। বাহিরের কলঙ্ক-মোচনও

## কুললক্ষ্মী

শ্রেষ্ঠ কর্তব্যের মধ্যে গণ্য, কারণ তাহাতে পরকালের বিশেষ ক্ষতিবৃদ্ধি না হউক অন্ততঃ ইহকালের মঙ্গল সাধিত হইয়া থাকে।

মুখরা ও কলহপ্রিয় রমণীকে কেহ ভালবাসে না। অনেক স্ত্রীলোক কলহ দ্বারা নিজের দোষস্থালন ও প্রাধান্য স্থাপন করিতে চাহেন, কিন্তু তাহাতে তাঁহার উদ্দেশ্য বিন্দুমাত্রও সিদ্ধ হয় না, বরং ফল ঠিক বিপরীত ঘটে। নিজের যে দোষস্থালনের জন্ত তাঁহারা কলহের সূত্রপাত করেন, সে দোষ তাঁহাদের চরিত্রকে যত না কলঙ্কিত করে, তাঁহাদের কলহপ্রিয়তার পরিচয় পাইয়া জন সমাজ তাঁহাদিগকে তদপেক্ষা অধিক নিকৃষ্ট বলিয়া ধরিয়া লন। সুতরাং কলহ করিয়া নিজের নির্দোষিতা বা প্রাধান্য স্থাপিত করিয়া লোকের প্রীতি আকর্ষণ করিব—ইহার মত হাস্যকর ভ্রম আর নাই। শাস্তিশিষ্ট ভাবে লোকের সহিত সদ্ভাব রাখিয়া চলিলে, শত্রুও সে রমণীকে প্রশংসা করিতে বাধ্য; কিন্তু বিশিষ্ট-ভাবে কলহ করিয়া হুর্নির্নীত ভাবের পরিচয় দিলে, তাহাতে প্রিয়জনও মুগ্ধ হয় না। এমন কি, অনেক সময়, যাহার জন্ত কলহ করিতেছে, সেও তোমাকে ঘৃণা করিতে চাহে। এজন্ত দেখিয়াছি, অনেক পতিগতপ্রাণা রমণী অনেক সময় পতির জন্ত অপরের সঙ্গে প্রাণপণ কলহ করিয়াও পতির মনোরঞ্জন করিতে অসমর্থ হন। পতি হয় ত বুঝিতে পারেন যে, তাঁহার স্ত্রী তাঁহার অত্যধিক পক্ষপাতিনী বলিয়াই তাঁহার জন্ত দশজনের সহিত

বিবাদের সূত্রপাত করিতেছেন, কিন্তু তবু মুখরা বলিয়া তাঁহার চক্ষে, তাঁহার রমণীয়তা দূর হইয়া যায়। পতি পত্নীর পতিভক্তি বুঝিতে পারিতেছেন, কিন্তু তথাপি তাহাকে মুখরা বলিয়া মনের সহিত আদর করিতে পারিতেছেন না, বুঝিয়া দেখ, সে কি বিড়ম্বনা।

কলহে যে এইরূপ কেবল নিজের অন্তঃবিধাই ঘটয়া থাকে, তাহা নহে। কলহে সমস্ত পরিবারে অশান্তি ঘটে। যে পরিবারের 'গৃহিণীটি কলহপ্রিয়া, সে পরিবারে কাহারও শান্তি নাই। পতি, পুত্র, দাসদাসী সকলেই এই একটি কারণে সর্বদা অন্তঃবিধা ভোগ করে।

আমাদের দেশে লোকে কথায় বলে “বোবার শত্রু নাই”—কথাটার বিশেষ মূল্য আছে। কলহপ্রিয়া রমণীগণ সর্বদা এই কথাটি স্মরণ রাখিলে ইহার সত্যতা অনুভব করিতে পারিবেন। যদি পরিবারের শান্তিরক্ষার ইচ্ছা থাকে, যদি পতি, পুত্র, দাসদাসী, আত্মীয় কুটুম্ব সকলকে সুখী করিয়া কুললক্ষ্মী বলিয়া পরিচিতা হইতে চান, তবে ত্রি কথাটি সর্বক্ষণ মনে রাখিবেন।

## পরিনন্দা—হিংসা-দোষ

আমাদের দেশের জীলোকদিগের মধ্যে অনেকেরই পরিনন্দা করার একটা রোগ আছে। প্রায়ই দেখা যায়, পাঁচজন জীলোক একস্থলে মিলিত হইলেই—পাড়ার দশজনের সমালোচনা করিতে বসেন। সে সমালোচনা অনেক সময়ই একদিক্‌গামী হয়। সে সকল স্থলে লোকের প্রশংসাবাদের কথা বড় একটা স্থান পায় না ; কে কোথায় কি দোষ করিয়াছে, কি নিন্দার কাজ করিয়াছে, তাহাই শতমুখে ব্যাখ্যাত হয়। রামার মা কোথায় কাহার সহিত একটু জোরে কথা কহিয়াছে, শ্রামার মার কোন্ দিকে কোন্ স্থানে একটু ঘোমটা উড়িয়া গিয়াছিল, বিধুর বৌদিদি সেদিন পাকের সময় কোন্ ব্যঞ্জনে একবারের পরিবর্তে ভুলে ছইবার নুন দিয়া ফেলিয়াছিলেন, এই সকল কথারই অতি তীব্র বর্ণনা হয়। এ সকল জীলোকদিগের উচ্চ অন্তঃকরণের লক্ষণ নহে। লোকের খুঁত ধরার অভ্যাস যত পরিত্যাগ করা যায় ততই ভাল। যদি নিজে উচ্চ হইতে চাও, তবে অতের উচ্চ গুণগ্রামের প্রতি কেবল লক্ষ্য রাখিবে—অপরের দোষের দিকে তত নজর করিবে না। যদি বুঝিতে পার, তোমার বারা অপরের সেই দোষ কোন প্রকারে সংশোধিত হইতে পারে, তবে সৰ্ব্বপ্রযত্নে তাহা করিবে,

কিন্তু সে জন্তু নিজে কিছু বাহাদুরী লইবে না, বা বাহাদুরের দোষ সংশোধন করিতেছ, তাহাদের ঘৃণা বা নিন্দাবাদ করিবে না। জগৎকে সর্বদা স্নেহের চক্ষে ও ভালরূপে দেখিবে। তবেই নিজে ভাল হইতে পারিবে।

এ জগৎ সম্পূর্ণই এক ঈশ্বরের সৃষ্টি। তাঁহার সৃষ্টির কিছুতেই অপ্রীতি করিতে নাই। হিংসা-দ্বেষ না থাকাই শ্রেষ্ঠ অস্ত্রের লক্ষণ। পরনিন্দা হিংসা-দ্বেষ হইতেই আসে। সুতরাং প্রকৃত আদর্শ নারী হইতে হইলে সকলকেই ভালবাসিতে শিখিবে।



## অভিমান ও অহঙ্কার

অভিমান নানা প্রকার। পিতা মাতার প্রতি অভিমান, স্বামীর প্রতি অভিমান, আত্মসম্মান রক্ষার্থ অপরাপরের প্রতি অভিমান।

বিশেষ ঘনিষ্ঠ আত্মীয়-স্বজনের প্রতি যে অভিমান, তাহাতে বিশেষ কিছু আসে যায় না। আজ কালের নব্যা স্ত্রীগণ স্বামীর প্রতি কথায় কথায় অভিমান করেন। কিন্তু সে অভিমান হৃদয়-স্থিত গভীর ভালবাসার একটা রূপান্তর মাত্র। যেখানে প্রেমের ঘনিষ্ঠতা, সেখানে তেমন অভিমানের পূর্ণ অধিকার; কিন্তু সেই অভিমানকে খুব সতর্কতার সহিত প্রশ্রয় দিতে হইবে। একটু পরিমাণের বৈলক্ষণ্য জন্মিল তো এই অভিমান হইতেই সর্বনাশ ঘটিল! ‘কৃষ্ণকান্তের উইলে’র ভ্রমরের কথা মনে পড়ে? সেও এই অভিমান হইতেই বিনষ্ট হইয়াছিল। সুতরাং অভিমান ত্যাগ করিতে পারিলেই ভাল। পূর্বকালের রমণীদিগের অত অভিমানের প্রতি আসক্তি ছিল না—কিন্তু তবুও তাঁহাদের ভালবাসা, প্রেম কত গাঢ় ছিল। আজকালের স্ত্রীলোকেরা হয় ত অভিমানের উপর অভিমানের পালা গাইয়াও আর তেমন প্রেমের আসর জমাইতে পারিবেন না! এমন অভিমানে লাভ কি?

এই প্রকার প্রেমের অভিমানই যদি সর্বথা নিরাপদ না হইয়া থাকে, তবে অত্যাচার প্রতি অভিমান কখনই নিরাপদ নহে। অভিমান হইতে স্বতঃই অহঙ্কার জন্মে। “কি! আমাকে এরূপ অবজ্ঞা করিল, একটু বিবেচনা হইল না।” এই কথা হইতে আসে—“কেন আমিই বা এমন কি হীন, আমিই বা কুম কি?” ক্রমে এই ভাবটা আরও জমাট বাঁধিয়া আত্মস্তরিতার পর্য্যবসিত হয়। তখন জ্বীলোকের সকল সৌন্দর্য্য নষ্ট হইয়া যায়।

জ্বীলোকের অহঙ্কারে পরিবার নষ্ট হয়, নিজের কোমলতা ক্ষীণ হয়,—অত্যাচার নানা সর্বনাশও ঘটে। হিন্দু স্ত্রী মূর্ত্তিমতী ত্যাগস্বরূপা। আদর্শ হিন্দুরমণীগণ আপনাদিগকে সর্বদাই পরার্থে উৎসর্গিত মনে করেন। এমনতাবস্থায় অহঙ্কারের সঞ্চার হইলে, তাঁহাদের সেই ত্যাগস্পৃহা আর থাকে না। বস্তুতঃ অহঙ্কারের অভাবেই ত্যাগের সৃষ্টি। সুতরাং প্রকৃত সাধবী নারী হইতে বাসনা থাকিলে, অহঙ্কার এবং অহঙ্কারের মূল এই অভিমানের হাত হইতে নিজেকে সর্বপ্রযত্নে রক্ষা করিয়া চলিবে।

## স্বাস্থ্যের প্রতি অমনোযোগিতা

বঙ্গদেশের নারীদিগের স্বাস্থ্যরক্ষার প্রতি যতটা অমনোযোগিতা, তেমন আর অপর কোন দেশের নারীদের নয়। একে তো বিলাসিতার স্রোতে তাঁহারা দিন দিন কুড়ে হইয়া পড়িতেছেন, তাহাতে যদি আবার স্বাস্থ্যরক্ষার প্রতি দৃষ্টি না থাকে, তবে কি করিয়া তাঁহারা অস্তিত্ব রক্ষা করিবেন? এই জগত্ই আজকাল আমাদের দেশটা স্মৃতিকা ও হিষ্টিরিয়া প্রভৃতি কদর্য রোগে উচ্ছন্ন যাইতে বসিয়াছে। এখন হইতে যদি ইহার প্রতি কারের উপায় না হয়, তবে কয়েক বৎসর পরে যে আমাদের দেশের নারীদের অবস্থা অতি শোচনীয় হইবে, তাহাতে আর বিন্দুমাত্র সংশয় নাই।

পূর্বে আমাদের দেশে বিধবার সংখ্যা বেশী ছিল; কিন্তু ইদানীং বিপত্রীকের সংখ্যা ক্রমশঃ বৃদ্ধি দেখা যাইতেছে। স্মৃতিকা রোগে প্রতি বৎসর যে অসংখ্য রমণী প্রাণত্যাগ করিতেছে, এ তাহারই প্রমাণ। আজকাল বৃদ্ধা ও প্রাচীনা অপেক্ষা যুবতীদের মৃত্যুসংখ্যা অধিক।

এই ভয়ঙ্কর অবস্থার প্রতিকার-কল্পে তোমরা সকলেই সর্বদা নিজ নিজ স্বাস্থ্যের প্রতি বিশেষ দৃষ্টি রাখিবে। লজ্জা করিয়া বা ভুচ্ছ তাচ্ছিল্য করিয়া—সামান্য অসুখের কথা গোপন রাখা তোমাদের একটা প্রধান দোষ ; তোমরা মনে কর—এই উপায়ে তোমরা সংসারের অধিক কাজ কবিতে পারিবে ; কিন্তু ইহা প্রকাণ্ড ভুল। কত দুর্ভাগ্য রমণী স্বামীর সংসারের কাজের ক্ষতি হইবে বলিয়া ক্ষুদ্র ক্ষুদ্র অসুখ গোপন করিতে ঘাইয়া সাংঘাতিক রোগে পড়িয়াছেন এবং আর সে রোগশয্যা হইতে উঠেন নাই। ইহাতে তাঁহাদের সংসার দুই দিন পরে একেবারেই নষ্ট হইয়া গিয়াছে। একদিন একটু বেগী কাজ কর্ম করিতে পারিব বলিয়া অসুখ গোপন করিয়া চিরকালের জ্ঞাত কাজকর্ম করিবার পথ বন্ধ করিয়া ফেলা কোন্ বুদ্ধিমতীর কার্য্য ? এই কথাটা বিবেচনা করিয়া স্বাস্থ্যের প্রতি মনোযোগ রাখিবে।

তোমার স্বামী, তোমার পুত্র, তোমার পরিবার—এই সকলের হিতার্থেই তোমার স্বাস্থ্যের প্রতি মনোযোগ করা দরকার। যে পতিপুত্রের জ্ঞাত তুমি সর্বস্ব ত্যাগ কবিতে পার, সেই পতিপুত্রের জ্ঞাত তোমার কি স্বাস্থ্যের প্রতি মনোযোগী হওয়া উচিত নহে ?

যা তা থাইবে না, যেমন তেমন ভাবে চলিবে না, যাহাতে সর্দিতে, গরমে বা কোনও রূপ কুখাদ্যাদিতে অনিষ্ট জন্মাইতে

## কুললক্ষ্মী

না পারে, সর্বদা সেইদিকে দৃষ্টি রাখিবে। সর্বদা পরিষ্কার পরিচ্ছন্ন থাকিবে। রান্নার পর সাবান দিয়া গা ধুইয়া ফেলিবে, অপরিষ্কার কাপড়গুলি সর্বদা পরিষ্কার করিয়া রাখিবে। লজ্জা করিয়া কুখ্যাত থাকিবে না, বা উপবাস করিবে না। কাহারও অনুরোধে পড়িয়া অতিরিক্ত ভোজনও করিবে না। রোগ হইবামাত্র তৎক্ষণাৎ স্বামী বা স্বস্তর ও স্বাস্ত্রীকে জানাইবে। কুড়ের মত বসিয়া থাকিবে না—সর্বদা পরিশ্রমসাধ্য কার্য করিবে। নিজের অমনোযোগিতার দরুণ অসময়ে জ্ঞান, অসময়ে আহার করিবে না। রোদ্র বৃষ্টি ও সন্ধি-গরমী হইতে দেহ রক্ষা করিবার জন্ত উপযুক্ত কাপড় পরিধান ও অশ্রান্ত সম্ভবপর উপায় অবলম্বন করিবে। গৃহে সর্বদা পরিষ্কার বায়ু যাহাতে চলাচল করিতে পারে, সে জন্ত চারিদিক্ আবর্জনারহিত ও পরিষ্কার করিয়া রাখিবে।

## রসিকতা ও বাচালতা

রসিকতা ও বাচালতায় একটু প্রভেদ আছে। বাচালতা না করিয়াও রসিকতা করা যায়—তেমন রসিকতা স্থান, কাল, পাত্র বিবেচনায় অগ্রায় নহে। আমাদের দেশে জীলোকদের ভগ্নিপতি, দেবর, ননদ প্রভৃতিকে লইয়া রসিকতা করার রীতি আছে। বিগুদ্ধ ও অক্ষতিকর হইলে সে রসিকতায় নিন্দার কথা কিছুই নাই।

বনবাসান্তে অবোধায় প্রত্যাবৃত্ত হইয়া রাম ও সীতাদেবী যখন রাজ্যভার গ্রহণ করেন, তখন একদিন লক্ষ্মণ তাঁহাদের সম্মুখে বিন্যস্ত করিয়া একখানি চিত্র প্রদর্শন করিতেছিলেন। চিত্রখানি মিথিলার—চারি ভ্রাতার পরিণয়-ব্যাপার-ঘটিত। লক্ষ্মণ একে একে সেই চিত্রের প্রত্যেক নরনারীর দিকে অঙ্গুলি সঞ্চালন করিয়া পরিচয় দিতেছিলেন, “এই দেখুন রঘুনাথ, এই আপনি উপবিষ্ট আছেন, এই দেখুন আপনার পার্শ্বে পূজ্যা জনকনন্দিনী উপবিষ্টা, ঐ খানে ঐ দেখুন, আর্য্য মাণ্ডবী, উহার পশ্চাতে দেখুন বধুমাতা শ্রুতকীর্ত্তি লজ্জাবনত-বদনে দাঁড়াইয়া আছেন।—” লক্ষ্মণ এইরূপে প্রত্যেকেরই পরিচয় দিতেছেন; কিন্তু একটা চিত্র কাহার, তাহা তিনি ব্যাখ্যা করেন নাই। জানকী সেই

## কুললক্ষী

চিহ্নটি কাহার জানিতেন—উহা স্বয়ং চিত্র প্রদর্শকের পত্নী উর্শ্বিলার। লজ্জাবশতঃ লক্ষ্মণ উহা পরিত্যাগ করিয়া গিয়াছে, বুকিতে পারিয়া সীতাদেবী কুটিল হস্ত সহকারে গম্ভীরভাবে জিজ্ঞাসা করিয়াছিলেন, “বৎস লক্ষ্মণ, এইটি কে বাছা—তাহা তো আমাদের বলিলে না।” লক্ষ্মণ দাদার সন্মুখে ভ্রাতৃবধূকে কেবলমাত্র একটী কৃত্রিম রোষপূর্ণ বক্র দৃষ্টিতে উত্তর দিয়াছিলেন। সীতা-দেবীর এই রসিকতাটুকু যেমন নিশ্চল, তেমনই মধুর। এইরূপ রসিকতায় সংসার সূত্থের হইয়া উঠে—দুঃখের হয় না, আমরা এরূপ রসিকতাকে নিন্দনীয় বলিতে চাই না। আমাদের বক্তব্য এই যে, রসিকতাকে বাচালতায় পরিণত করিও না। বাচালতা জীলোকের পক্ষে ভারি অশোভন। অর্থ-শূন্য, উদ্দেশ্য-শূন্য বুধা বহু কথা বলাকে বাচালতা বলে। কাহাকেও ঠাট্টা বিক্রপ করিতে যাইয়া যদি পরিমাণের বাহিরে পদার্পণ কর, তবেই বাচাল বলিয়া গণ্য হইবে। ঠাট্টা বিক্রপ বা রসিকতা করার সময় পরিমাণবোধ রাখিবে। এতদ্ব্যতীত অত্যাচার সময়েও কথা বলিবার সময় হিসাব করিবে, তোমার এই বাক্যগুলির কোন প্রয়োজন আছে কি না ; যদি না থাকে, তবে উহাদিগকে বাহুল্য বোধে পরিত্যাগ করিবে।

কেহ কেহ বলিতে পারেন, যদি উদ্দেশ্যশূন্য কথা মাত্রই বাচালতা ও পরিত্যাজ্য, তবে তো আমোদ-প্রমোদ বা জীড়া

কৌতুক করা চলে না। কিন্তু কথাটা সেরূপ নহে। আমাদের শারীরিক ও মানসিক ক্ষুতি রক্ষার্থ ক্রীড়া-কৌতুক বা আমোদ-প্রমোদেরও প্রয়োজনীয়তা আছে। সুতরাং তৎপ্রসঙ্গে বাক্য-দির বহু বা উচ্ছ্বল ব্যবহার উদ্দেশ্যহীন নহে। কিন্তু তাহারও একটা সীমা থাকা কর্তব্য। কারণ, সকল সময়েই আমোদ-প্রমোদেব দোহাই দিয়া বাক্যব্যয় করিলে চলিবে না। যতটুকু আমোদ-প্রমোদ প্রয়োজনীয়, ততটুকু বাক্যের স্বাধীনতাই প্রাপ্তব্য, তদতিরিক্ত নহে—তদতিরিক্ত হইলেই উহা বাচালতা সংজ্ঞা প্রাপ্ত হইবে।



## সহিষ্ণুতা

অসহিষ্ণুতা যে ভাল নহে, তাহা পূর্বেও বলা হইয়াছে।  
স্ত্রী-পুরুষ উভয়ের পক্ষেই এই দোষটি অনিষ্টকর। কিন্তু স্ত্রীলোকের  
পক্ষে ইহা অতি ভয়াবহ।

অসহিষ্ণুতায় স্ত্রীলোকেরা এমন অনিষ্ট নাই যাহা করিতে  
না পারেন। তাঁহাদের মধ্যে যিনি যত অসহিষ্ণু, তিনি তত  
দুর্ভাগ্যবতী।

সকল প্রকার দুঃখ-কষ্ট ও বিপদ-আপদ সহ্য করিয়া সংসারকে  
মধুময় করিয়া তোলাই স্ত্রী-জীবনের কর্তব্য। এমনতাবস্থায়  
সহিষ্ণুতা না থাকিলে তাঁহাদের সকলই বৃথা হইবে।

সীতাদেবী সংসারে আসিয়া কি দুঃখই না সহ্য করিয়াছেন,  
দুঃখে দুঃখে তাঁহার সারাটি জীবন গেল, কিন্তু তবু তিনি সহিষ্ণু-  
তার সীমা অতিক্রম করিলেন না। আজীবন দুঃখ-কষ্টের পব  
শেষকালে তিনি যখন একটু সুখের মুখ দেখিতেছিলেন, তখনও  
যখন লক্ষ্মণ তাঁহাকে বনে ফেলিয়া আসিলেন, তখনও তিনি ধৈর্য্যের  
বাধ ছিঁড়েন নাই, ক্রুদ্ধ হইয়া কাহাকেও একটী ক্লষ্ণ কথা কহেন  
নাই, অপূর্ণ সহিষ্ণুতার সহিত ধৈর্য্য ধরিয়া রহিয়াছেন। এই  
সীতাকে তোমাদের আদর্শ করিবে।

সাবিত্রীও কি পর্যাস্ত সহিষ্ণুতা দেখাইয়াছিলেন দেখ। স্বামী এক বৎসর পরে মরিবেন, ইহা ভূনিয়াও তিনি তাঁহাকে বিবাহ করিলেন, বিবাহ করিয়া এক বৎসর পর্যাস্ত এই গুরুভার মনে লইয়া স্থির রহিলেন, পাছে বা এই কথা বাহির হইয়া গেলে স্বশুর-স্বাণ্ডী বা পতির মনে কষ্ট উপস্থিত হয়, এই ভয়ে কাহাকেও কিছু জ্ঞানিতে দিলেন না। তিনি একরূপ ভাবে চলিলেন যে, তাঁহাকে দেখিয়া কাহারও কিছু সন্দেহও হইল না। শেষদিন পর্যাস্ত তিনি এইরূপ ধৈর্য্য ধরিয়া রহিলেন। পতিবিয়োগের পূর্কক্ষণে, এমন কি পরেও, তিনি আত্মহারা হন নাই, স্থির ধীরভাবে কর্তব্য করিয়া গিয়াছেন, লক্ষ্য ঠিক রাখিয়া যমকে পর্যাস্ত পরাজিত করিয়া স্বামীকে পুনর্জীবিত করিয়াছেন—এ সহিষ্ণুতার ফল দেখিলে কি ?

এইরূপ চিন্তা, দময়ন্তী, দ্রৌপদী, শৈব্যা প্রভৃতি যাহার দিকে চাও, দেখিবে যে, এই সহিষ্ণুতার জগ্গই তাঁহারা নানা অদ্ভুত অদ্ভুত কার্য্য করিয়া যশস্বিনী ও প্রাতঃস্মরণীয়া হইয়া যাইতে পারিয়াছেন। সুতরাং এই সহিষ্ণুতাকে পরিত্যাগ করিলে নারীজাতির চলে না।

হুঃখ আসুক, কষ্ট আসুক, সকলই অগ্নান-বদনে সহ্য করিবে—কখনও ইহাতে অভিভূত হইয়া পড়িবে না, বা এ জগ্গ বুদ্ধি হারাইয়া কর্তব্য বিস্মৃত হইবে না ; স্বামী স্বশুর-স্বাণ্ডী বা অন্য পরিজনের নিকট হইতে সন্ধ্যাবহার না পাইলেও ক্ষুধা হইবে না। মনে

## কুলসঙ্গী

করিবে, তুমি সহিতেই আসিয়াছ—সহিয়া যাওয়াই তোমার কর্তব্য। এই কর্তব্য পালন করিলে ঈশ্বর তোমার এই কষ্ট রাখিবেন না ; কিন্তু যদি ধৈর্য্য হারাইয়া এই কর্তব্যকে অবাহেলা কর, তবে তোমার বিপদ আরও বর্দ্ধিত হইবে।

# অপব্যয়

বা

## অমিতব্যয়

সংসার রক্ষার জন্য স্ত্রীলোকেরা সর্বদা মিতব্যয়িতা অবলম্বন করিবে। কেবল টাকা পয়সা হিসাব করিয়া ব্যয় করা নহে, জ্বরের জ্বিনিস পত্রও যতদূর সম্ভব হিসাবপূর্বক ব্যবহার করিবে।

পুরুষেরা উপার্জন করেন, উপার্জন করিয়া—স্ত্রীলোকের নিকট সেই অর্থ আনিয়া দেন। স্ত্রীলোকেরাই ব্যয়ের ফর্দ করেন। তাহারা যদি মিতব্যয়ী না হন, তবে পুরুষেরা অর্থ উপার্জন করিয়াও সংসার রক্ষা করিতে পারেন না। এজন্য স্ত্রীলোকেরা বিশেষ বিবেচনার সহিত অর্থ ব্যয় করিবে। যাহার ধেরূপ আয়, তিনি সেইরূপ ব্যয় করিবে। অনাবশ্যক একটা পয়সাও ব্যয় করিবে না।


প্রতিমাসে যাহা উপার্জন হইবে, তাহার এক-তৃতীয়াংশ বা এক-চতুর্থ সঞ্চিত করিয়া রাখিবে। কোন আকস্মিক বিপদাপদ ঘটিলে ঐ অর্থের প্রয়োজন হইতে পারে। বাকি অর্থ হিসাব

কুললক্ষ্মী


করিয়া—প্রতিদিনে খরচ করিবেন। উহা হইতেও কিছু রক্ষা করিতে হইবে, এইরূপ সঙ্কল্প করিয়া ব্যয় করিতে আরম্ভ করিবেন। কারণ, একরূপ না করিলে, নির্দিষ্ট অর্থে সব সময় কুলাইয়া উঠা যায় না। কখনও কখনও পূর্ব অনির্দিষ্ট কারণে কিছু কিছু বেশী পড়িয়া যায়। কিছু হাতে রাখিলে, উহা দ্বারা সেই বেশী ব্যয়টুকু সঙ্কলন হয়।

একরূপ না করিয়া অমিত-পরিমাণে ব্যয় করিলে বা অপব্যয় করিলে শত সহস্র মুদ্রা মাসিক আয়েও অভাব দূর হয় না।





कुलकर्णी



স্বামী-স্ত্রীর সম্বন্ধ যে অতি গুরুতর, তাহা হিন্দু মননাদিগকে প্রায় বলিয়া দিতে হয় না। তাঁহাদের অস্থিতে অস্থিতে, মজ্জায় মজ্জায় পতিভক্তির বীজ লুকায়িত থাকে। কিন্তু শিক্ষার অভাবে অনেক সময় এই বীজগুলি সম্যক অঙ্কুরিত হইতে পারে না। তাহাতেই অনেক সময়, পতিপত্নীর সম্বন্ধ যে কতটা গুরুতর, তাহা সকল জ্ঞীলোক বুঝিয়া উঠিতে পারেন না। রামায়ণে আছে—

“ন পিতা নাত্নজো নাত্মা ন মাতা ন সখীজনঃ ।

ইহ প্রেতা চ নারীগাং পতিরেকো গতিঃ সদা ॥”

অর্থাৎ, পিতা, পুত্র, নিজ আত্মা, মাতা ও সখীজন প্রভৃতি থাকিলেও নারীর পতিই একমাত্র গতি। বাস্তবিক হিন্দু মননের নিকট পতির মত প্রিয় সামগ্রী আর কিছুই নাই। পতি তাঁহাদের আত্মা, পতি তাঁহাদের মন, পতি তাঁহাদের দেহ, পতি তাঁহাদের সর্বস্ব। কেবল ইহাই নহে, পতির মূল্য তাঁহাদের নিকট আরও উচ্চ, পতিই তাঁহাদের একমাত্র— গুরু ও দেবতা।

“পতির্হি দেবতা নারীয়াঃ পতিবন্ধুঃ পতিভক্তঃ ।”

( রামায়ণ )



## কলনক্ষ্মী

হিন্দুশাস্ত্রে লিখিত আছে যে, যদি কোনও পত্নী তেত্রিশ কোটি দেবতার সকলকে উপেক্ষা করিয়াও কায়মনোবাক্যে পতির সেবা করে, তবু তাহার সদগতি হয় ; আবার পক্ষান্তরে পতিকে অবহেলা করিয়া সকল দেবতাকে সেবা করিলেও নারী-দিগের উদ্ধার নাই। ইহা হইতেই তোমরা বুঝিতে পারিবে— জীব নিকট স্বামী কি বস্তু !

হিন্দুশাস্ত্র আরও বলেন, স্ত্রীলোকের আলাহিদা ব্রত নাই, যজ্ঞ নাই, পতি-সেবাই তাহাদের একমাত্র ব্রত। যে স্ত্রী এই পতি-সেবা-ব্রত বা যজ্ঞ উপেক্ষা করিয়া অপর যজ্ঞের জ্ঞান বাস্তব হন, তিনি নরক-গামিনী হন।

যেহলে এইরূপ গুরুতর সম্বন্ধ, সেহলে স্বামী-স্ত্রী পরস্পরেব প্রতি কিরূপ আচরণ করিবেন, তাহা বিশেষ আলোচনার জিনিস।

প্রথমেই স্বামি-গৃহে প্রবেশ করিয়া হিন্দুবালিকাগণ স্বামীর প্রতি কি আচরণ করে দেখ।

হিন্দু-সমাজের অটুট বিবাহ-বন্ধনের নানা গভীর উৎসবের মধ্যে পিতা যখন কন্যার হস্তখানি তুলিয়া লইয়া স্বামীর হস্তে একত্রিত করিয়া দেন, তখন সেই সরলা বালিকার হৃদয়ে কি একটা বিদ্ভাৎ সম্বোধনে খেলিয়া যায়। তখনকার সেই গভীর ভাব, সেই পুরোহিতোচ্চারিত মন্ত্রগুলির বিগুহ ও পবিত্র উক্তি

এক সঙ্গে মিশ্রিত হইয়া তাহাকে তখন কি বিহ্বলই করিয়া তোলে! কতকটা সেই বিহ্বলতার জন্তে, কতকটা বা ভাব্য হর্ষোধ্যাতার গতিকে তখন তিনি সেই মন্ত্রগুলির সম্যক ভাব গ্রহণ করিতে সমর্থ হন না। যদি হইতেন তবে বুঝিতেন যে, সেই দিন সেই অপরিচিত পট্টবস্ত্রমণ্ডিত পুরুষটির সহিত তিনি যে গুরুতর সম্বন্ধে আবদ্ধ হইতেছেন, তাহার খংস ইহলোকে তো নাই-ই, পরলোকেও বোধ হয় নাই।

“যদিদং হৃদয়ং মম তদন্তু হৃদয়ং তব।”

ঠাহারা সেই দিন এই মন্ত্র উচ্চারণ করিয়া পরস্পর পরস্পরকে ইহকাল পরকালের জন্ত যার যার হৃদয়ে বরণ করেন। কিন্তু, হায়, কয়টি রমণী এই কথাগুলির সার মর্ম্ম হৃদয়ে গাঁথিয়া রাখিয়া ইহার পর হইতেই যথাযোগ্যরূপে স্বামীর সেবা করিতে অগ্রসর হন?

প্রায়ই হিন্দুসমাজে দেখা যায়, বিবাহের পরই কত পিতৃগৃহে যাইবার জন্ত ব্যাকুল হন, এজন্ত কান্না-কাটাও করেন। ইহা অতি লজ্জার কথা। স্ত্রীলোকের জীবনের প্রধান কর্ম্ম পতিসেবা ও পতিসম্পর্কীয় আত্মীয়দের সেবা-শুশ্রূষা। ঠাহারা যত অধিক এই সকল কর্তব্যকার্য্য সম্পন্ন করিতে পারেন, ততই ধন্য হন। বিবাহের পূর্বে ঠাহারা এ কর্ম্ম সাধনের সুযোগ প্রাপ্ত হন না—এজন্ত স্ত্রীলোকদিগের কুমারী জীবনটাকে একরূপ উদ্দেশ্যহীন

## কুললক্ষ্মী

বলা হইয়াছে। এরূপ অবস্থায়, বিবাহিত জীবনের সঙ্গে-সঙ্গেই তাঁহাদের কর্তব্যপালনের জ্ঞান প্রস্তুত হওয়া উচিত। বিবাহের পরই সুখভোগের জ্ঞান পিতৃগৃহে না যাইয়া পরম-যত্নে প্রাণপণ চেষ্টায় জীবনের শ্রেষ্ঠ কর্তব্য—পতিসেবার, জ্ঞান দেহ-মন অর্পণ করা কর্তব্য। যে স্ত্রী এইরূপ করিতে পারেন, দেবতা ও ভাগ্য-লক্ষ্মী তাঁহার উপর সন্তুষ্ট হন; যিনি আত্মসুখের জ্ঞান বা বুদ্ধির দোষে ইহার বিপরীত করেন, তাঁহার ইহকাল ও পরকাল উভয় লোকেই অধোগতি হয়। বিবাহের পরই স্ত্রীকে বাপের বাড়ীর প্রতি অধিক আকৃষ্ট দেখিলে এবং নিজের প্রতি উদাসীন লক্ষ্য করিলে অনেক স্বামী ক্ষেপিয়া যান, মনে মনে স্ত্রীকে অবাধা ও স্নেহভক্তিহীন বলিয়া অনাদর করেন। প্রথমেই স্বামীর মনে এইরূপ সংস্কার বদ্ধমূল হইতে দিলে, পরে আর অনেক চেষ্টায়ও তাঁহার সেই ভাবটাকে দূর করা যায় না। হয় ত উভয়ের মধ্যে ভালবাসা জন্মে, আদর জন্মে, সন্তান জন্মে, সবই হয়; কিন্তু তবুও কেমন একটু খটকা থাকিয়া যায়। সুতরাং বিবাহের পরই যথাসম্ভব ভাবে স্বামীর পরিচর্যায় মনোনিবেশ করিতে চেষ্টা করিবে। কিন্তু এই কার্যের ছল করিয়া নিলজ্জতাকে বরণ করিও না। প্রথমে আসিয়াই স্বামীকে একেবারে ঘেরিয়া বসিলে দশজনে হাসাহাসি, কাণাকাণি করিতে পারে—বাড়াবাড়ি করিয়া সেইরূপ নিন্দা উপার্জন করা কর্তব্য নহে। এস্থলে

সীতা ও সাবিত্রীর উদাহরণ তোমাদের নিকট উল্লেখ করিবার যোগ্য। বিবাহকার্যের পরই স্ত্রী কি ভাবে আপনাকে স্বামীর সঙ্গে এক করিয়া দেয় এবং সকল ছাড়িয়া স্বামীর পরিবারে একান্তভাবে ঢুকিয়া পড়ে, তাহা এই দুই আদর্শ আর্ঘ্য-নারীর চরিত্রে বিশেষ শিক্ষণীয়। সীতা বিবাহের পরই একবারে চিরকালের তরে স্বামি-গৃহবাসিনী হইলেন, আর কখনও জনক-শ্রীরে ফিরিয়া যান নাই। সাবিত্রীর অবস্থাও তাই-ই। সাবিত্রী রাজার কন্যা হইয়াও দরিদ্র প্রাণীকে বরণ করেন এবং বরণ করিয়াই চিবকালের অল্প ঠাঁহার সহিত স্বশ্রমালয়বাসিনী হন। এই সকল দেখিয়া আমাদের আজকালের বালিকারা পিতৃগৃহের অপরিমিত আকর্ষণ বিষ্মত হইতে চেষ্টা করুন—আবার ঘরে ঘরে সীতা সাবিত্রীর সৃষ্টি হউক।

সাবিত্রী স্বশ্রম-গৃহে আসিয়াই আর একটি যে কার্য করিয়াছিলেন, তাহা আমাদের বর্তমান শিক্ষিতা ললনাদের লক্ষ্য করা উচিত। সাবিত্রী স্বশ্রম-গৃহে আশ্রয় গ্রহণ করিয়াই পিতৃদত্ত আভরণগুলি একে একে খলিয়া রাখিয়া দেন। পিতা একটা রাজ্যের রাজা, পিতা আদর করিয়া কন্যাকে এই সকল অলঙ্কার দিয়া গিয়াছিলেন, স্বশ্রম-খাগুড়ীও বধুকে সেই সকল অলঙ্কারে ভূষিতা দেখিলে তৃপ্তিবোধ করিতেন, কিন্তু তথাপি সাবিত্রী সেই অলঙ্কারগুলি গায়ে রাখিতে পারিলেন না। ভাবিলেন, যাহার

## কুললক্ষ্মী

স্বামী বনবাসী, সন্ন্যাসী, তাহার এই রাজ-আভরণে দরকার কি ?  
হায়, এই অমূল্য কথাটা আমাদের কুললক্ষ্মীদের মধ্যে আজকাল  
কয় জনে চিন্তা করেন !

প্রায়ই দেখা যায়, আজকাল আমাদের বালিকারা আত্ম-  
সুখের জন্ত স্বামীকে ব্যতিব্যস্ত করিয়া তোলেন। স্বামীর  
অবস্থা যদি খারাপ হয়, আর নিজ পিত্রালয়ের অবস্থা যদি খুব  
ভাল হয়, তবে তো প্রায়ই দেখা যায়, সেই দরিদ্র স্বামীর গৃহে  
মন-বসানটাকে তাঁহারা ভারি একটা অসম্ভব কার্য বলিয়া মনে  
করেন। হয় ত প্রথম প্রথম তাঁহারা পিত্রালয়েই বৎসরের  
অধিকাংশ ভাগ কাটাইয়া দিবার জন্ত বাস্তব হন। তার পর,  
যদি বা স্বামিগৃহে থাকিতে বাধ্য হন, তথাপি তখন, তাঁহাদের  
জালায় স্বামী-বেচারীর প্রাণ ওষ্ঠাগত হইয়া উঠে। পিতৃধনাভি-  
মানিনী স্ত্রীর দাবী দাওয়া যোগাইতে যোগাইতে তাঁহার প্রাণান্ত  
উপস্থিত হয়। স্বামী হয় ত গুরুমুখে ঘম্মাক্ত-কলেবরে সারাদিন  
প্রাণপণ পরিশ্রম করিয়া পরিবারের ভরণপোষণার্থ ছু'টা পয়সা  
ধরে আনেন, আর তাঁহার স্ত্রী হয় ত পাড়ার দশজনের কাছে  
একটু গর্বিত হইবার জন্ত—একটু প্রাধাত্য দেখাইবার জন্ত,  
নিজেই তাহা সকল গ্রাস করিয়া বসেন। দরিদ্র স্বামী  
যে অর্থ অনাহারে অনিচ্ছায় সংগ্রহ কবেন, তিনি হয় ত সেই  
অর্থ অবলীলাক্রমে এসেঙ্গ বা পোষাকের উপর ব্যয় করেন—

ইহা অপেক্ষা আর নারীর অধঃপতন অধিক কি হইতে পারে ?

তোমরা সর্বপ্রযত্নে সর্বদা এই অভ্যাসটাকে দূর করিতে চেষ্টা করিবে। যদি কুললক্ষ্মী হইতে চাও, যদি প্রকৃত আদর্শ নারী হইবার আকাঙ্ক্ষা থাকে, তবে কখনও স্বার্থের জ্ঞাত পতিকে ভালবাসিও না। মানি, একেবারে স্বার্থশূন্যভাবে ভালবাসা মনুষ্যের মধ্যে সকলের সাধ্য নহে। সকলের কেন ? ছ'চার জনেরও সাধ্য কি না সন্দেহ ! এ অবস্থায় অন্ততঃ মহৎ স্বার্থের জ্ঞাত আপনার অকৃত্রিম ভালবাসা স্বামীর চরণে সঁপিয়া দাও। স্বামীকে ভালবাসিয়া যে সুখ—স্বামীর ভালবাসায়, আশীর্ব্বাদে যে শান্তি—শুধু সেই শান্তির, সেই সুখের বিনিময়ে আপনার সর্বস্ব স্বামীর চরণে বিসর্জন করিবে। যেখানে দেখিবে, তোমার ব্যবহারে স্বামীর এতটুকু কষ্ট, এতটুকু অশান্তি বা এতটুকু অমঙ্গল সংঘটিত হইতে পারে, প্রাণান্তেও সে ব্যবহার করিবে না। স্বামী যদি ইচ্ছাপূর্ব্বক তোমার উপর অসৎ ব্যবহারও করেন, তথাপি মনে রাখিবে, তিনি তোমার স্বামী ( অর্থাৎ সর্বময় প্রভু ), তুমি তাঁহার স্বামিনী নও। তিনি তোমার উপর যাহা ইচ্ছা তাহা করিতে পারেন, কিন্তু তোমার কেবল নীরবে তাঁহার সেবাশ্রদ্ধা করাই কর্তব্য। কেবল ইহাই নহে, কেবল নীরবে তাঁহার সেবাশ্রদ্ধা করিলেও হইবে না, স্বামীর সহস্র

## কুললক্ষ্মী

দোষসত্ত্বেও কখনও তাঁহার উপরে বিন্দুমাত্রও অপ্রসন্নভাব আনিবে না।

রামচন্দ্র চিরস্নেহশালিনী সীতাকে বিনা অপরাধে বনে দিয়া-  
ছিলেন। ভীষণ বনে একাকিনী অবলা নারী কি বিপদেই না  
পড়িয়াছিলেন, কিন্তু তথাপি সীতা এজ্ঞ রামের প্রতি এতটুকুও  
অভিমান বা এতটুকুও অপ্রসন্নভাব আনেন নাই, চক্ষুর জলে বন্দ  
সিক্ত করিয়া কেবলমাত্র আপন অদৃষ্টকেই দিক্কার দিয়াছেন, আব  
কহিয়াছেন -

পতির্হি দেবতা নার্যাঃ পতিবন্ধুঃ পতিঙ্গরুঃ ।

প্রাণৈরপি প্রিয়ং তস্মাস্তত্ত্বং কাৰ্য্যং বিশেষতঃ ।

পতিই নারীগণের দেবতা, পতিই নারীগণের বন্ধু, পতিই  
নারীগণের ঙ্গরু, এই পতির কাৰ্য্য আমার নিকটে প্রাণাপেক্ষাও  
প্রিয়।

তোমরা সর্বদা এই চিত্তখানি তোমাদের মনচ্চক্ষুর সম্মুখে  
ধরিয়া রাখিবে।

পতিসেবাই জীলোকের প্রধান ধর্ম—এ কথা বলিয়াছি। এখন  
কি প্রকারে এই পতিসেবা সুশৃঙ্খলরূপে ও অভ্যাসরূপে করা যায়,  
তাহা বিবেচ্য।

শুধু রন্ধনাদি করিয়া পতিকে ভোজন করাইলে বা অত্যাচ্ছ  
গৃহকর্মাদি করিয়া পতির কার্য্যে সহায়তা করিলেই পতিসেবার

চড়াস্ত হইবে না। সর্বদা দৃষ্টি করিবে—কি করিলে পতি সন্তুষ্ট থাকেন, পতি কি প্রকার ব্যবহার জীবন নিকট হইতে চাহেন।

এই দুইটা বিষয় পত্নীকে নিজ চেষ্টায় এবং নিজ বুদ্ধিতে বাহির করিয়া জানিতে হইবে। অনেক সময় হয় ত স্বামী পত্নীকে নিজের অভিক্রটির কথা সমস্ত ভাগিয়া বলিতে পারিলেন না, অনেক সময় হয় ত নিজের মনের ভাব বলিয়া স্ত্রীকে অসুবিধায় ফেলিতে স্বামী কিছু সঙ্কোচ বোধ করেন। সেরূপ স্থলে স্ত্রীর নিজ বুদ্ধিতে সকল কথা বুঝিয়া লইতে হইবে।

স্ত্রী কখনও স্বামীর অবস্থা হইতে নিজেকে উন্নত অবস্থায় প্রতিষ্ঠিত করিতে চাহিবেন না। তিনি সর্বদা স্বামীর সুখে সুখী, স্বামীর দুঃখে দুঃখী থাকিবেন। স্বামীর কচি, অভিপ্রায় এবং মানসিক অগাধ ভাবগুলির সঙ্গে স্ত্রীও আপন ভাবগুলি এক করিতে চেষ্টা করিবেন, কারণ স্বামী-স্ত্রী অভিন্ন-আত্মা। একজনের ভাব আর একজনের ভাব হইতে স্বতন্ত্র হইলে, উভয়ের হৃদয় এক হইতে পারে না। স্বামী যাহা ভাল দেখেন, স্ত্রীও তাহা ভাল দেখিতে চেষ্টা করিবেন, স্বামী যাহা ঘৃণা করেন, স্ত্রীও তাহা ঘৃণা করিতে শিখিবেন। স্বামীর মিত্রকে স্ত্রী মিত্র বলিয়া জ্ঞান করিবেন, স্বামীর শত্রুকে স্ত্রী শত্রু জ্ঞান করিবেন।

বড়ই দুঃখের বিষয়, আমাদের সমাজের মধ্যে একদল ছ' এক জন নারী মধ্যে মধ্যে দেখা যায়, যাহারা স্বামীর শত্রুর সঙ্গে বেশ



## কুললক্ষ্মী

আত্মীয়বৎ ব্যবহার করে। ইহা বড় বিসদৃশ। আপনার জ্ঞীকে আপনার শত্রুর পক্ষপাতিনী দেখিলে স্বামীর মনে কতখানি কষ্ট হয়! জ্ঞী যদি বুঝিতে পারেন যে, পতির সেই শত্রুব্যক্তি বাস্তবিক নির্দোষ, শুধু তাঁহার স্বামীর দোষেই তাহাদের মধ্যে এই শত্রুতা জন্মিয়াছে, তথাপি শত্রুর পক্ষাবলম্বন না করিয়া বিনয় নম্র বচনে গোপনে স্বামীর ভ্রম সংশোধিত করিতে বদ্ববতী হইবেন। আপনার পিতামাতাও যদি স্বামীর শত্রুতা করিতে অগ্রসর হন, তথাপি জ্ঞীলোকের এইরূপ সতর্কতা অবলম্বন কর্তব্য।

এই স্থলে একটি কথা উল্লেখ করা কর্তব্য। অনেক স্থলে দেখা যায়, মেয়েরা ধনী স্বামীর সংসার লুণ্ঠন করিয়া দরিদ্র পিতামাতাকে সাহায্য করিতে অস্থির। দরিদ্রকে সাহায্য কর— তাহাতে অধর্ম নাই, কিন্তু গোপনে স্বামীকে না জানাইয়া ওরূপ করিও না। তাহাতে স্বামীকে ছলনা করা হয় এবং তাঁহাকে সর্বশ্রেষ্ঠ আত্মীয়ের আসন হইতে নীচে নামাইয়া দেওয়া হয়। যিনি তোমার সর্বস্ব—প্রভু, খাঁহার আত্মা তোমার আত্মার সহিত এক, তাঁহাকে তুমি একটা কথাও কি প্রকারে গোপন করিতে পার? তোমার স্বামী কোনও প্রকারে এই কথা জানিতে পারিলে, তিনি তোমাকে তাঁহার বিশ্বাসের আসন হইতে চিরকালের জন্য নীচে নামাইয়া দিবেন—ইহাতে আর সন্দেহ নাই।

জ্ঞী সর্বদাই স্বামীর প্রদত্ত ভরণপোষণে সন্তুষ্ট থাকিবেন।

প্রকারান্তরে লভ্য হইলেও অত্র উৎকৃষ্ট ভরণপোষণের জন্য লাণা-  
মিত হইবেন না। পিতামাতার প্রদত্ত উৎকৃষ্ট রত্নালঙ্কার অপেক্ষা  
স্বামীর প্রদত্ত সামান্য উপহারেও অধিক গর্ব অনুভব করা  
তাহাদের উচিত।

কোন কোন স্ত্রী আছেন, তাঁহারা দরিদ্রের বধু হইয়াও  
রত্নালঙ্কারে সজ্জিত হইয়া থাকিতে উদ্গ্রীব! স্বামী হয় ত এক  
জোড়া ছেঁড়া জুতা, ছেঁড়া কাপড় দিয়া কোনও রূপে দিন  
গুজরাণ করিতেছেন, কিন্তু পত্নীর সে দিকে লক্ষ্য নাই, তিনি  
ফিট্‌ রাজরাণী সাজিয়া ধরাকে সরা জ্ঞান করিতেছেন। তখন  
তাঁহার সম্মুখে তাঁহার বেচারী স্বামীকে দেখিলে, তাঁহার সর্বময়  
প্রভু বলিয়া তাহাকে মনে না হইয়া, তাঁহার কোন দীনদরিদ্র  
ভৃত্য বলিয়া মনে হয়। যে সকল স্ত্রীলোকের এইরূপ আচার,  
তাহাদের মুখদর্শনও করিতে নাই।

স্বামী নিজ ক্ষমতায় কোনও রূপ ক্লেশ ভোগ না করিয়া  
'রত্নালঙ্কার দিতে পারেন, পর, ভোগ কর—তাহাতে আপত্তি  
নাই। স্বামীর দান অপেক্ষা স্ত্রীলোকের আর অধিক কি  
প্রার্থনীয় থাকিতে পারে? শাস্ত্রে আছে, “যাহার স্বামীর  
ভালবাসা আছে, তাহার সবই আছে, যাহার উহা নাই, তাহার  
কিছুই নাই।” এ কথা ঠিক সত্য। সেই ভালবাসার নিদর্শন  
অপেক্ষা প্রিয় সামগ্রীর ধারণা করা যায় না। কিন্তু তথাপি

## কুললক্ষ্মী

স্বামীকে দরিদ্রভাবাপন্ন রাখিয়া নিজের অকরাগ বর্দ্ধিত করিবে না। তাহাতে পতিভক্তির অভাব দৃষ্ট হয়। পতি তোমার দেবতা, সর্বময় প্রভু ; তাঁহার অপেক্ষা উচ্চভাবে চলিতে তোমার অধিকার নাই।

অনেক স্ত্রী এ স্থলে জিজ্ঞাসা করিতে পারেন যে, তাঁহাদের দুর্ভাগ্যবশতঃ তাঁহাদের স্বামী যদি নিজদোষে বিপথগামী হন, তাঁহাদের প্রতি অবস্থা অত্যাচার করেন এবং আপনার সর্বনাশ আপনি করেন, তবে কি প্রকারে তাঁহারা তেমন স্বামীর উপর ভক্তি, শ্রদ্ধা ও ভালবাসা রাখিবেন ? স্বামী যদি মত্তপায়ী হইয়া সর্বদাই স্ত্রীকে জ্বালাতন করেন, কুকার্য্যে রত হইয়া সকলেরই ঘৃণ্য হন, অধর্ম্মের রাজ্যে সর্বদা ডুবিয়া থাকেন, তবে সে স্বামীকে কি ভক্তিশ্রদ্ধা করা সম্ভব ? ইউরোপীয় মলনারা এ কথা জিজ্ঞাসা করিলে তাহাদের নীতিবিদেরা অবশ্য উত্তর করিতেন “কখনও না। তেমন স্বামীর মুখদর্শন কর্তব্য নয়—তাহাকে অচিরাতঃ পরিত্যাগ ( Divorce ) করিবে।” কিন্তু আমাদের শিক্ষা, দীক্ষা ও আদর্শ অন্তরূপ—সর্বোচ্চ। আমাদের আদর্শ মানুষ নহে, আমাদের আদর্শ দেবতা। আমরা বলি, “স্বামী সং হউক, অসং হউক, মূর্থ হউক, বিদ্বান্ হউক, স্তম্ভর হউক, কুৎসিত হউক, তিনি স্ত্রীর একমাত্র প্রভু ; স্ত্রী কি ইহকালে, কি পরকালে, কখনই সেই স্বামী হইতে বিচ্ছিন্ন হইতে চাহিবেন না।

তাঁহাকে প্রাণপণে সুখী করিতে চেষ্টা করিবেন। স্বামী বিপথ-গামী হইলে, কি করিয়া তাঁহাকে সংপথে আনা যায়, তাহা চিন্তা করিবেন এবং বুদ্ধিসহকারে সেই পথে আনিবেন।” মনে একাগ্রতা ও পতিনিষ্ঠা পূর্ণ মাত্রায় থাকিলে স্ত্রী কখনও স্বামীর দোষ সংশোধনে অকৃতকার্য হন না। ইহার প্রমাণ অনেক পাওয়া যায়। কয়দিন স্বামী স্ত্রীর গুণগ্রামের প্রতি লক্ষ্যহীন হইয়া থাকিতে পারেন? সহ কর, অপেক্ষা কর, প্রাণপণ চেষ্টা কর—তোমার স্বামী সংপথে ফিরিবেনই ফিরিবেন, তোমার আদর করিবেনই করিবেন। যদি না করেন, তবে মনে করিবে যে, কেবল তোমার চেষ্টার ফলিতেই এইরূপ হইল; তোমার একাগ্র চেষ্টার ফলকে রোধ করিতে পারে—এমন কিছুই নাই।

অনেক স্ত্রীলোক, স্বামী কুৎসিত, কুরূপ বা মূর্থ হইলে মনে মনে বিশেষ অসন্তোষ বোধ করেন। মনুষ্যের পক্ষে এইরূপ অসচ্ছলতা বোধ স্বাভাবিক হইলেও, ভাবিয়া দেখিলে, হিন্দুনারীগণের ইহা একটা প্রকাণ্ড ভুল। হিন্দুনারীগণ স্বামীর সহিত তাঁহাদিগের সম্বন্ধটা কেবল একটা ইহকালের সম্বন্ধই মনে করেন না। তাঁহাদের মতে স্বামীর সহিত পত্নীর সম্বন্ধ অনন্ত-কালের জ্ঞ। এ সংসারে আমরা শুধু কয়েক দিনের জ্ঞ নিজ নিজ মানসিক বলের পরিচয় দিতে আসি। এই পরীক্ষায় উত্তীর্ণ হইলে, পরিণামে, পরকালে আমাদের অনন্ত মিলন, অনন্ত সুখ।

## কুললক্ষ্মী

সেই অনন্তকাল ভরিয়া স্বামী যে সৌন্দর্য, যে ঐশ্বর্য ভোগ করেন, জীলোকের তাহার দিকেই দৃষ্টি থাকা উচিত। এই দুই দিনের সৌন্দর্য ও বিজ্ঞাবুদ্ধি কি হইবে? জীলোকেরা নিজ চেষ্টায় যখনই আপনাদের স্বামীকে সৎপথে আনয়ন করিতে পারেন এবং এই উপায়ে তাঁহাদের পরকালেরও উন্নতির পথ প্রশস্ত করিতে পারেন, তখন আর তাঁহাদের ভাবনা কি! তাঁহাদের নিজ নিজ স্বামীকে গড়িয়া লওয়া ভালমন্দ করা, সুন্দর কুৎসিত করা, সকলই তো তাঁহাদেরই হাতে! সুতরাং, স্বামী কুৎসিত কুরূপ, বা মূৰ্খ হইলেও, তাঁহাদের এজ্ঞ বিন্দুমাত্র ক্ষুদ্র হওয়া উচিত নহে। মনে রাখিবেন, ঈশ্বর আপনাদিগকে এ উপায়ে পরীক্ষা করিতেছেন মাত্র! ভালকে তো সকলেই ভালবাসে! এই কুৎসিত, কুরূপ, মূৰ্খ ব্যক্তিকে ভালবাসিয়া আপন করিয়া লইতে পারেন তো, ইহার চরণে সৰ্বস্ব অর্পণ করিয়া নিজেকে ধন্য মনে করিতে পারেন তো, আপনার কৃতিত্ব। তবেই আপনার এ দুঃখ আর থাকিবে না—অচিরেই অনন্তকালের জ্ঞান এই স্বামীকেই নিজ মনোমত রূপে প্রাপ্ত হইবেন।

স্বামী কুৎসিত কুরূপ বা মূৰ্খ হইলেও অপর রূপবান, গুণবান বা অধিকতর বুদ্ধিমান ব্যক্তি অপেক্ষা জীর নিকট শত-গুণে অধিক পূজনীয়। স্বপ্নেও অতীতে কখনও তোমার পতি অপেক্ষা শ্রেষ্ঠতর মনে করিবে না। তিনি তোমার সৰ্ব্বময় প্রভু;

ধার্মিক ইউন, অধার্মিক ইউন, সুন্দর ইউন, কুৎসিত ইউন, তিনিই তোমার নিকট সকলের অপেক্ষা শ্রেষ্ঠ। ভ্রমেও অন্তকে এতদপেক্ষা বাঞ্ছনীয় মনে করিলে, তুমি অধঃপতিত হইবে। হিন্দু-শাস্ত্রানুসারী সতী-নারীর মুহূর্ত্ত কালের জন্তও পরপুরুষের পক্ষ-পাতিনী হইবার অধিকার নাই।

হিন্দুনারীর নিকট সতীত্ব বড় হুল্লভি রত্ন! প্রাণাপেক্ষাও ইহা রমণীগণের প্রিয়। কেবল পরপুরুষের কামনা না করিলেই যে সতী হওয়া গেল, তাহা নহে। সতী-রমণী পতির অনভিপ্রায়ে ও ইচ্ছার বিরুদ্ধে কিছুই করিবেন না। সর্বদা তাঁহাদের লক্ষ্য রাখিতে হইবে, পতি তাঁহাদিগকে কি ভাবে চলিতে দেখিতে চান।

এরূপ অনেক জ্ঞী দেখা যায়, যাঁহারা সামান্য কারণে পতির মনে কষ্ট দেন। হয় ত বিচার করিয়া দেখেন না, কি করিয়া চলিলে স্বামী ভালবাসেন, বা হয় ত বুঝিতে পারিয়াও সেটা তত গ্রাহ্য করেন না। ভাবেন, “এ সামান্য বিষয় মাত্র—এর জন্ত কি এমন আসিবে যাইবে?” এই ভাবিয়া তাঁহারা স্বামীর অপ্ৰিয় কার্য্য করিতে অগ্রসর হন। কিন্তু ইহা বড় অন্তায়! সামান্য হইলেও ক্ষমতাসম্পন্ন স্বামীর অপ্ৰিয় কার্য্য কদাপি করিবে না। অনেক সময় এই সব সামান্য কার্য্য হইতেই অনেক গুরুতর মনোমালিন্যের সৃষ্টি হয়। সুতরাং প্রত্যেক কার্য্যটি করিবার

## কুললক্ষ্মী

পূর্বে ভাবিবে, তোমার এই কাণ্ডে তোমার স্বামী সুখী হইবেন কি দুঃখিত হইবেন। তার পব সেই অনুসারে কার্য্য করিবে। অনেক স্বামী হয় ত্ত্বীকে সুখ দেখিতে ভালবাসেন না ; সে স্থলে সেই চরিত্র পরিত্যাগ করিবে। অনেক স্বামী হয় ত ত্ত্বীকে লজ্জাহীনা দেখিলে ক্ষুব্ধ হন, দশজনের সঙ্গে নির্লজ্জভাবে কথা বার্তা কহিতে দেখিলে কষ্ট পান, সে স্থলে স্বামী সে কথা মৃৎ কটিয়া তোমায় না বলিলেও, নিজ বুদ্ধিতে তাঁহার মনোভাব বুঝিয়া সেই অভ্যাস ছাড়িবে। অনেক স্বামী হয় ত, তাঁহার স্ত্রী অমুক অমুক লোকের সঙ্গে মিশে কি আলাপ করে, ভালবাসেন না— তাঁহার প্রতিকার করিবে। সর্বদা লক্ষ্য করিয়া দেখিবে, কাহার সহিত মিশিতে স্বামী আপত্তি মনে করেন, কি কি ভাবে তোমাকে তিনি চলিতে দেখিতে চান, কিরূপ ভাবে তোমাকে দেখিলে তাঁহার আনন্দ হয়—এই সব খুব ভালরূপ বুঝিয়া তাঁহার প্রীতির জন্ত যাহা দরকার সমস্ত করিবে—বিরক্ত হইয়া নয়, কষ্ট করিয়া নয়—হাস্তমুখে সুখের সহিত করিবে। স্বামীর কাণ্ডে বিরক্তি বোধ করাও স্ত্রীলোকের পক্ষে পাপবিশেষ।

স্বামীকে বিপদের সময় সাহস ও কষ্টের সময় সাহায্য দিবে। মহৎ কার্য্যে সর্বদা তাঁহাকে উৎসাহিত করিবে। কখনও তাঁহার উন্নতির পথে নিজের স্বার্থের জন্ত কোনও রূপ বিঘ্ন জন্মাইবে না। যাহাতে স্বামীর বশ, স্বামীর পুণ্য, স্বামীর উন্নতি ক্রমশঃ

পতির প্রতি কর্তব্য

ইচ্ছা পায়, প্রাণ দিয়াও তাহা করিবে। জী শাস্ত্রানুযায়ী স্বামীর  
অর্দ্ধাঙ্গিনী ও সহধর্মিণী। স্বামীর সুখ দুঃখ, পাপ পুণ্য প্রত্যেকেরই  
অর্দ্ধাংশের অধিকারিণী—স্বামী পরিণাম উজ্জল হইলে সঙ্গে সঙ্গে  
তাহারও পরিণাম উজ্জল হইবার সম্ভাবনা। তথাপি তাহার বাহাতে  
ধর্মকর্মে মতি হয়, তাহা সর্বপ্রযত্নে করিবে।

অভিমান করিয়া কখনো স্বামীর মনে গুরুতর কষ্ট দিও না।  
নিঃস্বার্থভাবে স্বামীকে ভালবাসিলে কোথা হইতে অভিমান  
আসিবে? তোমাদের অভিমানের পালাতে অনেক সময় অনেক  
ভ্রষ্টাঙ্গা স্বামীর বিশেষ কষ্ট হয়—মনের কষ্টে তাহার কর্তব্য  
পর্যন্ত বিস্মৃত হইয়া যান। স্বামীর বাহাতে এমন মনঃকষ্ট হয়,  
তখন অভিমান কখনও করিবে না। রহস্যচ্ছলে ক্ষুদ্র ক্ষুদ্র  
অভিমান—সে স্বতন্ত্র কথা!

স্বামী-স্ত্রী সম্পর্ক কতটা গুরুতর, তাহা একরূপ বুঝান  
হইল। যেখানে এইরূপ গুরুতর সম্পর্ক, সেখানে হাসি তামাসার  
ভাব আনিও না। অনেক স্ত্রীলোক, ভ্রাতার নিকট, পিতা  
মাতার নিকট বা অগ্ন্যাগ্ন আত্মীয় স্বজনের নিকট অনেক সময়  
পতির নিন্দা করে। কেহ কেহ বা স্বামী অপেক্ষা ঐ সব  
আত্মীয়দের প্রতি বেশী পক্ষপাতিত্ব দেখান। সেইরূপ স্ত্রীলোকের  
মুখদর্শন করাও পাপ। তাহাদের সংসর্গ পর্যন্ত পরিত্যাগ করিতে  
চেষ্টা করিবে।



আজকাল নব্য জ্ঞীদের মহলে, কে কেমন স্বামীর আদর পান, কাহার স্বামী কাহাকে কি ভাবে সম্ভাষণ করেন, কে কাহার নিকট কিরূপ চিঠিপত্র লিখেন, প্রভৃতি বিষয়ের বিশদ আলোচনা হয়। ইহাতে অনেক সময় অনেক মহৎ অনিষ্ট সাধিত হয়। তাহাদের এই আলোচনায় স্বামি-স্ত্রীর সম্বন্ধটা অনেক সময় নিতান্ত হাল্কা হইয়া যায়। এতদ্ব্যতীত অনেক সময় এমনও দেখা যায় যে, কোনও কোনও স্বামী তাহাদের কথাটা প্রকাশিত হইতে দেওয়ার পক্ষপাতী নন—সে স্থলে তোমাদের এ অনধিকার কার্য করা হয়। স্বামি-স্ত্রীর প্রণয়ের বিনিময়-কাহিনী দশজনের উপভোগ্য সামগ্রী নহে—উহা উহাদের পরস্পরের অতি যত্নের, অতি গোপনীয় পবিত্র প্রিয় সামগ্রী—উভয়ে প্রাণে প্রাণেই তাহা উপভোগ করিবে, হাতে বাজারে ছড়াইলে উহার মর্যাদা রহিবে না।

সর্বদা প্রত্যেক কার্যে, প্রত্যেক অবস্থায় পতির চরণে প্রগাঢ় ভক্তি রাখিয়া অগ্রসর হইবে।

## ঋশুর-ঋশুড়ীর প্রতি কর্তব্য

আজকাল ঋশুর-ঋশুড়ীর প্রতি স্বীলোকদের ভক্তির আকর্ষণ অনেকটা শিথিল হইয়া পড়িয়াছে। তাহাতে অনেক জনর্থের সৃষ্টি হইতেছে। যে বালিকা স্বামি-গৃহে নূতন প্রবেশ করিয়াই কত্রী হইয়া বসিবার জগৎ ব্যগ্র হন, তাঁহার জায় অপরিণামদর্শিনী রমণী আর নাই। গৃহ-সংসার রক্ষা করা সহজ ব্যাপার নহে। অনেকে ইহাকে একটি রাজ্যাশাসনের তুল্য কৃত্রিম ব্যাপার বলিয়া নির্দেশ করিয়াছেন। কথাটা ঠিক। এমতাবস্থায় দুই দিনের অভিজ্ঞতা লইয়া এমন একটি বিরাট নাস্তিকপূর্ণ ভার গ্রহণ করিতে অগ্রসর হওয়া কি প্রকার অদূর-দর্শিতার কাজ, তাহা বুঝাইবার নহে। এজগৎ রমণীদিগের পক্ষে অভিজ্ঞ ঋশুর-ঋশুড়ীর আশ্রয় ও পরামর্শ গ্রহণের চেষ্টা একান্তই কর্তব্য। যাহারা তেমন আশ্রয় ও পরামর্শ লাভ করিতে পারেন, তাঁহারা যেন আপনাদিগকে সৌভাগ্যবতী মনে করেন। যাহাদের ভাগ্যে ঋশুর-ঋশুড়ী ঘটে না, তাঁহারা অতি দুর্ভাগ্যবতী। তরঙ্গসমাকুল নদীবক্ষে চালকহীন নৌকারোহীর মত সংসারে তাঁহাদিগকে অনেক বিপদাপদ সহ্য করিতে হয়। আবার ভাগ্যে এমন ঋশুর-ঋশুড়ী লাভ করিয়াও যাহারা

## কলকলক্ষী

তাঁহাদের উপদেশ ও কর্তৃত্ব গ্রহণে পরাভুত হন, তাঁহারা যে শুধু একান্ত দুর্ভাগ্যবতী, তাহা নহে, তাঁহারা একান্ত নিকোঁধও বটেন। তাঁহা বা নিজে বুদ্ধির দোষে নিজের পায়ে নিজেই কুঠাবাঘাত করিয়া বসেন। যে বিরাট দায়িত্বভার-গ্রহণে পদে পদে বিব্রত হইতে হয়, তাহা স্বশ্রব-শাস্ত্রী উপর চাপাইয়া দিয়া নিশ্চিন্তমনে তাঁহাদের স্নেহেব ছায়ায় বাস করার মত আর কি সুখেব সামগ্রী থাকিতে পারে? স্বশ্রব-শাস্ত্রী বিনা কারণে কখনও বধু-বিদেহ পোষণ কবেন না। তুমি যদি বুদ্ধিমতী হও, তুমি যদি বিনীতা ও শ্রদ্ধাবতী হও, তবে তোমাব স্বশ্রব-শাস্ত্রী কেন তোমার প্রতি অপ্রসন্ন থাকিবেন? ভালবাসায় বনেব পশু বাধ্য হয়, আব মানুষ—শুধু মানুষ নহে, যাহাবা তোমাব এমন আত্মীয়, তোমাব ভর্তাব চিরমঙ্গলাকাজ্জী—তাঁহাবা বাধ্য হইবেন না কেন? হইতে পারে, সকল লোক সমান নয়. হইতে পাবে, কাহারও কাহারও স্বশ্রব-শাস্ত্রী বাস্তবিকই ভ্রূর-স্বভাব-সম্পন্ন; কিন্তু তাহা হইলেও কে কবে আপনাব জনকে অবজ্ঞা করে? তোমার পিতামাতা বা ছেলেমেয়েগুলি অবাধ্য বা অশিষ্ট হইলে তাহাদের মায়া তুমি কাটাইতে পার না, কিন্তু তোমাব স্বশ্রব-শাস্ত্রী একটা অপ্রিয় কার্য্য করিলে বা একটা অপ্রিয় কথা উচ্চারণ করিলে, তোমরা তৎক্ষণাৎ একেবারে মেজাজ উন-পঞ্চাশ করিয়া তোল! ইহা কি হায্য কথা? তোমার পিতা

মাতা ও পুত্রকথা যেমন তোমার পরম আত্মীয় ও প্রীতির পাত্র, তোমার স্বস্তুর-স্বাস্তুড়ীও তোমার নিকট তজ্জপই—বরং আরও কিছু অধিক। হিন্দুশাস্ত্রানুসারে, পিতা-মাতাপেক্ষাও স্বস্তুর-স্বাস্তুড়ী অধিক পূজনীয়, অধিক শ্রদ্ধার পাত্র—কেন না তাঁহারা, আপনাপেক্ষাও যে প্রিয় স্বামী—তাঁহার পিতা মাতা। তাঁহা-দিগকে সম্যক্ ভক্তি-শ্রদ্ধা করিতে না পারিলে, স্বামীর প্রতি তোমার যথোচিত ভক্তি-শ্রদ্ধার অভাব রহিয়াছে বুঝিতে হইবে। এমতাবস্থায় সাধ্বী-স্ত্রী-মাত্রেবই স্বস্তুর-স্বাস্তুড়ীর প্রতি ভক্তি রাখা স্বাভাবিক। যাঁহাদের সে ভক্তি নাই, তাঁহারা যেন মনে মনে ঈর্ষ্যার করেন যে, তাঁহারা এক্ষত সাধ্বী নহেন—তাঁহাদের পতিপ্রেম বলিয়া যে একটা পদার্থ রহিয়াছে, সেটা শুধু একটা স্বার্থমুগ্ধ প্রণয়ের অস্থায়ী ভাব মাত্র। স্বার্থের সঙ্গে সঙ্গেই তাঁহার আবির্ভাব; আবার স্বার্থের সঙ্গে সঙ্গেই তাঁহার লয়। নতুবা তাঁহাদের একমাত্র দেবতা পতির ভক্তি, শ্রদ্ধা ও ভালবাসার ক্ষাত্রকে তাঁহারা ভক্তি, শ্রদ্ধা ও ভালবাসার চক্ষে দেখিতে পারেন না কেন?

যাহা হউক, এসব আত্মীয়তা, অনাত্মীয়তার কথা ছাড়িয়া দিয়া নিজ নিজ স্বার্থের দিক দিয়া দৃষ্টি করিলেও স্ত্রীলোকের স্বস্তুর-স্বাস্তুড়ীর প্রয়োজনীয়তার কথা বিলক্ষণ বুঝিতে পারিবেন। অভিজ্ঞ লোকের পরামর্শ, অর্থাদি ব্যয় করিয়াই বা কয় জনে

## কুললক্ষ্মী

লাভ করিতে পারেন ? এরূপ অবস্থায় জগদীশ্বরের এই অযাচিত দান, এই স্নেহমণ্ডিত স্বস্তর-শাণ্ডীর স্নেহপূর্ণ অভিজ্ঞতার অযাচিত সাহায্য কোন্ বুদ্ধিমতী রমণী পরিত্যাগ করিতে পারে ? সুতরাং কত্ৰী হইবার আশু লোভে মুগ্ধ হইয়া কখনও এই সব দুর্লভ উপকারী ব্যক্তির সাহায্যকে উপেক্ষা করিবে না। যাহাতে সর্বদা তাঁহাদের প্রীতি আকর্ষণ করিয়া তাঁহাদের আশ্রয়-ছায়ায় বাস করিতে পার, তাহার চেষ্টা করিবে। যদি সর্বদা তাঁহাদের প্রতি ভক্তি রাখ, প্রীতি রাখ, তবে তাঁহারা ক্রুর-প্রকৃতির হইলেও অবশ্যই তোমাদের বশীভূত হইবেন। তাঁহাদের কোনও কথার কখনও কূট অর্থ করিবে না। অগ্নায়ুৰূপে তিরস্কার করিলেও, তাঁহাদের প্রতি ক্রুদ্ধ হইতে নাই। মনুষ্যমাত্রেয়ই ভ্রম হইতে পারে। হয় ত তাঁহারা ভ্রমবশতঃ তিরস্কার করিতেছেন, কিন্তু তোমার মঙ্গল-কামনা তাঁহাদের অন্তরে সর্বদাই আছে।

বৃদ্ধ ও প্রাচীন হইলে লোকের বুদ্ধি বা বিচারশক্তি তেমন প্রথর থাকে না। তখন তাঁহাদের একটু আধটু ক্রটি ঘট। স্বাভাবিক। তাঁহাদের সেই অক্ষম অবস্থায় যদি তুমি তাঁহাদের ক্রটি সহ না কর, তুমি যদি তাঁহাদের সেবা-শুশ্রূষা না কর, তুমি যদি তাঁহাদিগকে ভক্তি-শ্রদ্ধা না কর, তবে কে করিবে ? তোমার পুত্র-কন্যার কথা ভাবিয়া দেখ। এত যত্নে, এত দয়ামায়া দিয়া তাহাদিগকে এখন পালন করিতেছ, চিরকালই তাহাদিগকে এই



## কুললক্ষ্মী

থাক, আজকাল তাঁহাদের মধ্যে অনেকে পতি ও স্বশুভ্র-  
স্বাশুভ্রীর সঙ্গে চিরজীবনব্যাপী একটা মনোমালিঙ্গ করাইয়া  
দেন। যাহারা প্রকৃত সাধবী হইবার বাসনা রাখেন, তাঁহারা  
সর্বদা পতি-সহ স্বশুভ্র-স্বাশুভ্রীর সেবা-শুশ্রূষার জন্ত উদগ্রীব  
থাকিবেন। তাঁহাদের কাজকর্মগুলি দাস-দাসীকে দিয়া না  
করাইয়া যতটা সম্ভব স্বয়ং করিবেন। তোমাদের হাতের সেবা-  
শুশ্রূষা পাইলে তাঁহারা যেমন আনন্দ ও তৃপ্তি লাভ করেন,  
দাসদাসীর সেবা-শুশ্রূষায় কখনই তেমন করেন না। বিশেষতঃ  
দাসদাসীরা তোমাদের মত তাঁহাদের সকল অভাব-অভিযোগ  
বুঝিতেও পারে না।

যখনই যে কার্য্যটা করিবে, তাঁহাদের জিজ্ঞাসা করিয়া  
করিবে। গৃহকার্য্য করিতে তুমি অধিকতর সক্ষম হইলেও,  
তাঁহাদের পরামর্শ বা অনুমতি ছাড়া কিছু করিবে না।  
তাঁহাদের কিছু ভ্রম হইলে, বিনীতভাবে তাহা প্রদর্শন করিতে পার,  
কিন্তু কখনও তাঁহাদের সহিত বাক্বিতণ্ডা করিবে না। তাঁহারা  
জেদ করিলে সামান্য ত্রায়-অত্রায়ের প্রতি দৃষ্টিপাত না করিয়াও  
তাঁহাদের আদেশ পালন করিবে। সর্বদা তাঁহাদের মনের ভাব  
বুঝিয়া নিজে উৎসাহিনী হইয়া তাঁহাদের সেবা-শুশ্রূষা করিবে।  
লজ্জাবশতঃই হউক বা তোমার প্রতি স্নেহবশতঃই হউক, বা যে  
কোন কারণে হউক, তাঁহারা হয় ত সকল সময় তোমাকে সকল

কার্যের ভার দিবেন না। সে স্থলে নিজ বুদ্ধিতে তাঁহাদের ভাবসংগ্রহ করিয়া তদনুযায়ী কর্ম করিতে চেষ্টিত হইবে। কখনও তাঁহাদের উপর কোনও রকমের প্রাধিকার ভাব আনিবে না। ঋগুর-ঋগুরী দরিদ্র হইলে, নিজে ছ'টাকা খরচ করিতে পারিলেও, তাহা করিবে না। বাপের বাড়ীর অর্থ বধূরা দরিদ্র ঋগুরালয়ে আসিয়া খরচ-পত্র করিলে অনেক সময় অনেক দরিদ্র ঋগুর-ঋগুরীর মনে কষ্ট বোধ হয়, অনেক সময় তাঁহাদের আত্মসম্মানে আঘাত লাগে। সে সব স্থলে বুদ্ধিমতী বধু পতিকে নিজ অর্থ অর্পণ করিবেন। পতি সেই অর্থ পিতা মাতার বা পরিবারের অভাব মোচন করিবেন।

ঋগুর-ঋগুরীকে সেবা-শুশ্রূষা ও আহাৰাদি না করাইয়া বধু কখনও নিজে আহাৰ করিবেন না। তাঁহাদের সকল কাজ সম্পন্ন করিয়া তবে তিনি অগ্রাগ্র কাজে হস্তক্ষেপ করিবেন।

এইরূপ করিলে অতি বড় কঠোর ঋগুর-ঋগুরীও বধুর বাধ্য না হইয়া থাকিতে পারেন না। নব্যা বধুগণ একবার পরীক্ষা করিয়া দেখুন—আমাদের একান্ত অনুরোধ।



# পরিবারের অত্যাশ্চর্য প্রতি কর্তব্য

স্বামী ও স্বস্তর-স্বস্তরীর পর ভাস্কর, দেবর, দেবর-পত্নী, ভাস্কর-পত্নী ও ননন্দা প্রভৃতি জ্বীলোকেরা অতি নিকট পরিজন। তাঁহাদের প্রতিও বধুদিগের গুরুতর কর্তব্য রহিয়াছে—তাঁহাদের প্রতিও উপযুক্ত সম্মান ও আদর-যত্ন দেখান কর্তব্য। যখন বধু স্বস্তরালয়ে প্রথম প্রবেশ করেন, তখন ইঁহারা একান্তই অজ্ঞাত ও অপরিচিত থাকেন। তখন বিশেষ সতর্কতার সহিত বালিকা-দিগকে তাঁহাদের স্তুদৃষ্টি ও স্নেহমমতা আকর্ষণ করিতে হয়। পরে ক্রমে ক্রমে তাঁহাদিগকে একান্ত আত্মীয় করিয়া লইতে পারিলে সংসার নন্দনকানন হইয়া উঠে।

## ভাসুর

ভাসুর বধুদিগের বিশেষ ভক্তির পাত্র । শাস্ত্রকারগণ জ্ঞীগণকে ঋগুর-খাণ্ডৌী অপেক্ষাও ভাসুরের প্রতি অধিক ভক্তিমতী হইতে উপদেশ দিয়াছেন । তাহার কারণ এই যে, যাহারা বৃদ্ধ, তাঁহারা পিতৃস্থানীয়, তাঁহাদের নিকট একটা দোষ করিলেও ক্ষমা পাওয়া যায়, কিন্তু সমশ্রেণীর ব্যক্তিগণকে কোনও কারণে ব্যথিত করিলে, তাহার ফল বড় অমঙ্গলজনক হয় । ভাসুর যদি বৃদ্ধিতে পারেন যে, বধু তাঁহাকে তুচ্ছ-তাচ্ছিল্য করিতেছেন, তাহা হইলে তাঁহার মনে বড় অপমান বোধ হয়—ইহা স্বাভাবিক । কিন্তু পিতৃস্থানীয় ব্যক্তিগণ বধুদিগকে কতাবাসল্যে দেখেন বলিয়া সেরূপ স্থলে নিজদিগকে অপমানিত বোধ করিতে চাহেন না । এই জন্যই ঋগুর-খাণ্ডৌী অপেক্ষাও ভাসুরদিগের নিকট জ্ঞীলোকের অধিক হিসাব করিয়া চলা উচিত ।

ভাসুরের নিকট কখনও সামান্যমাত্র অসন্তোষ, সামান্যমাত্র নির্লজ্জতা বা চণ্ডালতা প্রকাশ করিবে না । সর্বদা তাঁহার প্রতি গাঢ় ভক্তি দেখাইবে । কখনও তাঁহাকে গুনাইয়া উঠে:স্বরে

কুললক্ষ্মী

কথা কহিবে না । স্বশুর-শাস্ত্রীকে যেমন পরম যত্নে সেবা-  
শুশ্রূষা কর, তাঁহাকেও তেমনি করিবে । সৰ্ব্বদা তাঁহার উপদেশ  
পালন করিতে চেষ্টা করিবে ।

## দেবর

দেবরকে ঠিক আপন কনিষ্ঠ ভ্রাতার মত দেখিবে। দেবর ও নিজ ভ্রাতায় যদি তফাৎ দেখিলে, তবে তুমি স্বামীকে আপন মনে কব কিরূপে? যেদিন দেখিবে, তোমার ভাই ও তোমার স্বামীর ভাই তোমার নিকট এক হইয়াছে, সেই দিনই বুঝিবে তোমার হৃদয় ও তোমার স্বামীর হৃদয় প্রকৃতপক্ষে এক। নতুবা চিঠিপত্রে বা মুখের কথায় স্বামীকে অর্দ্ধাঙ্গ বিবেচনা করিলে ফল কি? নিজের ভাইকে যেমন স্নেহের চক্ষে দেখ, দেবরকেও তেমনি স্নেহের চক্ষে দেখিবে, নিজের কনিষ্ঠকে যেমন আদর যত্ন কর—দেবরকেও ঠিক তেমনি আদর যত্ন করিবে।

## দেবর-পত্নী, ভাসুর-পত্নী ও ননন্দা প্রভৃতি

ভাসুর-পত্নী ও জ্যেষ্ঠা ননন্দাদিগকে জ্যেষ্ঠা ভগ্নীর মত এবং দেবর-পত্নী ও ছোট ননন্দাদিগকে কনিষ্ঠা ভগ্নীর মত দেখা কর্তব্য। কারণ, দেবরের জ্যায় ইঁহারাও স্বামীর নিকটতম আত্মীয়। অনেক সময় ইঁহাদের প্রতি বধুদিগের বিশেষ হিংসা-বিদ্বেষের ভাব দৃষ্ট হয়। হয় ত ইঁহারাই সে সকলের কারণ সৃষ্টি করেন। কিন্তু তথাপি বধুদিগের এজগৎ লজ্জিত হওয়া উচিত। ইঁহারা যতই কেন অসহ্যাবহার করুন না, বধুরা যদি সকল সহ্য করিয়াও তাঁহাদিগের সেবা-শুশ্রূষা করেন, তবে দু'দিন পরে নিশ্চয়ই তাঁহারা বশীভূত হন—ইহা স্বভাবের রীতি। সুতরাং তাঁহাদের অসংখ্য দোষ সত্ত্বেও বধু কখনও তাঁহাদের সহিত বাদ করিবেন না বা কোনও প্রকারে তাঁহাদের প্রতি বিদ্বেষ-ভাব বা অসন্তোষ প্রদর্শন করিবেন না। সর্বদা তাঁহাদের প্রতি স্নেহময়ী ভগ্নীর মত সদ্যাবহার করিবেন।

## দাস-দাসী প্রভৃতির প্রতি কর্তব্য

“পরিজনের প্রতি কর্তব্যের” উল্লেখের পরে, দাস-দাসী, অতিথি-অভ্যাগত ও অগ্রাণু দূরসম্পর্কীয় আত্মীয়-স্বজনের প্রতি কিরূপ ব্যবহার করা উচিত, তাহার কথাও একটু আধটু বলা উচিত। নিকট-পরিজনকে বাধ্য করা সহজ ; কিন্তু যে পর, যাহার সহিত অতি দূর-সম্পর্ক, তাহার সম্ভাষণভাজন হওয়া বিশেষ কঠিন কার্য্য। এজন্য তাহাদিগের প্রতি ব্যবহারে বিশেষ সতর্ক হওয়া উচিত। দাসদাসীরা একে পরের সম্মান, তাহাতে আবার নিরক্ষর : এমন অবস্থায় তাহাদিগকে বাধ্য করিতে হইলে, তাহাদের প্রতি বিশেষ ভালবাসা, ও আদর-যত্ন দেখাইতে হইবে। পরিচারকেরা বিশ্বাসী ও বাধ্য না হইলে গৃহস্থালী ছন্দর হইয়া উঠে—সুতরাং তাহাদের বাধ্যতার জগ্ন তাহাদিগের সহিত সদ্ব্যবহার প্রয়োজনীয়। তাহাদিগকে সর্বদা যত্নপূর্ব্বক আহ্বানাদি করাইবে, আদর করিয়া কার্য্যাদি করিবার জগ্ন আদেশ দিবে। সর্বদা এমন ভাব দেখাইবে, যেন তাহারাও তোমাদের গৃহেরই অংশীদার—তোমাদের পর নহে। এরূপ না করিলে,

## কুললক্ষ্মী

তোমার গৃহস্থালীর প্রতি তাহাদের মায়া জন্মিবে না। দোষ দেখিলে যে তাহাদের শাসন করিতে নাই, আমি সে কথা বলিতেছি না, উপযুক্ত শাসন না করিলে দাসদাসীর উপর প্রভুত্ব রাখা যায় না। কিন্তু শাসন একরূপভাবে করিবে, যেন উহা স্নেহ মমতাপূর্ণ না হয়। নিজের ছেলে মেয়েকে যে ভাবে শাসন কর, সেইরূপ স্নেহ-মমতাপূর্ণভাবে তাহাদিগকে শাসন করিবে। তাহা হইলে, অতি বড় কর্কশ ব্যবহারও তাহাদিগকে অবাধ্য করিতে পারিবে না।

অতিথি-অভ্যাগতের সেবা-শুশ্রূষা ইহলোক ও পরলোক উভয় কালের জগুই প্রয়োজনীয়। উহা যে স্ত্রীলোকের একটি গুণ, তাহা পূর্বেই বলা হইয়াছে; উহা দ্বারা অশেষ পুণ্য সঞ্চয় হইয়া থাকে। কিন্তু এতদ্ব্যতীত দশজনের কাছে সুনাম অর্জনের পক্ষেও ইহা অত্যাৱশ্যক। অতিথি-অভ্যাগতের সেবা-শুশ্রূষায় তুষ্ট হইলে দশজনের নিকট তাঁহাদিগের প্রশংসা করিয়া থাকেন। তাহাতে তাঁহাদের যশ চারিদিকে ব্যাপ্ত হইয়া পড়ে। ইহাতে তাঁহাদের প্রতি সকলেরই স্নেহ ও ভক্তি আকৃষ্ট হয়।

দূর-সম্পর্কীয় আত্মীয়েরা সর্বদা কাহারও নিকটে আসেন না। কালে-ভদ্রে কদাচ তাঁহারা স্বজন-গৃহে বেড়াইতে আসেন। সে সময় তাঁহারা যাঁহার নিকট হইতে যেমনটী ব্যবহার পান, তেমনটী মনোভাব লইয়া গৃহে ফেরেন। এ অবস্থায় তাঁহাদের

## দাস-দাসী প্রভৃতির প্রতি কর্তব্য

প্রতি ব্যবহার করিতে বিশেষ সতর্কতা গ্রহণ করা উচিত। সেই সঙ্কীর্ণ সময়ের মধ্যে যদি তাঁহারা তাঁহাদিগের প্রতি কোনও প্রকার অসদ্ব্যবহার করেন, তবে সেই অল্প সময়ের কার্যের জন্য তাঁহাদের বহুদিনব্যাপী এক কলঙ্কের সৃষ্টি হয়। সুতরাং গৃহে কোনও আত্মীয়-স্বজন আসিলে, বিশেষ যত্নের সহিত তাঁহার মনোরঞ্জন করিবে।

কোন কোন অসহায় ও দুর্ভাগ্য ব্যক্তি দরিদ্রাবস্থায় পড়িয়া স্ব-স্বজনের গৃহে থাকিতে বাধ্য হয়। তেমন স্থলে অনেক সময়ই তাহাদের ভাগ্যে তুচ্ছতাচ্ছল্যতা ঘটে। ইহা বড় নিষ্ঠুরতার কার্য। নেহাৎ দৈবদুর্কিপাকে পড়িয়াই তাহারা অপরের শরণ লয়—তোমার গলগ্রহ হইতে যে তাহাদের কত কষ্ট, তাহা তোমরা বুঝিতেও অক্ষম। এমতাবস্থায় তাহাদের প্রতি নিষ্ঠুর হওয়া কতখানি হৃদয়হীনতার কার্য। তেমনভাবে কাহাকেও কষ্ট দেওয়া বিশেষ অধ্যর্থের কাজ। যাহারা তেমন কাজ করেন, জৈবর তাঁহাদের প্রতি বিশেষ বিরূপ হন। সকলেরই মনে রাখা উচিত যে, জৈবর বিরূপ হইলে, তাঁহাদিগেরও সেই অবস্থা ঘটিতে পারে।



## দৈনিক গৃহকার্য

**ঈশীলোকের দাসী**—পুরুষের কর্তব্য বাহিরে, ঈশীলোকের কর্তব্য অন্তরে,—এ কথা বলা হইয়াছে। কিন্তু এ কথা হইতে তোমরা সাব্যস্ত করিও না যে, এই ক্ষুদ্র অন্তরটাতে তোমাদের যে কর্তব্য পালন করিতে হইবে, তাহাও এমনি ক্ষুদ্র। বিবেচনা করিয়া দেখিলে বুঝিতে পারিবে, এই অন্তরই মানবের একমাত্র শাস্তির স্থান। এইখানে শৃঙ্খলা থাকিলে, মানব সমস্ত জগতে নিগৃহীত হইয়াও সুখী; এইখানে শাস্তি না থাকিলে, মানব সমস্ত জগতে পূজ্য ও সম্মানিত হইয়াও অসুখী। যাহাতে অন্তরের শ্রীবৃদ্ধি করিতে পার, তাহা সর্বপ্রথমে করিবে।

**প্রাতঃকৃত্য**—প্রত্যহ সকালবেলা অতি প্রত্যুষে উঠিয়া দেবতার নাম লইবে। পরে স্বামীর চরণ-ধূলি গ্রহণ করিয়া গৃহ হইতে বাহির হইবে।

পরিবারের অগ্ৰাণ্য লোক জাগরিত হইবার পূর্বেই গৃহপ্রাঙ্গণ ও চারিদিক পরিষ্কার পরিচ্ছন্ন রাখিবে। দাসদাসী থাকিলে তাহাদের সাহায্য গ্রহণ করিতে পার।

**ব্রহ্মচর্য**—ঈশীলোকের প্রধান কর্তব্য ব্রহ্মচর্য। ব্রহ্মচর্য করিয়া

পতিপুত্র ও স্বশুর-স্বশুড়ীর তৃপ্তি সাধন করার তুল্য স্ত্রীজাতির উত্তম কার্য আর নাই। আজকাল অনেক গৃহিণী আলস্ত ও বিলাসিতাবশতঃ নিজে রন্ধন না করিয়া পাচক-পাচিকার সাহায্য গ্রহণ করেন। যতই বড়লোক হও, একেবারে অশক্ত না হইলে সেক্ষেপ করিবে না। তোমার প্রস্তুত আহাৰ্য্য ভোজন করিয়া তোমার পরিজন যেমন তৃপ্তি ও পরিতোষ অনুভব করিবেন, পাচক-পাচিকার অন্ন খাইয়া কখনই তেমন করিবেন না। এ কথাটা সৰ্ব্বদা স্মরণ রাখিও।

যাহাতে ঠিক সময়ে উত্তমরূপে আহাৰ্য্য প্রস্তুত করিয়া সকলকে ভোজন করাইতে পার, প্রত্যহ তৎপ্রতি দৃষ্টি রাখিবে। খালা, ঘটী, বাটী সৰ্ব্বদা মাজিয়া ধুইয়া পরিক্ষার করিয়া রাখিবে। অপরিষ্কার খালাতে অতি উত্তম আহাৰ্য্য থাকিলেও খাইয়া তৃপ্তি বোধ করা যায় না।

কেহ কেহ আছেন, যাহারা কেবল উত্তম উত্তম দ্রব্যসামগ্রী জুটিলেই ভাল রাখিতে পারেন, নতুবা পাকের প্রতি বড় একটা মনোযোগ করেন না। কালিয়া কোন্দী কেহ সৰ্ব্বদা খায় না। সৰ্ব্বদা যাহা খায়, সেই ডাল, ডালনা ও বোল চর্চড়ীই সৰ্ব্বদা উত্তমরূপে রন্ধন করিতে শিক্ষা করা উচিত। ভাল সামগ্রী থাকিলে সকলেই ভাল জিনিষ তৈয়ার করিতে পারে। সামান্য দ্রব্য দ্বারা যদি তৃপ্তি সাধন করাইতে পার, তবেই তোমার কৃতিত্ব।

**তাম্বুল-সজ্জা**—তাম্বুল-সজ্জা সকলে ভালরূপ করিতে পারে না। তাহাতে অনেক পুরুষ বিশেষ অসুবিধা বোধ করেন। একটু মনোযোগ-পূর্বক একদিন একটু চেষ্টা করিলেই তাঁহারা এ বিষয়ে কৃতকার্য হইতে পারেন।

**পরিষ্কার পরিচ্ছন্নতা ও শৃঙ্খলারক্ষা**—সর্বদা গৃহসামগ্রীগুলি সুশৃঙ্খলে রক্ষা করিবে। ধোপাকে অর্থ না দিয়া নিজ গৃহের বস্তাদি যতটুকু সম্ভব পরিষ্কার করিয়া লইবে। পুরুষেরা সকল বিষয় বার বার মনে করিয়া তোমাদিগকে উপদেশ দিতে পারেন না। তোমরা নিজেরাই অনুসন্ধান করিয়া দেখিবে, কোন্ কাপড়খানি ময়লা হইয়াছে, কোন্টি পরিষ্কার করা দরকার। কোন্ কাপড়টি একটু ছিঁড়িয়া গিয়াছে, একটু সেলাই করা আবশ্যিক। তোমাদের এ সামান্য সাহায্যে পুরুষদের অত্যন্ত তৃপ্তি সাধন হয়। একটা সামান্য সাবান ও ছ'পয়সার সূতা হইলেই তোমরা এইটুকু করিতে পার।

**লেখাপড়া ও শিল্পচর্চা**—রন্ধনান্তে ও অগ্রান্তে গৃহকার্যের পরামর্শন সময় পাইবে, লেখাপড়া ও শিল্পের চর্চা করিবে। দৈনিক অতি প্রয়োজনীয় কার্য সামান্য হইলেও, সেগুলি আগে সম্পন্ন করিয়া, অবসরকালে শিল্প প্রভৃতি বিদ্যায় মনোযোগ করিবে। আজকাল অনেককেই শুধু কার্পেট বুনিতে, লেস্ তৈরি করিতে ও পাতা কাটিতে দেখা যায়। কিন্তু বালিশের খোল, ওয়াড়,



## দৈনিক গৃহকাৰ্য্য

হেঁড়া জামা, ধুতি প্রভৃতি সেলাই করিবার সামান্য সামান্য অথচ অতি প্রয়োজনীয় কার্য্যে তাঁহারা অবহেলা করেন। ইহা অতি পরিতাপের বিষয়।

**দৈনিক হিসাব রক্ষা**—দিনান্তে গৃহকাৰ্য্য সমস্ত নিষ্পন্ন করিয়া যখন শয্যাগ্রহণ করিতে যাইবে, তখন একবার দৈনিক আয়ব্যয় হিসাব করিয়া দেখিবে। সংসারের খরচপত্রের হিসাব রাখা পুরুষদের পক্ষে একটু কষ্টসাধ্য। সারাদিনের পরিশ্রমের পর সর্বত্র অনুসন্ধান করিয়া প্রত্যেক খরচের হিসাব নিকাশ লওয়া বড়ই অগ্রীতিকর বোধ হয়। গৃহিণীরা সকল আয়ব্যয় দেখেন, তাঁহাদের এ বিষয়ের হিসাব রাখা অপেক্ষাকৃত সুসাধ্য। বাজার হিসাব, ধোপার হিসাব, দুধের হিসাব, চাকর চাকরাণীর উপস্থিতি ও মাসহরা প্রভৃতির হিসাব সকলই তাঁহারা শয্যাগ্রহণের পূর্বে লিপিবদ্ধ করিয়া রাখিবেন।

**পরিবারের সেবা-শুশ্রূষা**—পরিবারে কাহারও অসুখ বিষুখ হইলে বা অতিথি-অভ্যাগত বাটীতে উপস্থিত হইলে, তাঁহাদের সেবা-শুশ্রূষা করা ও সুখ-স্বচ্ছন্দতার প্রতি দৃষ্টি রাখা জীলোকের কাজ। এ বিষয়ে পূর্বেও অনেক কথা বলা হইয়াছে, এখন পুনরুল্লেখ বাহ্য মাত্র।

**ব্রত-উপবাসাদি**—হিন্দুপরিবারের জীলোকদিগকে ব্রত ও উপবাসাদি পালন করিতে হয়। এতদ্বারা মন পবিত্র হয়,

## কলমক্ষী

দেহ নীরোগ থাকে ও চিত্তের স্বৈর্য্য জন্মে । সর্বদা শুদ্ধ শাস্ত্র-  
শুষ্কজনের ও পুরোহিতের উপদেশ লইয়া ব্রতোপবাসাদি করিবে ।

**পাঠ্যপুস্তক**—অবসরকালে সদগ্রন্থ পড়িবে । কদর্য্য বই  
পড়িলে তাহাতে উপকার অপেক্ষা অনেক বেশী অপকার হয় ।  
পৌরাণিক কাহিনীগুলি পাঠ করা জীজ্ঞাতির পক্ষে মঙ্গলজনক  
আধুনিক পুস্তকাদির মধ্যেও অনেকগুলি জীজ্ঞাতির মঙ্গলজনক  
উপদেশপূর্ণ সদগ্রন্থ আছে । অভিভাবকের নিকট উপদেশ লইয়া  
সেই সব গ্রন্থ পড়িবে ।

**হস্তাক্ষর**—হাতের লেখাগুলি সুন্দর করিতে চেষ্টা করিবে ।  
তাহাতে পরিবারের অনেক উপকার হয় ।

**মিতব্যয়**—সর্বদা মিতব্যয়ী হইবে । আয় অল্প হইলে,  
সেই অল্প আয়ে এমনভাবে সংসার চালাইবে, যেন তোমার  
দরিদ্র স্বামী—দারিদ্র্যের পীড়ন এতটুকুও উপলব্ধি করিতে না  
পারেন ।

# পৌরাণিক নীতি-কথা

## লক্ষ্মী-রুक्মিণী-সংবাদ

একদিন রুक्মিণী-দেবী লক্ষ্মীর সহিত স্বর্গে দেখা করিতে গিয়া-  
ছিলেন। লক্ষ্মী তাঁহাকে অনেক সমাদর করিয়া পার্শ্বে বসাইলেন ও  
নানারূপ কথোপকথনে সম্বন্ধিতা করিতে লাগিলেন।

অনেক কথাবার্তার পরে রুक्মিণী-দেবী জিজ্ঞাসা করিলেন,  
“ভগ্নি, তুমি কোন্ কোন্ স্ত্রীলোকের নিকট সর্বদা অবস্থান করিয়া  
থাক ? কাহারো তোমার প্রিয় রমণী, এবং কিরূপেই বা তাহার  
তোমার নিত্য প্রিয় হইতে পারে ?”

রুक्মিণীর প্রশ্ন শুনিয়া লক্ষ্মী একটু হাসিলেন। তার পর অতি  
মধুর বচনে কহিতে লাগিলেন, “ভগ্নি, তবে শ্রবণ কর—

“যে রমণীগণ পতির প্রতি সর্বদা অমুরক্তা, তাহারাই আমার  
সর্বপ্রধান প্রিয়পাত্র, তাহাদিগকে আমি মুহূর্তের জ্ঞাও পরিত্যাগ  
করি না। তাহাদের সংসর্গ আমার স্পৃহনীয়। আমি তাহাদের  
মধ্যে সর্বদাই অবস্থান করিয়া থাকি। সকল গুণে গুণান্বিতা  
হইয়াও যদি কোন রমণী পতি-অমুরক্তা না হয়, তবে আমি তাহার  
সংসর্গ স্থগায় সহিত পরিত্যাগ করি।

## কুমলক্ষ্মী

“যে রমণীগণ ক্ষমাশীলা, অর্থাৎ কেহ কোনও অপরাধ করিলেও তাহাকে ক্ষমা করিতে প্রস্তুত, আমি তাহাদিগের গৃহে বাস করি।

“সত্যবাদিনী রমণী, আমার বিশেষ প্রিয়। সরলতা না থাকিলে কেহ আমাকে প্রাপ্ত হইতে পারে না। যাহারা সর্বদা কুটিল-প্রকৃতি, ছলনা চাতুরী করিয়া সর্বদা অগ্ৰে প্রতারিত করে, মিথ্যা কথা কয়, তাহারা আমার ঘৃণ্য। আমি তাহাদিগকে দর্শনও দিই না।

“যে রমণীগণ পবিত্র, শুচিসম্পন্ন, সর্বদা দেবদ্বিজে ভক্তিমতী, ব্রতপরায়ণা, সর্বদা ব্রাহ্মণ ও অতিথিগণের সেবা গুণ্ণা করে, তাহারা আমাকে স্বরায় লাভ করে।

“যাহারা জিতেন্দ্রিয়, পতি ভিন্ন অগ্ৰ পুরুষের মুখ দর্শন করিতেও কুণ্ঠিত হয়, তাহাদিগের গৃহে আমি অচলা।”

এই পর্য্যন্ত কহিয়া লক্ষ্মী আবার কহিলেন, “ভগ্নি, এই আমি তোমার নিকট আমার প্রিয়পাত্রীদের কথা বর্ণনা করিলাম। এখন যাহারা আমার অপ্রিয় ও ঘৃণার পাত্রী, সে কথা শ্রবণ কর।—

“যাহারা সত্য স্বামীর অপ্রিয় কার্য্য করে, তাহাদিগকে নানা প্রকারে কষ্ট দেয়, তাহাদের প্রতি রুদ্ধ বাক্য বর্ষণ করে, তাহাদিগকে আমি প্রাণের সহিত ঘৃণা করি। আমি কদাপি তাহাদের মুখ দর্শন করি না।

“যাহারা স্বামি-গৃহ পরিত্যাগ করিয়া অপরের গৃহে থাকিতে উৎসুক, স্বামী হইতেও যাহাদের নিকট অপর ব্যক্তি প্রিয়, তাহারা নরকের কীট। আমি কিছুতেই তাহাদের নিকট অবস্থান করিতে পারি না।

“যাহারা লজ্জাহীন, কলহপ্রিয়া, মুখরা, যার তার সহিত বাক্যালাপ করে, যার তার সহিত কলহ করে, যাহারা বিরক্ত-চিন্ত, কারণে অকারণে বিরক্ত হয়, দয়ামায়া-শূন্য, তাহাদিগকে আমি পরিত্যাগ করি।

“যাহারা অশুচি, নিদ্রাপরায়ণ, আলস্যপ্রিয় ও উচ্ছ্বল, কার্য্য করিবার সময় যাহাদের পরিণামের দিকে দৃষ্টি থাকে না ও শৃঙ্খলা থাকে না, যাহারা গৃহসামগ্রী সকল ইতস্ততঃ নিক্ষিপ্ত করিয়া রাখে, তাহারা আমাকে কখনও প্রাপ্ত হয় না।”



## সুমনা-শাণ্ডিলী-সংবাদ

শাণ্ডিলী নান্নী কোনও রমণী বিশেষ তপশ্চর্যা বা ব্রতাদির অনুষ্ঠান না করিয়াও স্বর্গে গমন করিয়াছিলেন ।

তাহা দেখিরা সুমনা নান্নী দেববালা আশ্চর্য্য হইয়া তাঁহাকে জিজ্ঞাসা করিয়াছিলেন, “দেবি, কিরূপ স্নকশ্মের ফলে আপনি এই লোক লাভ করিয়াছেন ?”

শাণ্ডিলী উত্তর করিয়াছিলেন,—

“দেবি, আমি শিরোমণ্ডন, জটাধারণ, গেরুয়া বস্ত্র বা বন্ধল পরিধান বা কোনও প্রকার তপশ্চর্যা দ্বারা এই লোক লাভ করি নাই। আমি শুধু স্বামিসেবার বলেই স্বর্গে আগমন করিয়াছি। যে স্ত্রী কায়মনোবাক্যে স্বামিসেবা করে, সে অন্ত কোন প্রকার সদনুষ্ঠান না করিলেও স্বর্গে স্থান পায়। ধরাতেলে কিরূপে আমি স্বামিকে প্রীত করিয়াছি, শ্রবণ করুন—

“আমি কখনও স্বামীর প্রতি অহিতকর বা কটু বাক্য প্রয়োগ করি নাই।

“আমার পতি বিদেশ গমন করিলে আমি সর্বদা সংযত চিত্তে, শুদ্ধ মনে শুধু তাঁহার মঙ্গলকামনা করিয়াই সময় কাটাইয়াছি।

কোন প্রকার আমোদ প্রমোদ বা বিলাসিতায় মগ্ন হই নাই।  
কেশবিত্যাস বা নানারূপ গন্ধদ্রব্যাদিতে সৌন্দর্য্য বৃদ্ধি করিতে  
কখনও চেষ্টিত হই নাই।

“আমি কখনও বহির্দ্বারে দণ্ডায়মান থাকিতাম না, বা কোনও  
ব্যক্তির সহিত অধিকক্ষণ কথোপকথন করিতাম না।

“কি প্রকাশ্য, কি অপ্রকাশ্য, কোনওরূপ নিন্দিত বা অমঙ্গল-  
জনক কাজ করিতে কখনও আমার ইচ্ছা হয় নাই।

“সর্ব্বদা সংযত ও একনিষ্ঠ হইয়া আমি দেবতা, পিতৃলোক ও  
ব্রাহ্মণগণের পূজা করিয়াছি, ব্রতোপবাসাদি করিয়াছি এবং শ্বশুর-  
শ্বাশুড়ীর সেবা-শুশ্রূষা করিয়াছি।

“স্বামী বিদেশ হইতে গৃহে আগমন করিলে, আমি একান্ত  
ভক্তি ও একাগ্রতা সহকারে তাঁহার পরিচর্যা করিতাম।

“স্বামীর অরুচিকর খাদ্য আমি কখনও ভোজন করি নাই।

“তিনি যতক্ষণ না নিদ্রা যাইতেন, ততক্ষণ আমি বিশেষ কার্য্য  
খাকিলেও তাঁহাকে পরিত্যাগ করিয়া যাইতাম না।

“প্রতিজ্ঞা অপালনের জন্য নানারূপ কটু কথা কহিয়া কখনও  
আমি তাঁহাকে বিরক্ত করিতাম না।


“শুণ্য বিষয় কদাপি কাহারও নিকট প্রকাশ করিতাম না।  
যাহারা পতির এবং গৃহের শুণ্য কথা প্রকাশ করিত, তাহাদিগের  
সংসর্গ আমি পরিত্যাগ করিতাম।”

## কুমলক্ষ্মী

“পুত্র-কণ্ঠা প্রভৃতি পরিজনবর্গের নিমিত্ত দৈনিক যে সকল কার্য করা আবশ্যক, তাহা আমি প্রতিদিন প্রাতে উঠিয়া নিজ হস্তে বা দাস-দাসীর দ্বারা পরিপাটীরূপে সম্পন্ন করিতাম।

“সর্বদা গৃহ ও গৃহসামগ্রী সকল পরিষ্কার করিয়া রাখিতাম।”





হর-পাক্তী

## পার্বতীর জীর্ধর্ম-বর্ণন

একদা দেবাদিদেব মহাদেব পার্বতীর নিকটে জীর্ধর্মের বর্ণনা শ্রবণ করিতে চাহিয়াছিলেন ।

তাহাতে পার্বতীদেবী এই উত্তর করিয়াছিলেন—“প্রভু, আমি জীর্ধর্ম যতদূর জানি, বলিতেছি, শ্রবণ করুন ।

“পিতা মাতা প্রভৃতি আত্মীয়-স্বজনের সম্মতি লইয়া উপযুক্ত পাত্রের সহিত বিবাহিতা হওয়া জীলোকের প্রধান ধর্ম ।

“পতিভক্তিই জীলোকের সর্বপ্রধান ধর্ম । ইহাই তাহাদের তপস্তা, ইহাই তাহাদের স্বর্গ । স্বামিসেবা ভিন্ন তাহাদের অন্য ধর্ম, অন্য ব্রত নাই ।

“পতিই জীলোকের পরম দেবতা, পরম বন্ধু ও পরমা গতি । অবলাগণের পক্ষে পতির ভালবাসা, পতির আদর স্বর্গ অপেক্ষাও শ্রেষ্ঠ । যে জী ইহা না বুঝে, তাহার ঋয় অধম আরা নাই ।

“হে নাথ, স্বামী যদি অপ্রসন্ন থাকেন, তবে সাধবী নারীদের স্বর্গলাভেও সুখ নাই । স্বামীর আদর ফেলিয়া তাহারা স্বর্গলাভও কামনা করে না ।

“পতি দরিদ্র হউন, ব্যাধিগ্রস্ত হউন, জরাজীর্ণ হউন, কুৎসিত হউন, এমন কি, ব্রহ্মশাপগ্রস্ত হইলেও, তিনি জীলোকের নিকট দেবতা । তিনি যাহা আদেশ করিবেন, প্রত্যেক জীরই তাহা প্রসন্ন মনে, অকুণ্ঠিত চিত্তে করা উচিত ।

## কলনক্ষী

“হে দেবাদিদেব, যে স্ত্রী সচ্চরিত্রা ও প্রিয়দর্শনা হয়, সে কখনও স্বামীকে অপ্রিয় কথা কহে না, সর্বদা তাঁহার সহিত সম্বাবহার করে, তাঁহার মুখ দেখিয়া স্বর্গ-সুখ উপভোগ করে, আহার নিজা ভুলিয়া যায়। যে সর্বদা স্ত্রীধর্ম জ্ঞানিতে ও পালন করিতে উৎসাহিনী, যে পতির ব্রতে অনুরক্তা, পতির ধর্ম্মেই নিবিষ্টা, পতিই যাহার দেবতা, পতিই যাহার সর্বস্ব, পতির চিন্তাই যাহার সংসারে একমাত্র চিন্তা, সেই প্রকৃত সতী, সেই ধন্যা। আমি তাহার মধ্যেই বাস করিয়া থাকি।

“হে নাথ! যে স্ত্রী স্বামীর সেবা করিতে ও স্বামীর বশীভূত হইয়া থাকিতেই সর্বাপেক্ষা আনন্দ অনুভব করে, স্বামী হুর্দ্বাকা প্রয়োগ বা ক্রোধ প্রকাশ করিলেও যে ক্রোধান্বিত না হইয়া তাঁহার প্রীতি সম্পাদনে যত্নবতী হয়, যে পরপুরুষের মুখদর্শনও করে না, স্বামী দরিদ্র, রুগ্ন, গলিতদেহ বা বিপদগ্রস্ত হইলেও যে তাঁহাকে কায়মনোবাক্যে সেবা ও শ্রদ্ধা করে, যে কার্য্যদক্ষা, পুত্রবতী ও সর্বদা পতিপরায়ণা, যে বিষয়কামনা, বিষয়ভোগ, ঐশ্বর্য্য, সুখ বা বিলাসিতায় যত্ন না করিয়া কেবল স্বামীর প্রতিই যত্ন করে, যে প্রত্যুষে শয্যা ত্যাগ করিয়া গৃহস্থালীর কার্য্য, স্বামীর সহিত মিলিত হইয়া নানারূপ ব্রতাদি ও অতিথিসৎকার করে, যে স্বজ্ঞ ও স্বস্তরের সম্ভাষণসাধন করে, ও দরিদ্র এবং রূপাপাত্র-দিগকে দয়া করে, সেই স্বর্গলাভে সমর্থী হয়।”

## দ্রোপদী-সত্যভামা সংবাদ

একদিন কৃষ্ণপ্রিয়া সত্যভামা পাণ্ডব-শিবিরে দ্রোপদীর সহিত সাক্ষাৎ করিতে গিয়াছিলেন। দ্রোপদী বড়ই পতি-সোহাগিনী—পাণ্ডবেরা কোনও কারণে কখনও তাঁহার অনাদর করেন না—সর্বদা তাঁহাতে অনুবৃত্ত হইয়া চলেন, দেখিয়া সত্যভামা জিজ্ঞাসা করিলেন, “দেবি! তুমি কি যাহুবলে পাণ্ডবদিগকে এতাদিক বাধ্য করিয়াছ, বল শুনি। তুমি কোনও মন্ত্র জ্ঞান? অথবা ঐশ্বৰ্য্যচাৰ বা যজ্ঞাদির প্রভাবে এইরূপ পতিসোহাগিনী হইয়াছ? কিংবা তোমার কোনও ঔষধ জ্ঞান আছে, যদ্বারা পতি পত্নীর প্রতি এতাদিক আকর্ষিত হইতে পারে? ভগ্নি, তোমার এতাদিক আদর, যত্ন ও প্রভাব জানিয়া আমার সন্দেহ হইতেছে, নিশ্চয়ই তুমি এমন কোন একটা অস্বাভাবিক পন্থা অবলম্বন করিয়াছ; কারণ এতাদিক পতিপ্রিয়া হইতে বড় কাহাকেও দেখা যায় না। বোধ হয়, অঞ্জনাদি দিবা বেশভূষা দ্বারাই তুমি তাঁহাদিগের মন হরণ করিয়া থাকিবে।”

দ্রোপদী সত্যভামার কথা শুনিয়া একটু হাসিলেন। কহিলেন, “সখি, তুমি এ কি অদ্ভুত কথা কহিলে? মন্ত্র, যাদু বা ঔষধাদি নীচ-প্রকৃতি জীলোকদিগেরই স্বার্থসিদ্ধির উপায় মাত্র।



## কুললক্ষ্মী

সাধ্বী জীলোকেরা কখনও তাহাদের আশ্রয় গ্রহণ করে না। বরং তাহাদিগকে সাতিশয় ঘৃণা করে। তোমার মুখে এমন কথা শুনিব, তাহা আমি স্বপ্নেও কল্পনা করি নাই। ভগ্নি, মন্ত্রাদির দ্বারা স্বামী বশীভূত হয়েন না। পরন্তু যদি স্বামী জানিতে পারেন যে, তাঁহার জ্ঞী এই সব কুৎসিত উপায়ে তাঁহাকে বশীভূত করিতে চাহে, তাহা হইলে তিনি তাহাকে সর্পের ত্রায় জ্ঞান করিয়া দূরে দূরে রাখেন। কারণ এই সব উপায়ে প্রায়ই হতভাগ্য স্বামীদিগের জীবন-সংশয় হইয়া থাকে। অনভিজ্ঞ রমণীগণ প্রায়ই এই উপায়ে স্বামীর জীবন-নাশের কারণ হইয়া থাকে। অনেক পাপ-পরায়ণা কামিনীগণ স্বামীদিগকে বশীভূত করিবার নিমিত্ত ঔষধ-প্রয়োগ করায় তাঁহাদিগের মধ্যে কেহ বা কুষ্ঠগ্রস্ত, কেহ বা জড়, কেহ বা অন্ধ, কেহ বা বধির হইয়া রহিয়াছেন। অতএব ভগ্নি, এই সব উপায়ে কখনও রমণীগণের মঙ্গল হয় না ; বরং হিতে বিপরীত ঘটয়া থাকে।

“সখি, স্বামীর মনোহরণ ও মনোরঞ্জন করিতে হইলে, একমাত্র স্বামি-সেবা ও স্বামি-ভক্তিই জীলোকের অবলম্বনীয়। আমি কি উপায়ে পাণ্ডবগণের প্রীতিলাভ করিয়াছি, শ্রবণ কর।

“ভগ্নি, আমি সর্বদা একনিষ্ঠভাবে পাণ্ডবগণের এবং সঙ্গে সঙ্গে তাঁহাদের অত্যাগত জ্ঞীদেরও সেবা-শুক্র্যা করি। আমি প্রতিগণের উপর কদাচ অভিমান করি না, দুর্ভাক্য প্রয়োগ করা

বা অবাধ্য হওয়া দূরে থাক, আমি কদাচ সেই দেবতা সকলের সামান্য ইঙ্গিতটুকুও অবহেলা করি না। তাঁহাদিগকে না দেখিলে এক মুহূর্তও আমি সুখ-শান্তি পাই না। তাঁহারা কখনও চলিয়া গেলে, আমি সকলরূপ ভোগবিলাস পরিত্যাগ করিয়া তাঁহাদিগের মঙ্গলকামনায় ব্রত, তপস্বাদি করি এবং ব্রহ্মচর্য্য অবলম্বন করিয়া থাকি। তাঁহারা ফিরিয়া আসিলে, তাঁহাদিগকে অভিনন্দন করি ও প্রাণপণে সেবা করি।

“হে ভদ্রে, আমার মতে পতিকে আশ্রয় করিয়া থাকাই জীলোকের একমাত্র ধর্ম্ম। পতিই নারীর দেবতা ও একমাত্র পুণ্ডিত। সেজন্ত তাঁহার অপ্রিয় কার্য্য করা জীলোকের কখনই কর্তব্য নহে। পতির গায় জীলোকের দেবতা আর কোথাও দৃষ্ট হয় না। দেখ, পতিই তাহাদের সকল সুখের মূল। তাঁহার প্রসাদেই তাহাদের সম্ভান, বিষয়-বৈভব, উত্তম শয্যা, বিচিত্র আসন, বস্ত্র, গন্ধ, মালা, এমন কি পুণ্য, কীর্ত্তি ও স্বর্গলাভ হইয়া থাকে। এমন স্বামীকে কখনও কোনও কারণে বিন্দুমাত্র অসন্তুষ্ট করা কর্তব্য নহে। আমি কখনও তাঁহাদিগকে অতিক্রম করিয়া শয়ন, উপবেশন, আহার বা অলঙ্কার পরিধান করি না। তাঁহাদিগকে উপেক্ষা করিয়া পরম সুন্দর কোনও পর-পুরুষের, এমন কি গন্ধর্ষ, কিন্নর বা দেবতাদিগেরও কখনও মুখ দর্শন করি না। তাঁহারা স্নান, ভোজন না করিলে কদাপি আহার করি

## কুমলক্ষ্মী

না। তাঁহারা যে দ্রব্য পান, সেবন, ভোজন বা ব্যবহার করেন না, আমিও বিষবোধে তাহাদিগকে পরিত্যাগ করি। তাঁহাদিগের উপদেশ আমি ইঙ্গিতেই গ্রহণ করিয়া কার্য্য করি।

“সর্বদা শুদ্ধ শাস্ত্ররূপে অবস্থান করি।

“ঋতুর উপদেশ বা সেবা-শুশ্রূষায় কখনও অবহেলা করি না।

“সর্বদা ব্রত, পূজা ও অগ্ন্যায় মঙ্গলিক ক্রিয়াদি সম্পন্ন করি।

“আমি সর্বদা ঋতুর উত্তম অন্ন, পান ও বস্ত্রাদির দ্বারা সেবা করিয়া থাকি। উঁহার অপেক্ষা উৎকৃষ্ট ভোজন বা বসন-ভূষণে আকাজ্জক করি না। প্রাণান্তেও তাঁহার নিন্দা করি না।

“সর্বদা প্রাণপণ চেষ্টায় অতিথি-অভ্যাগত ও ব্রাহ্মণদিগের সেবা ও পরিচর্যা করিয়া থাকি।

“ভগ্নি, আমি সর্বদা পাণ্ডবের আয়ব্যয়ের হিসাব নিজে পর্য্যবেক্ষণ করি, প্রত্যহ উত্তমরূপে গৃহপরিষ্কার, গৃহোপকরণ মার্জন করি, যথাসময়ে পাক, ভোজন প্রদান ও শস্ত্রাদি রক্ষা করি।

“দুষ্টা জীলোকের সহিত কদাপি বাক্যালাপ করি না।

“সর্বদা আলমুগু ও কন্দামুগু হইয়া কাল যাপন করি। অতিহাস্ত ও অতিক্রোধ বর্জন করি। যার তার সঙ্গে হাস্ত পরিহাস বা বাক্যালাপ করি না। যেখানে সেখানে অবস্থান করি না।

সমর্থ হইয়াছি, যন্ত্রাদি প্রয়োগরা ।

“সখি, তুমি কখনও এই সব স্বর্ণিত উপায় অবলম্বন করার ভাব  
নেও স্থান দিও না । যদি পতিকে চিরবাধ্য করিতে চাও, তবে  
কিরূপে সফলকাম হইবে, বলিতেছি, শোন ।

“তুমি পতির প্রতি প্রতিদিন অকৃত্রিম প্রণয় প্রকাশ করিয়া  
কুন্তম বেশভূষা, পান, ভোজন ও গন্ধমাল্যে তাঁহার আরাধনা  
ও সেবা করিবে । গৃহদ্বারে স্বামীর স্বর শ্রবণ করিবামাত্র, উঠিয়া  
তাঁহাকে পরম ভক্তি-সহকারে অভ্যর্থনা করিবে ।

“তিনি কোন কার্যের জন্ত দাসদাসী নিয়োগ করিলে যথাসাধ্য  
নিজে উঠিয়া সেই কার্য করিবে, দাসদাসীকে শক্তি থাকিতে  
করিতে দিবে না ।

“যে সমস্ত ব্যক্তি স্বামীর প্রণয়পাত্র, তাঁহাদিগকেও যথাসাধ্য  
সেবা-শুশ্রূষা করিবে ।

“পতি তোমার নিকট যাহা কহিবেন, তাহা গোপনীয় না  
হইলেও কাহারও নিকট প্রকাশ করিবে না ।

“স্বামী তোমার একমাত্র প্রভু, অর্দ্ধাঙ্গভাগী, সর্বদাই এই

। শাতকে যদি তুমি তোমার  
চেষ্টায় ধার্মিক, গুণবান না করিতে পারিলে, তবে তুমি সহধর্মিণী  
হইলে কিরূপে ?

“ভগ্নি, এই সব উপায় অবলম্বন করিলে, অবশ্যই স্বামী তোমাকে  
একনিষ্ঠভাবে ভালবাসিবেন, তোমারও অক্ষর কীর্ত্তি জগতে স্থাপিত  
হইবে।”

দ্রোপদী এই কথা কহিলে, সত্যভামা পরম হৃষ্টা হইয়া তাঁহার  
অপূর্ব পাতিব্রত্য-ধর্মের মুক্তকণ্ঠে প্রশংসা করিতে করিতে বিদায়  
গ্রহণ করিলেন । যাইবার সময় বলিয়া গেলেন,—

“সখি, তোমার এই উপদেশগুলি রমণীগণ পালন করিলে  
ভবিষ্যতে রমণীসমাজের অশেষ কল্যাণ সাধিত হইবে । শেখা  
করি, তোমার এই উপদেশগুলি যবে যবে প্রতি রমণীর  
চির-আগুরুক থাকুক ।”

